

13. II

17

619 v. 1.
R. BIBL. NAZ.
Vitt. Emanuele III.

RACCOLTA
VILLAROSA



247

NAPOLI

Race Villanosa A. 24².



PET. DAN. HUETII


EPISCOPI ABRINCENSIS

DE

IMBECILLITATE

MENTIS HUMANÆ

L. III. TRES.



AMSTELODAMI,

Apud H. DU SAUZET.

M. D. CC. XXXVIII.

527073



TYPOGRAPHUS LECTORI.

QUum esset Lutetiæ ante
hos viginti annos vir Cla-
rissimus Albertus Hen-
ricus Sallengræus, ac plerosque
literatura insignes viros frequens
inviseret, in familiaritatem re-
ceptus Petri Danielis Huetii,
bina eruditissimi senis scripta
manu opera ab ipso accepit,
meisque, ut sua solebat omnia,
typis destinavit. Alterum, qui
Commentarius est de Rebus ad
Huetium pertinentibus, emisit
anno insequente MDCCXVIII.
Alterius editionem, Auctori
obsequens, præcipitari noluit.
Ille enim, ut ab hominibus au-
divi

divi rerum istarum bene gnaris, libro de Humanæ Mentis Imbecillitate suo fatum hoc dixerat, ne unquam nisi posthumus ederetur. Cujus deliberationis adiunt illam fuisse causam, quod vereretur irritare crabones, senectamque suam obijcere Cartesianorum telis configendam. Neque frustra veritum, ut qui conscius sibi esset ad scribendum venisse offensum moribus quorundam præfractè dictata Cartesii omnia retinentium, ea quoque in quibus neque color apparet veri, neque umbra*. Ipsum idcirco quæ Latino sermone scripserat Gallico reddidisse, ut quam posset plurimos ab illa secta abduceret. De his affirmant neminem dubitaturum, qui Censuram legerit Philosophiæ Cartesianæ, ac præsertim Caput VIII.

Post-

* *Biblioth. Vet. & Nov. Tom. XVIII. part. 2. Art. 10.*

LECTORI. ▼

Postquam Huetium his fluctibus mors exemit, ac foetui posthumo exeundi dedit libertatem, ego etsi Latini operis exemplar a Sallengræo habebam tandem concessum, tamen faciendum duxi ut Gallicum typis subjicerem, quod Huetianâ itidem manu exaratum aliquis Huetii consanguineus ad me transmiserat. Fore enim putavi ut vulgaris sermo lectorum turbam alliceret. Simul promissi copiam Latini operis, si expeteretur, me deinceps esse facturum.

Nunc quoniam video jam dudum reposci hæc promissa, fidem libero. Ut omnibus non placeat Huetii in coarguenda atque edomanda ratione acerbitas, placebit quidem orationis venustas & elegantia, quæ latinè scribentem nunquam deseruit.


Ac ne cui libeat editionem

VI TYPOGRAPHUS LECT.

hanc ex frivolis suspicionibus calumniari, moneo., præter exemplar quod accuratè descripsi, existare alterum in regia Parisiensi bibliotheca depositum; Huetii manum agnoscent qui eam norunt.

Quamquam autem nemini est ignotus Huetius, Historicum ejus elogium, quale exhibet Francicæ Academiæ per clarissimum Jos. Olivetæum scripta Historia, operæ pretium aliquod fore duxi si latine legendum darem. Quod proximè subsequetur hujusce operis præmium vetus, ex quo scilicet intelligitur hanc primam fuisse illustrissimi Auctoris sententiam, ut disputationem istam de Humanæ Mentis Imbecillitate cum suis Questionibus Alnetanis continuatam vellet.

DE



D E

VITA ET SCRIPTIS

PETRI DANIELIS HUETII.

Natus est Cadomi Petrus Daniel Huetius VI. Idus Febr. Anno M. DC. XXX. Infantum habuit a natura incredibilem quemdam studii amorem atque literarum, qui fandi rudem etiamnum, ac ludentem sub nutrice, mirum in modum cruciabat, si quem libro uti ad legendum videret: illum enim, qui id posset, felicem, se, quod ea careret facultate, sentiebat esse miserum.

Patrem necdum bimulus, matrem paulò quinquenni major amisit. Quo destitutus præsidio, tutelâ per agnatos negligentissimè administratâ, contubernio

VIII DE VITA ET SCRIPTIS

mancipatus est studiis parum opportuno, & fociis adjunctus bonarum artium minimè studiosis: humaniorum tamen literarum solemne curriculum intra annum ætatis tertium decimum, provehente conatus pueriles infinito discendi desiderio, confecit.

In Philosophia Doctore usus est eximio, Petro Mambruno e Societate Jesu, qui traditum sibi discipulum ut efficeret qualem Plato exigebat, aliquâ primum Geometriæ notitiâ suscepit imbuendum. Sciendi avidum juvenem sic affecit ejus disciplinæ semel degustatæ suavitas, ut in eâ totus reliqua studia penè aspernaretur, & Magistri dictata satis negligeret. Commodum homo erat Mambrunus multarum optimarumque artium, qui neque contemni a tali discipulo posset, neque opinari se contem-

tentum. Sivit proinde animum
 ut expleret suum: atque mathe-
 maticas ille disciplinas, quàm
 latè patent, universas ordine
 percurrit eo successu, ut de
 omnibus earum partibus publi-
 cè responderit. Ejusmodi dis-
 putationis exemplum Cadomen-
 sis non inerudita civitas hoc
 primum vidit. Nondum enim
 in hominum lucem atque fre-
 quentiam artes illæ venerant
 gymnasiorum ferè septis inclu-
 sæ, in quibus si habebant com-
 mendationem, habebant certè
 adhuc modicam.

E philosophica palæstra Hue-
 rium ad juris scientiam atque
 legum vocabat mos vulgo recep-
 tus; eò properabat maximè, cum
 duos in libros tum recentes for-
 te incidit; Renati Cartesii Prin-
 cipia Philosophiæ, & Samuelis
 Bocharti Geographiam Sacram:
 qui casus animum ab utili stu-
 dio

X DE VITA ET SCRIPTIS

dio ad amœniora traduxit.

Cartesianam philosophandi rationem, quam ævo maturus atque judicio acerbè adeò proſcripſit, primùm adamavit perditè, diuque complexus eſt; ſive rerum, ut videbatur, admirabilitate captus; ſive, uti poſtmodum exiſtimavit, ſpecie illectus novitatis atque fucò. Mutant nimirum cum ætate judicia: ne quis anteceptis opinionibus magnopere velit conſidere, aut in ſua ipſe verba jurare.

In ſacra Geographia eò commotus eſt magis, quod ad præſtantiam operis, & inexhaustam ſacræ & profanæ eruditionis congeriem, auctoris quoque accederet præſentia: erat tum Cadomi Bochartus Reformatorum Doctrinæ Miniſter. Librum vidit Huetius græcâ refertum atque hebraicâ literaturâ, ac ſimul

mul cupiditate exarsit utramque
perdiscendi linguam; ad Bochar-
tum adiit, auxilium, consilium
expetens; applicuit se ad ejus
familiaritatem; ei discipulum se
tradidit; in quo tamen discipu-
lo jam socium, brevi æmulum
esset magister habiturus. Tan-
tum vivo ac præsentī in exemplo
est, ut bona se natura exerat;
utque animosus tiro magna
spectet, atque enitendo conse-
quatur. Levibus in versiculis
atque nugis consenuere robusta
& promovendis nata doctrinis
ingenia; Bochartum enim, in
quem intuerentur, nullum ha-
buere.

Non se tamen græcas Hue-
tius hebraicasve in literas sic
abdiderat, ut Timonis cujusdam
ritu viveret, atque ab omnibus
abhorreret, quæ illa fert ætas,
vel ad remissionem animi, vel
ad corporis exercitationem. Con-

XIV DE VITA ET SCRIPTIS

ille regina advocante Christina suscepit mense Aprili M. DC. LII. at tempore non suo. Languorem contraxerat regina, febriculisque identidem tentabatur, æstuante ex immoderatione studiorum sanguine: quâ occasione usus callidè Burdelotius reginæ valetudinis curator, aulicarum ipse artium magis, quàm liberalium disciplinarum sciens, ut sine sociis regnaret, omni librorum usu, ac literatorum colloquio Christinæ interdixerat. Secus ergo exceptus est Bochartus quàm hominem decebat ejus existimationis, tam longè, tam crebro efflagitatu accersitum.

Cum Huetio actum est humaniùs; non enim juvenem verebatur Burdelotius, ne reginam admiratione tantâ occuparet. Eum frequenti dignatum alloquio Christina ostentatis honorificis conditionibus retinere in
aula

aula voluit : at ille inconstantiam veritus plusquam muliebrem, in consilio perstitit reditutionis maturandæ. Descripsit tribus quos Holmiæ degit mensibus, Origenis opera quædam e græco veteri codice ; quod viæ ac laboris pretium habuit.

In Hollandia cum alios literarum proceres, tum Claudium sibi Salmasium, qui eruditionis illic tenebat principatum, arctâ necessitudine devinxit. Hujus animum atque mores si quis e scriptis æstimat, Salmasium laud novit. Erat comis, urbanus, mitis ; ad hæc mirè patiens, ut jugum sibi a suâ Xantippe impositum non detrectaret. Gloriabatur imperiosa mulier maritum sibi esse, non dominum, Nobilium eruditissimum, Eruditortum nobilissimum.

Redditus patriæ ac libris Huetius acriore impetu in studia se im-

XVI DE VITA ET SCRIPTIS

immerfit; atque ad Origenem, ut daret quàm ornatissimum curas suas omnes operamque contulit: non alio laboris laxamento quam quod duabus frequentandis doctorum hominum confortionibus, Academias vocamus, hoc est, mutato identidem labore, sibi indulgebat. Altera, quæ absente eo coaluerat, intra humaniorum disciplinarum septa se continebat. Alteri, quæ phycas complexa est, initium ipse atque in suis ædibus domicilium dedit.

Vertenti latinè Origenem multa venere in mentem de hoc scribendi genere universo, & variis, quos celeberrimi quique auctores secuti sunt, interpretandi modis; quæ stylo complexus, libros de Interpretatione duos confecit, atque ut periculum faceret auræ popularis, vulgi iudicio permisit. Una vox
eru-

eruditorum fuit immensam scriptoris eruditionem, sincerum & subtile iudicium, tum latinitatis florem admirantium aureâ illâ Augusti ætate bonis quoque dicendi artificibus invidendum. Origenem denique, post annos sedecim quàm in Suecia descripserat, lauto instructum apparatu in lucem emisit. Id omne tempus egit in patria, libris unicè intentus, ab his non discedens, nisi quod Lutetiam, ad revivendos uno alterove mense amicos, quotannis excurrerebat.

His illum latebris educere tentavit fortuna non semel; nunc evocante Christinâ Romanâ, quorum suarum, abdicato regno, sedem transtulerat; nunc accersentibus Suecici regni proceribus, ut regis sui in literis instituendi curam susciperet; ille inclementiam cœli borealis expertus,

XVIII DE VITA ET SCRIPTIS

pertus, & memor frigoris, quo percussus olim Bochartus conciderat, utramque conditionem repudiavit. Habuit postmodum quod gratularetur fuisse patriam sibi & Holmiâ & Româ potiorrem, Ludovicô Franciæ Delphino Ludovici Magni filio studiorum moderator sub Jacobo Benigno Bossueto datus. Eò sua illum virtus, & Caroli Montauserii judicium provexit.

In aula decennium exegit, donec anno M. DC. LXXX. Delphino uxor duceretur. Primùm illuc appulsus intellexit continuo in illis fluctibus & crebra jactatione magnam se jacturam temporis esse facturum; quo diligentior ei parsimoniam adhibere constituit. Sic vita erat; somno vix paucas ac breves horas, dies instituendo principi, noctes elucubrando Evangelicæ Demonstrationis operi dare;

dare; quod opus in illo tumultu & inchoatum est & perfectum.

Notum est satis plerosque tum scriptores; qui vulgo Classici appellantur, interpretatione & notis in usum Delphini, atque Indicibus, qui vocabula omnia universè repræsentant, succinctos prodiisse. Non ignorandum, in hoc incepto magnas Huetii fuisse partes; id enim opus auctore quidem Montauserio, tamen procuratore interim Huetio ac moderatore peractum est. Vellent qui literas amant, operarios ei contigisse omnes vel satis dociles, vel magis peritos. Hactenus studiorum summam; quâ legendo, quâ scribendo, ad religionis Christianæ vel ornamentum vel tutelam retulerat, annum denique sextum agens & quadragesimum illigari se sacris ordinibus voluit; moxque

XX DE VITA ET SCRIPTIS

que Alnetanæ Abbatix fiducia-
rio jure præfectus est. Illic in
saluberrimo totius Normanniæ
tractu secessum nactus ad invi-
diam amicum, postquam au-
licæ functionis jugo exemptus est,
inter librorum ac ruris delicias
assiduè æstivavit. Inde & alia
quædam, & *Alnetanæ* prodire
quæstiones, quarum titulus Al-
netum Tusculo in memoria pos-
teritatis æquabit.

Designatus est anno M. DC.
LXXXV. Sueffionensis Episco-
pus. Graves intercedebant tum
controverfiæ curiam inter Ro-
manam & Francicam, exaruerat
pontificiarum literarum proven-
tus omnis atque concessio: dum
inanem episcopatus Sueffionen-
sis titulum gerit, ad Abrincen-
sem promotus est Fabius Bru-
lartius Sillerius; utque in patria
uterque esset, impetratâ a rege
facultate, episcopatum utrum-
que

que inter se permutavere. Compositis demum Romam inter & Galliam rebus, solemniter ritu consecrati sunt. Expectavit, credo, non impatienter Huetius dum adesset dies qui onus tantum imponeret non assueto, & pristinam vitæ rationem conturbaret universam. Munus quidem octavo postquam suscepit anno abdicavit, rege non nolente, qui Fontanetensi ipsum abbatiae præfecit. Fontanetum Cadomo finitimum ac ferè suburbanum est. Fontanetum amavit homo patriæ amans præter cæteros: itaque ad sarcindas ædes, ad excolendos hortos animum adjecit, ut qui portum senectutis reperisse sibi videretur; evenit perincommode ut fundi lites generarent, quibus tandem fatigatus, quamlibet pragmaticarum artium neque rudis, neque osor, stationem, quam

quam in patria non invenerat, Lutetiæ quæsiit.

Habitavit apud Patres Societatis Jesu viâ Antonianâ, & vitæ reliquum, annos viginti, scribendis in sacros utriusque fœderis libros Notationibus infumfit. In iis enim libris non solum religionis fontes aiebat esse, sed etiam eruditionis; neque digniores alios in quibus suam homo eruditus curam atque industriam exerceret: eos omnes hebraicè conscriptos, quater & vicies a capite ad calcem perlegerat jam anno M. DCC. XIV. adhibitis Rabbiorum scriptis, orientaliumque interpretationibus; ac per continuos triginta annos nullus abierat dies quin duas tresve horas huic studio impendisset.

Anno M. DCC. XII. morbus eum invasit gravissimus, ac lecto sex prope menses acerbis vexa-

vexa-

vexatum cruciatibus affixit; qua ex ægrotatione magna debilitas est secuta non quidem ingenii, sed corporis atque memoriæ. Recuperatis utcunque viribus, animum statim ad rerum suarum narrationem appulit, quam sex libris exsecutus est, pari ac cætera omnia sermonis elegantia atque styli; non pari cohærentia rerum & concinnitate ordinis, ob eam, quam dixi, memoriæ debilitationem: longis proinde continuatisque scriptionibus quum in dies minùs sufficeret, Huetiana scriptitavit; quæ ego meæ fidei ab auctore commissa in lucem ut exirent effeci: non enim aliâ conditione acceperam, quàm ut publico darem.

Locus hic erat non dissimulandi, quâ me benignitate, postquam in ejus notitiam veni anno M. DCC. VIII. fit in posterum

terum constanter profecutus. Quamquam vereor ut sit tutius invidiam, ut multi solent, desertione officii placare; quandoquidem in commemorandis illustrium hominum amicitiiis, quæ aliis grati ac memoris animi testificatio, aliis videri jactantia potest. Infitiari nolim tamen, meâ operâ curatam esse quintam ejus Carminum editionem, anno M. DCC. IX. absque ea quasi nova parturitione fuisset, non haberent, opinor, quos ejusmodi juvant deliciæ, novas quinque Eclogas, quibus canendis Musam diù tacentem fuscitavit; ostenditque ingenii florem atque orationis, neque studiorum neque ævi senio maruisse.

Porro, ut nonnullos eruditorum, etsi oppido paucos, nominare fortasse liceat, qui fuerint Huetio vivaciores, neminem

nem certè qui studio plus impenderit temporis vixisse unquam arbitror: Sic enim rationem puto mecum: vivendo sæculum vix non explevit; literas attigit maturè; raras habuit interpellationes vel negotiorum, vel invaletudinis; in somno conciliando, statim a somno, quum sumeret vestes, quum deponeret, quum accumberet mensæ & corpus reficeret, præstò erant pueri anagnostæ; demum quod ipse alicubi de se testatus est, nulla earum rerum fuit quibus duci homines maximè solent, quæ infinitum eruditionis comparandæ, atque, ut appellat, indomabile desiderium vel com-
prefferit aliquando, vel retardarit.

Corpus erat robustum; victus apprimè frugi; post annum ætatis quadragesimum cœna nulla; prandium non satuum, ci-
bus

* *

bus parabilis , nihil condimentorum ; potus aqua vino parcè tincta , neque ultra fescuncem ; stomachum Lormianâ * forbitione fovebat sub vesperam. Vultu , etiam quum valebat optimè , albo erat supra modum semper ac pallido , ita ut morbi suspitione nunquam careret.

Quod memorabile est , tertio antequam obiret die , visus est reviviscere quodammodo , ac sibi totus reddi : nulla pars pretiosi temporis frustra effluxit , aut pietatis fructu vacua ; donec die 26 Januarii M. DCC. XXI. placidâ & Christianâ mortè defunctus est.

Scripta ejus nondum publicæ luci permissa , quæ quidem ego norim , hæc sunt. i. Longi Sophistæ græci Pastoralia latino sermone reddita , quum vitæ annum

* Bouillon rouge du Medecin de Lorme.

annum ageret decimum octavum. 2. Historia fabularis ac ludicra, vernaculè scripta, quum ageret annum quintum ac vice-
simum. 3. Philosophica de Humanæ Mentis Imbecillitate lucubratio, ejusdem fœturæ ac Alnetanæ questiones. 4. Respon-
sio Petro Sylvano Regio de Cartesii Metaphysica. 5. Adnota-
tata ad Vulgatam, ut vocant, sacrorum codicum editionem. 6. Epistolæ complures, ferè ad sex-
centas, viris doctrinâ insigni-
bus missæ, quæ latinæ, quæ vernaculæ.

A P P E N D I X.

Huetianis dudum hoc auctoris
Elogium præfixeram; ac pro
historici officio, quum opera e-
jus nondum edita recenserem,
Philosophicam de Humanæ
Mentis Imbecillitate lucubra-
tionem

tionem commemoraveram: idonea haec scilicet causa visa est non nemini e Diariorum scriptoribus, ut quam primum in lucem ea prodiit lucubratio, dicam mihi, uti vel auctori, vel approbatori, scriberet. Sed in illa criminatione quidquid est quod ad meam privatim injuriam pertinet, non invitus ignosco; quod ad Huetium spectat, hoc unum video. Quid enim? omnis ejus doctrina, praesenti, inquam, opusculo explicata, tribus admodum pronunciatis concluditur.

I. Fides, quam Dei solius ope consequimur, id habet maxime proprium ut nulli sit errori obnoxia.

2. Humana ratio nullum ex se suisque viribus praesidium habet veritatis * clarissime firmissime.

* (*Animadversio Interpretis.*) Hæc Clarissime, firmissime, prætermiserat scrip-

fimeque percipiendæ.

3. Ubicumque diffidium apparet rationis atque fidei, omit-
tenda illa est, hæc audienda.

Primum e tribus illis perstrin-
git auctor satis leviter, est enim
plenè atque apparatè pertracta-
tum in Demonstratione Evange-
lica. Tertium cum duobus aliis
necessitate conjunctum est. In
secundo erat operæ pretium, in
eo pedem fixit. Quamquam qui
opusculum excusserit deprehen-
det, scriptorem vix aliud sibi de-
disse

tor Appendicis, quæ in suum ego lo-
cum revocanda esse existimavi; ea fa-
nè inculcat ubique Huetius, neque ad
rẽm faciunt nihil. Non facit Huetius
incerta omnia, ut plerique opinantur;
etsi enim fides divina certum magis red-
dit quam humana ratio: non tamen
hæc non reddit certum; in rebus nuda
ratione perceptis non est is gradus
perfectæ certitudinis, quem habet no-
titia rerum fide cognitarum; at est ni-
hilominus in quibusdam certitudo sum-
ma. L. I. Cap. I. n. 7.

XXX DE VITA ET SCRIPTIS

disse negotii, quàm ut veterum argumenta ac reperta disponderet ordine atque explicaret.

Equidem quum tantum Huetiano nomini tribuam quantum qui plurimum, infitias non i-
vero tamen, in secundo illo pronuntiato, maximè si ad res fide credendas illud conferas; esse quod angat non parum: si enim neque sensibus capi ullarum certa cognitio, neque attingi ratione potest, frangi necesse est ac debilitari quæ vulgo appellantur *motiva credibilitatis*, ea nimirum argumenta quæ res ad credendum propositas faciunt evidenter † credibiles. Quod ego

† (*Animadversio Interpretis.*) Sit ab erudito Elogii scriptore venia, si huic ego censuræ non accedo; causam hanc habeo dissentienti: Ut de re qualibet institui potest gemina quæstio; prior, an sit; posterior, quid sit; ita rei cuiuslibet gemina cognitio est; altera popularis atque exposita, quâ certus sis rem extare;

ego jam diu ante † significaveram quàm Huetiana lucubratiō quæstionem hanc induceret, scripseramque, homini bene Christiano, ac retinendi hujus nominis non incurioso, sectas omnes quæ dubitandi artem profitentur, fore merito suspectas; ut qui sciat quantum sit in rebus

extare; altera reconditior ac philosophica, quâ rei ipsius vim omnem naturamque videas. In illis, de quibus agitur, *motivis* sufficit, neque id quisquam non fatetur, popularis cognitio; rursus Huetii universa disputatio de Philosophicâ rerum notitiâ est. Id si observatum discrimen foret, in hoc libello, quî mentibus refractariis nimiumque Philosophis fidei præparandis elaboratus ab auctore fuerat, neque sperassent increduli latere subsidium aliquod suæ temeritatis ac perviciaciæ; neque tanta esset tempestas excitata.

† In ejus scilicet erudita commentatione *de Theologia Græcorum Philosophorum*, ubi *de Democrito*: quam commentationem subjunxit Libris Ciceronis *de Natura Deorum*.

bus ope sensuum perceptis momentum ad fidem. Verumtamen quod nobis, mihi, inquam, ac reprehensori illi meo, mihi probanda videatur opinio fortasse aliqua, non continuo pestifera est & proborum omnium odio digna: præsertim verò si assertores ac defensores nacta sit nostrum utroque meliores, theologicisque commentationibus magis exercitatos.

Jam autem hujus, quâ de agitur, sententiæ assertor quis est? Homo in sacro antistitum, ordine tum doctrinâ tum virtute commendabilis. Atenim illuserat vana species ad tempus, quam meliùs, ut fit, cognitam animo expuit. Imo scitum illud de Humanæ Mentis Imbecillitate suam in ipso Evangelicæ *

De-

* Præfat. Num. IV. ubi hæc leguntur: *Duplex est via, per quam in animos nostros illabitur cognitio rerum; alia sen-*

Demonstrationis aditū aperte exposuit; Alnetanis disputationibus † tamquam fundamentum præstruxit, singulari opusculo explicavit, quod opusculum jam anno M. DC. LXXXVI. prælo paratum promittebatur † atque expectabatur.

Venit in lucem denique: Nul-
lusne alicujus nominis proba-
tæque Doctrinæ theologus ap-
probator accessit? Enimverò
plures. E societate quidem Je-
su

*suam ac rationis; alia fidei: obscura illa,
anceps & fallax, ad veri notitiam malefi-
da & intuta, infinitis obseptis Philosophorum
tricis & questionibus; clara hæc, &c.*

† In antecessione, num. III. Primum
igitur adducenda in notitiam sui Ratio est,
sueque imbecillitatis & obscuritatis coar-
guenda. Jam inde enim se tenebris undique
obseptam agnoscens, iisque expedire se sata-
gens, nec aliunde beneficium hoc expectans,
quam à fide, in ejus demum ditione se per-
mittet.

‡ Nouvelles de la Republ. des Lettres.
Art. VI. Mai 1686.

fu vir * eruditione & scriptis pro defendenda atque ornanda religione celebris, ac Romæ non ita pridem librorum censor, perlecto Huetii libro, nihil in eo deprehendisse affirmavit quod non cum veterum patrum dictis scitisque consentiat.

Jam quid æquum est facere me atque illum opificem Diariorum, si quando homines spectatâ virtute ac doctrinâ præcellentes videmus non in eadem nobiscum esse sententia? Quid? Meminerimus modestè circumspèctoque judicio de talibus viris & loquendum esse nobis & sentiendum; præsertim si res sit ejusmodi quæ non eadem omnibus, sed aliis aliam speciem sui atque imaginem objiciat: manebimus,

* P. Baltus, cujus erudita de hoc argumento sive dissertatio, sive Epistola exstat tom. I. operis cui titulus: *Memoires de Litterature & d'Histoire.*

bimus, esto, in antecepta sententia, quoniam & recta est, & verior alterâ nobis videtur ac tutior: partem, si lubet, alteram impugnabimus, adhibitâ tamen æquitate illa ac moderatione, quæ rationis socia est, & amica veritatis.

Nunc acerbè & contumeliosè in hominem invehi bene de literis ac religione meritum; Huetium ita traducere, ut Bodinum aliquem aut Spinozam, hocce est humanum factum, an facinus cui expiando haud scio an satis sit supplicare deo pro venia, nisi publicè recitando abolere quod in publicam labem emanavit, pro virili fatagas?

An læsæ fidei suspitione Demonstratorem Evangelicæ veritatis aspergi? Quid mereat impietas ut conjecti in hostem suum tanti dedecoris fructu careat? Non triumphabit in eo

tamen: abundè habet hominum
 Lutetia qui Huetium quum vi-
 derint sæpe, & intimè nove-
 rint, audiri de laudatissimi
 præfulis integritate atque inno-
 centia possint: sciunt nihil eo
 fuisse continentius, nihil ab il-
 lis, quæ impietatem ducunt;
 vel sequuntur, vitiis remotius;
 ævum omne inter libros, &
 studiorum assiduos labores, pro
 religionis deiq̃ue causa, inque
 sacri codicis meditatione esse
 consumtum. Nullus iit festus
 Dominicæve dies, quo non o-
 peraretur sacris; Catholico
 prius ritu expiatus; quotidiana
 precandi officium, una-
 cum sacerdote, quem antistes
 habebat a sacris domesticis,
 piè statisque horis persolvebat.
 Addam hoc quoque, quamquam
 levius videri sanè potest, sed
 non omittam tamen, quoniam
 quæ ad cultum pietatis atti-
 nent,

nent, ut sint in se minima, æstimationem habent in hominibus ingenio ac famâ præcellentibus maximam: communem illani præcum seriem, quam alii Coronam, alii Rosarium vocant, tripartito divisam quotidie evolvebat, ac partem mane, partem meridie, tertiam vespere exsequebatur, sono admonitus æris campani, quo repetendæ salutationis Angelicæ signum datur. Tales quidem esse non videmus eos qui religionis fundamenta convellunt, & artem docent nihil credendi.

Quod superest, hoc quidquid est, veritati, non amicitia dedi. Laudare nolui; quid enim mea laudatione opus est homini supra laudem magno? Id volui tantum, ut qualem novi ego vidique Huetium, talem nossent literati ac probi;

XXXVIII. DE VITA ET SCRIPTIS

commodum unâ eâdem operâ
& religiosi testis, & hominis
non ingrati, & amici fidelis of-
ficio sum perfunctus.



IN

I N D E X

partium hujus Operis.

<i>Præfatio.</i>	pag. 1
<i>Operis argumenta.</i>	3
<i>Ejusdem partitio.</i>	8

LIBER PRIMUS.

Veritas ab humana mente per rationem firmissime clarissimeque cognosci non potest. 9

I. *Ante omnia docendum:*

1. <i>Quid sit Philosophia.</i>	ibid.
2. <i>Quid Mens humana.</i>	10
3. <i>Quid Idea.</i>	11
4. <i>Quid Cogitatio.</i>	ibid.
5. <i>Quid Ratio.</i>	ibid.
6. <i>Quid Veritas.</i>	ibid.

7. *Multiplex est Certitudinis modus atque gradus. Certitudinem humane naturæ perficit Certitudo Fidei.* 13

II. *Probatur veritatem ab homine Rationis ope firmissime clarissimeque cognosci non posse. Primum argumentum: id suadent Scriptores sacri.* 17

III. *Secundum argumentum: Certus esse non potest homo rem extrinsecus.*

I N D E X

fetus objectam cum impressa in nobis specie ex idea rei hujus consentire.

24

1. *Imagines, sive umbræ quæ a corporibus extrinsecus objectis fluunt, his similes non sunt.*

26

2. *Dubia est fides interjecti medi per quod ad sensus instrumentum fertur umbra sive species.*

27

3. *Dubia est fides sensuum.*

29

4. *Dubia est fides nervorum & spirituum animalium.*

31

5. *Dubia est fides cerebri*

35

6. *Dubia est fides & ignota natura humani animi & intellectus.*

37

IV. *Tertium argumentum: Naturæ rerum ab humana mente firmissime clarissimeque percipi non possunt.*

40

V. *Quartum argumentum: Res propter continuam mutationem firmissime clarissimeque cognosci non possunt.*

44

VI. *Quintum argumentum: Res propter hominum dissimilitudinem firmissime cognosci non possunt.*

47

VII. *Sextum argumentum: Res propter causas earum infinitas firmissime clarissimeque cognosci non possunt.*

48

VIII.

Partium hujus Operis.

VIII. Septimum argumentum:
*Nullus homo habet tutam normam
veritatis.* 51

IX. Octavum argumentum: *Dis-
putatur contra evidentiam.* 55

X. Nonum dubitandi argumentum,
*à Cartesio propositum: Ignorare nos
an tales à Deo simus creati, ut sem-
per fallamur.* 63

XI. Decimum argumentum: *Pe-
tit principium quicumque rationibus
probare conatur veracem esse Ratio-
nem.* 66

XII. Undecimum argumentum:
Intuta est argumentationum fides. 67

XIII. Duodecimum argumentum:
*Ex dissensionibus Dogmaticorum se-
quitur nulli ipsorum sectæ esse adhæ-
rendum.* 70

XIV. Dubitandi auctores fuerunt
nobilissimi Philosophorum. 71

1. Anacharsis, 73

2. Pherocydes, ibid.

3. Pythagoras, ibid.

4. Empedocles, ibid.

5. Gorgias Leontinus, 74

6. Xenophanes, ibid.

7. Epicharmus, ibid.

8. Parmenides, ibid.

9. Xe-

I N D E X

9. <i>Xeniades,</i>	75
10. <i>Zeno Eleates,</i>	ibid.
11. <i>Heraclitus,</i>	ibid.
12. <i>Anaxagoras,</i>	ibid.
13. <i>Democritus,</i>	ibid.
14. <i>Protagoras,</i>	76
15. <i>Socrates,</i>	ibid.
16. <i>Plato, primæ Academicæ au-</i> <i>ctor,</i>	79
17. <i>Aristoteles,</i>	80
18. <i>Arcefilas, secundæ Academicæ</i> <i>auctor.</i>	ibid.
19. <i>Lacydes.</i>	83
20. <i>Carneades, tertiæ Academicæ</i> <i>auctor.</i>	ibid.
21. <i>Clitomachus.</i>	86
22. <i>Philo, quartæ Academicæ au-</i> <i>ctor.</i>	87
23. <i>Antiochus, quintæ Academicæ</i> <i>auctor.</i>	88
24. <i>Cicero.</i>	89
25. <i>Varro, Piso, Lucullus, &</i> <i>Brutus.</i>	91
26. <i>Origo Pyrrhonismi.</i>	92
27. <i>Metrodorus Chius.</i>	ibid.
28. <i>Anaxarchus.</i>	ibid.
29. <i>Pyrrho.</i>	93
30. <i>Quotuplex fuerit Academia,</i> <i>& quid ab Academia discrepauerit</i> <i>Pyrrho.</i>	

Partium hujus Operis.

<i>Pyrrhonismus.</i>	99
31. <i>Gemina tantam fuit Academia, vetus & nova; nova verò merus fuit Pyrrhonismus.</i>	104
32. <i>Afferuntur dissensiones novæ Academiæ, & Scepticæ disciplinæ; & conciliantur. Prima dissensio.</i>	106
33. <i>Secunda dissensio.</i>	ibid.
34. <i>Tertia dissensio.</i>	108
35. <i>Quarta dissensio.</i>	ibid.
36. <i>Quinta dissensio.</i>	109
37. <i>Sexta dissensio.</i>	110
38. <i>Septima dissensio.</i>	112
39. <i>Cur Philosophi dubitationem professi, Academici haberi malint quam Pyrrhonii.</i>	114
40. <i>Falsum est post Timonem interruptam fuisse sectam Scepticorum.</i>	115
41. <i>Timon Phliasius.</i>	116
42. <i>Nausiphanes Teius.</i>	117
43. <i>Theodosius Bithynus.</i>	ibid.
44. <i>Ænesidemus Cnossius.</i>	ibid.
45. <i>Ptolemæus Alexandrinus.</i>	118
46, 47. <i>Cornelius Celsus. Favorinus.</i>	ibid.
48. <i>Sextus Empiricus.</i>	ibid.
49. <i>An idem sit Sextus Empiricus ac Sextus Chæronensis.</i>	ibid.
50. <i>Ma-</i>	

I N D E X

50. <i>Magna affinitas Septices, Empirices, & Methodices.</i>	122
51. <i>Lucianus.</i>	123
52. <i>Uranus.</i>	ibid.
53. <i>Iterum ex Dogmaticis, Porphyrius.</i>	124
54. <i>Aristippus.</i>	125
55. <i>Herillus Carthaginis.</i>	ibid.
56. <i>Menedemus Eretrienfis.</i>	ibid.
57. <i>Eretrici Philosophi, & Megarici.</i>	126
58. <i>Monimus Cynicus.</i>	ibid.
59. <i>Ex gentibus exoticis Magi.</i>	ibid.
60. <i>Brachmanes.</i>	127
61. <i>Turcæ quidam Philosophi Attoniti dicti.</i>	ibid.
62. <i>Inter Judæos Esseni.</i>	ibid.
63. <i>Et Seboræi.</i>	128
64. <i>R. Moses Maimonides.</i>	ibid.
65. <i>Inter Arabes, Loquentes.</i>	129
XV. <i>Conclusio libri hujus. 1. Ex superioribus concluditur dubitandum esse, nec aliter errores vitari posse.</i>	130
2. <i>Errores infinitos peperit confidentia Dogmaticorum.</i>	131
3. <i>Er-</i>	

Partium hujus Operis.

3. Errare non possunt Academici
& Sceptici, qui nihil affirmant, at-
que hi soli Philosophi dicendi sunt.

132



LIBER SECUNDUS.

Explicatur accurate quænam tutis-
sima videatur ac legitima Phi-
losophandi ratio.

134

I. Homo naturaliter caret idoneis
ad verum clarissime firmissimeque co-
gnoscendum instrumentis; quod etiamsi
aliquatenus possit cognoscere non po-
test.

ibid.

II. Rationis defectum supplet Fi-
des, certissimaque efficit quæ per Ra-
tionem minus certa erant.

139

III. Nihil est in intellectu quod
non fuerit in sensu.

143

1. Contra Platonem.

145

2. Et Proclum.

146


3. Et Cartesium.

148

IV.

I N D E X

IV. <i>Probabilia pro veris in usu vitæ sequenda sunt.</i>	155
V. <i>Criterium probabilitatis.</i>	158
VI. <i>Finis dubitationis.</i>	159
VII. <i>Nullius jurandum in verba magistri.</i>	162
VIII. <i>Optima quæque ex singulis disciplinis seligenda.</i>	164
IX. <i>Cavendum præcipue ne quid admittatur contrarium Fidei.</i>	165
X. <i>Eclecticorum sectam clarissimi viri secuti sunt.</i>	ibid.
XI. <i>Cum nulli alteri discipline addicere se oporteat, suæ se oportet addicere.</i>	171



LIBER TERTIUS.

Opponuntur argumenta adversariorum, & refelluntur. 172

I. *Primum argumentum: Tolle a nobis usum vitæ.* ibid.

II. *Secundum argumentum: Amitti scientiam.* 174

III.

Partium hujus Operis.

III. *Tertium argumentum* : *Ha-*
bere nos Criterium veri & falsi : ali-
qua percipi a nobis , & affirmari
ibid.

IV. *Quartum argumentum* : *Nos-*
tram philosophandi rationem non ef-
ficere disciplinam. 176

V. *Quintum argumentum* : *Cum*
dicimus nihil esse veri neque falsi ,
neque ullam esse demonstrationem ,
hoc ipso nos irretiri. ibid.

VI. *Sextum argumentum* : *Vix*
sine impietate dubitari posse annon
homo ita sit à Deo factus , ut semper
fallatur. 177

VII. *Septimum argumentum* : *Vi-*
deri rationem hanc dubitandi animos
hominum abducere a susceptione fi-
dei , & morum corruptelam inducere.
178

VIII. *Refelluntur argumenta ad-*
versariorum. 181

IX. *Primum argumentum.* 183

X. *Secundum argumentum.* 185

XI. *Tertium argumentum.* 190

XII. *Quartum argumentum.* 196

XIII. *Quintum argumentum.* 198

XIV.

I N D E X . &c.

XIV. <i>Sextum argumentum.</i>	202
XV. <i>Septimum argumentum.</i>	205
XVI. <i>Cur rejecta sit sententia A-</i> <i>cademicorum & Scepticorum.</i>	218
XVII. <i>Epilogus.</i>	222






DE
IMBECILLITATE
MENTIS.
HUMANÆ.

Ad Philosophos contubernales.

P R Æ F A T I O.

Ccipite, Optimi Viri, non
meam de mentis humanæ
& rationis natura atque vi
sententiam, sed quam mihi
traditam esse memini ab erudito quo-
dam homine, acuto sane ac subtili, ac
priscæ omnis Philosophiæ & recentis
valdè perito. Is apud Salyos Gal-
lo-Ligures honestissimo loco natus,
multas florente ætate peragraverat
regiones, studiorum causa: nec in-
salutatum prætermiserat quemquam
Sapientiæ professione clarum: a-
deptus deinde amplissimum inter
suos dignitatis gradum, jam prope
senex adverso fortunæ reflantis ca-
su perculsus est; solumque vertere

A

co-

coactus Patavium venit, amœnissimum Musarum domicilium, quam mihi studiorum sedem delegeram. Officiose ille ad me adiit pro more veteri, non tamquam ad Philosophiæ studiosum, qualem scilicet cognoverat ex quibusdam commentariolis, quæ jam tum mihi exciderant, vel quos prælo paratos habebam. Cepit me illico solers hominis ingenium, tum præstans eruditio liberali quodam candore conjuncta. Delinitus is vicissim hac, quâ ventitantem ad me excipere solebam, comitate, & similitudinæ studiorum, animum mihi suum penitus aperuit. Posteaquam enim animadverti Sectas singulas veteris ac novæ Philosophiæ acriter ab eo oppugnari, more Academicorum, nullam defendi; neque ullâ arte ullave percontatione sententiam ejus erui posse; percussit id animum, & decurri denique ad preces, serioque orare cœpi, evolveret se ex hac dissimulatione, & apertè mecum ageret. Quid plurâ? crebra tandem & diuturna obtestatio sapientiam ei omnem expecto-

pectoravit ex animo, (liceat enim in dissimili causa abuti verbis Ennii) longoque usu ac meditatione insitam de Philosophia opinionem extorsit. Hanc disputationem, quoniam & valde acuta mihi visa est, & penitus abhorrens a Philosophia communi, mandavi memoriæ, animi tantum causâ, non ut aliquando in apertum referrem. Sic igitur ille est locutus.

Cum primum ad Philosophiæ studia me contuli, nondum adolescens, valde me offendit perpetuus ille conflictus, deque omnibus numquam intermissa disputatio; delusumque me putabam à Magistris, qui veritatis notitiam ac animi tranquillitatem polliciti, medias me in tempestates, merasque tenebras coniecissent. Cum essem autem in Lycei septis eductus, dolebam ne Peripateticis quidem inter se convenire, & ex unius Aristotelis Doctrina tot exstare controversias, quæ erumperent plerumque in iurgia; tot succrevisse pugnantes inter se Græcorum, Arabum & Latinorum interpretationes; tot veterum & novitiorum.

Mirabar cæcitatem mentis humanæ: cum enim veteres Philosophos, vel stultos vel gloriosos esse jactasset Aristoteles, ut à Cicerone traditum est, qui Philosophiam ingeniis suis perfectam existimassent, sed se videre brevi eam tempore absolutum iri; tantum abesse eam agnoscebam ab hac absolute, ut mirarer potius quæstiones feri ex quæstionibus, & diuturnitatem temporis quæ modum cæteris affert; novas in dies belli causas subministrare; ut non tam indagatio veritatis, quam subtiliter & acute litigandi exercitatio videretur. Ac profecto optabam nonnunquam idem a spectato aliquo viro fieri, quod à Gellio Proconsule factum acceperam; qui cum Athenas venisset, Philosophos omnes, quicumque illic erant, ad se vocatos magnopere cohortatus est, ut altercari aliquando tandem desinerent, & descenderent ad æquas pacis condiciones; se præsto illis futurum, si res posset quoquo modo convenire. Derisum id sæpe est à multis, non item à me: convenisset enim res, si decreta sua singuli, quæ contumaciter defen-

de-

dere instituerant, revocassent in dubium, & retractassent; & jam inde pertinacia omni deposita, nihil affirmare, & assensum in omnibus retinere cœpissent. Placuisse quoque quod factum legeram a Nerone, cum tempus impendebat Philosophis, ut Dogmaticorum contraria asseverantium discordias cognosceret; si veri rectique studio id fecisset, non per procacis ingenii levitatem; ut componeret controversias, non ut per deridiculum foveret. Magna vero deinde fuit Cartesianæ doctrinæ existimatio; quæ cum novitate sua, uti fit, multos ad se alliceret, futurum augurabantur plerique ut propediem desereretur Aristoteles, solus Cartesius regnaret. Hanc ego, discordiæ Peripateticorum pertæsus, cum avide arripuissem, magnopere sane mihi placita est; quippe ex simplicissimis & paucissimis profecta principiis, plana, facili, & expeditâ viâ mihi ad rerum causas penetrare videbatur. Nec multo post tamen intellexi, neque de gradu suo dejectos esse Peripateticos, & ad-

versus Cartesium consurgere viro
 pereruditos, ac Gassendum imprimis, qui & Cartesii oppugnaret disciplinam, & Epicuri sectam, vulgo licet odiosam, & impietatis suspectam, feliciter renovaret. Verum & hanc quoque plures cognovi adversarios, quam propugnatores peperisse. Quamobrem transii ad Platonem. Sic enim audiveram, eum cognomine divinum esse dictum, magnamque ejus fuisse olim admirabilitatem, & priscos Ecclesiæ Patres propemodum omnes ejus sententiis Christianam Doctrinam condidisse. Verum qui certi quærebam aliquid, nihil in eo reperi, cui posset animus insistere; non fixa aliqua & rata principia; non aptam ex iis, consertamque, ac cohærentem disciplinam; acuta omnia, omnia subtiliter & eleganter tractata; sed disputata in utramque partem: tum & varias ex hac una enatas sectas, dum unaquæque mere Platoniam se jactat, reliquas adulteratas: adeo ut perlectis Platonis Platoniorumque aliquot operibus, de rerum veritate incertior

tior essem multo quam dudum. Tum igitur nequa mihi ignota esset & inaccessa antiquæ Philosophiæ pars, veterum Philosophorum sententias collegi undecumque, & Diogenis Laërtii opus, aliaque hujusmodi, quibus vitæ eorum & placita continerentur, legi studiōse; futurum ratus, ut in tot sectis Philosophorum, quantumvis spretis & abjectis, aliqua fortasse occurreret minus opportuna contradictionibus, & ad animi fluctus sedandos aptior. Nec me spes fefellit: mirifice enim vero mihi probata est Arcesilæ, Carneadis, & Pyrrhonis ratio: iique sane mentis humanæ naturam longe acutius perspexisse visi sunt, quam cæteri omnes. Etsi nonnulla quoque sunt, in quibus minime nobis probata est eorum ratio, atque his identidem relictis nobis ipsi sæpè philosophandi auctores fuimus. Ad hæc cum diuturni temporis accessisset usus & meditatio, jam mihi notior factus, in ea opinione plane confirmatus sum, nullam esse vel in me, vel in quovis homine nativam facultatem, qua veri notitia

certissime clarissimeque percipi possit; errorumque omnium fontem esse assensionum levitatem. Hæc cum dixisset eruditus ille vir, atque ego valde mirarer, minime suspicatus fractam jamdiu & explosam doctrinam à tali viro revocatum iri, Miraris, inquit, confidentiam meam, qui res ausim proferre à vulgi opinionibus adeo alienas; vel diffidentiam potius & hæsitationem, qui ab illustribus & perspicuis rebus assensum cohibeam; sed si ex me audire perges quæ dicturus sum, tantum spero de bonitate ingenii tui, & animi candore, ut mireris contra temeritatem & inconsiderantiam hominum, qui ea videre se putant, quæ non vident, & in errorem præcipites ruunt. Audiam vero, inquam, & attente: atque utinam re id præstes, quod spondes verbis. Quibus dictis sic ille incipit.

Ne temere vagetur hæc disputatio, certisque concludatur terminis, trifariam distribuenda est: ac probandum ante omnia veritatem ab humana mente firmissime

cla-

clarissimeque cognosci non posse:
accurate deinde explicandum quæ-
nam tutissima videatur ac legitima
philosophandi ratio: refellenda de-
mum argumenta adversariorum.

LIBER PRIMUS.

*Veritas ab humana mente per ratio-
nem firmissime clarissimeque cog-
nosci non potest.*

I.

HUMANÆ mentis & rationis in-
firmitatem demonstraturo vas-
tissimus primum se aperit cam-
pus: nec Academicorum dumtaxat
& Scepticorum, sed Philosophorum
prope omnium solo tritus, atque
in primo Philosophiæ totius aditu
positus, in quo de vero, verique
natura & inquisitione dimicandum
est; Præpostere enim agat qui ve-
ritatem studeat percipere; an per-
cipi possit, non quærat.

I Nam cum nihil aliud sit Phi-
losophia quam studium Sapientiæ,
sive investigatio veri, sive conatus

humanæ mentis in assequenda per rationem veritate; veritatem prius, & rationem, ac mentem Philosophus cognoscat necesse est, & veritatem a mente per rationem posse comprehendi sciat, quam magnos excipiat labores in eo persequendo, quod numquam assequatur. Ut venator, cum ad sectandam feram se accinxerit, si inaccessas interjacere rupes, aut profundas voragines intelligat, ab inani hac consecratione abstineat. Conemur igitur explorare naturam Veri, Rationis, Mentisque nostræ, quoad ejus fieri poterit: nec enim ita insanimus, ut qui nihil per rationem firmissime clarissimeque cognosci posse dicamus, veritatem ipsam, mentemque nostram firme clareque speremus cognoscere.

2. Mentem itaque humanam definio, Principium, sive facultatem, sive vim homini innatam, quæ per susceptionem & impressionem specierum in cerebro movetur ad fingendas ideas, & ad cogitandum. Species nunc dico, non simulacra illa, sive imagines à corporibus flu-

fluentes, quæ & species appellantur; sed ductus cerebro impresos per motum spirituum & nervorum, postquam excitati sunt à sensuum instrumentis extrinsecus impulsis: per quam impressionem fit ut cerebro adjunctus intime animus certo quodam modo afficiatur.

3. Appello ideam, simulacrum quod sibi ipse fingit animus certo quodam modo affectus ex impressione specierum in cerebro.

4. Appello cogitationem, actionem mentis per specierum susceptionem in cerebro; motæ ad ideas fingendas & inter se comparandas, & judicia de iis facienda.

5. Rationem dico, facultatem nostræ mentis quæ veritatem per naturales suas operationes nititur cognoscere.

6. Veritatis hanc damus definitionem, (ejus nempe, non quæ à Philosophis existentia nuncupatur, sed quæ judicii) consensus & convenientia judicii, quod mens facit ex intuitu ideæ quæ in nobis est, cum re extrinsecus objecta, unde idea illa proficiscitur. Res extrin-

secus objecta esto Lupus, cujus idea in me est. Mens ex intuitu ideæ illius judicat esse Lupum. Judicium illud quod mens facit, consentit cum re objecta, proptereaque dicitur verum; consensio autem judicii illius cum re extrinsecus objecta dicitur Veritas. Contra si mens ex intuitu ideæ hujus judicat esse canem, judicium illud dissentit à re extrinsecus objecta, & dicitur falsum; dissensio, falsitas sive error. Objectam rem dico extrinsecus, sive quæ tum adest, cum mens ad cogitandum de ea impellitur; sive quæ aliquando adfuit, suique ideam in nobis expressit; sive visam nobis ipsius imaginem, sive auditam nobis ex aliena commemoratione ejus descriptionem: unde plurima videntur furiosis & dormientibus, plurima etiam depingimus cogitatione, quæ præsentia non sunt ipsa quidem, sed eorum impressæ in nobis species inhærent. Hæc porro omnia alii aliter definiunt; alias quidam notiones hic vocabulis attingunt. Nos iis utemur quas proposuimus. Er-

go si ita Natura comparatum est, ut per Rationem firmissime clarissimeque cognoscere non possit homo externam hanc rem consentire cum iudicio a mente sua facto ex intuitu ideæ rei hujus, fatendum omnino est hominem per Rationem non posse verum firmissime clarissimeque cognoscere.

7. Veri porro cognoscendi duplex est modus. Nam vel cognoscitur dubitanter & incerto, ut cum Luna à Viatore, juxta Poetam, aut videtur, aut videri putatur: vel cognoscitur certo. At *certitudinis* hujus (patere istam barbariem) geminus quoque est modus. Alia est enim *certitudo*, quâ res cognoscuntur in Cælo à Beatis, qui summus *certitudinis* gradus merito dicendus est; alia *certitudo*, quâ res cognoscuntur in terris ab hominibus. Rursum duplex id genus postremæ istius *certitudinis*: nam res à Deo revelatas per Fidem cognoscimus ac credimus certissimo, eâ nempe *certitudine*, quam divinam possis dicere, quippe cujus auctor est Deus, reliqua cognoscimus *cer-*

titudine humanâ ; cujus item diversi sunt gradus. Alia enim aliis certius cognoscimus : certius clariusque scimus totum esse majus sua parte, quàm Saturnum esse altiorrem Jove, quàm verum esse quod duo testes oculati affirmant. Probabile hoc est, certum istud, illud certissimum. Atque hi tres sunt *certitudinis* humanæ gradus, supremus, medius, infimus ; quorum unusquisque rursus intendi potest ac remitti. Eiusdem humanæ *certitudinis* alia duo sunt genera ; hoc physicum dicas, illud morale. Certo scio bis bina efficere quatuor, æqualia esse inter se corpora duo, quæ tertio alicui æqualia sunt : certo item scio urbem esse ad Bosphorum Thraci-um, quæ Constantinopolis appellatur ; exstitisse apud Romanos Imperatorem, cui cognomen Augusto fuit ; igne uri res admotas, glacie refrigerari. Priora illa per vim quandam mihi innatam, nempe per naturale lumen, certo cognosco, posteriora hæc idoneis testimoniis, auctore usu, magistra experientia, quæ moribus hominum certam habent.

bent fidem ac momentum. Ex his intelligis quam varia sit & multiplex *certitudo*, animis nostris a Deo hominis conditore concessa, dum vitæ hujus usuram habemus. *Certitudo* illa divina qua res per fidem cognoscimus, etsi certissima est, minime tamen vel ob firmitudinem, vel ob evidentiam cælesti illi *certitudini æquiparandam* esse pronuntiat. (1) Paulus auctor locuples, cum nos ait *videre nunc per speculum in ænigmate*, Beatos in Cælis *facie ad faciem*; se nunc cognoscere ex parte, tunc se cogniturum *sicuti & cognitus est*. Rursum *certitudo* illa Fidei à Deo auctore profecta, quâ nunc fruimur, longe præstat *certitudini* humanæ etiam supremi gradus, sive Rationis præsidio parta sit, sive sensuum. Quamobrem vere dictum est (2) a Chrysostomo, nisi res per Fidem cognitæ certiores habeamus rebus quas usurpemus sensibus, Fide nos carere. Cum ergo supremus *certitudinis* humanæ gradus, puta quâ prima principia & axiomata geometrica certa habeo, longe infra cer-

(1.) 1. Corinth.

XI 11, 9.

12.

(2) Chrys. Homil. 21. in Epist. ad Hebr.

titudinem Fidei positus sit; *Certitudo* autem Beatorum longe præstet *certitudini Fidei*; liquet utique supremum *Certitudinis* humanæ gradum perfectum non esse: nam quod perfectum est, omnibus est absolutum numeris, nec deest illi quidquam ad summam perfectionem; deest autem *certitudini* humanæ id quo superatur a *certitudine* Fidei, & id quo *certitudo* Fidei superatur à *certitudine* Beatorum. Cum igitur dicimus Verum ab homine certò cognosci non posse, sic accipito, certò cognosci non posse suprema illa *certitudine* & absoluta, cui nihil omnino ad summam perfectionem desit; at cognosci certò posse *certitudine* ista humana, ad quam nativis viribus pervenire posse humanam mentem voluit Deus, quamdiu corpore mortali conjuncta est. Hac *certitudine* cum nihil firmitus habeat humana mens, quo nitatur, summam *certitudinem* humanam recte appelles; licet perfectissima non sit, nec veritas ab homine Naturæ tantum viribus subnixo firmissime clarissimeque cognosci possit. Fidei autem ope cognosci certissime potest.

test, licet *per speculum in enigmate*: nam quod ad certissimam notitiam naturæ nostræ defit, id gratia supplet per fidem; confirmat Rationis ac sensuum imbecillitatem, dispellit tenebras dubitationum, & nutantem animum confirmat. Verum hæc fusius mox differemus.

II.

QUOD priusquam ex rebus ipsis ostendimus, suffragatorem demus Deum ipsum, qui inscitiae nostræ nos in libris sacris sæpius commonefacit, frustra que homines in rerum comparanda notitia cognoscendisque causis se torquere docet; atque ita à Natura confictum esse hominem, ut nullum ex studiis suis scientiæ fructum ferre possit. *Ap-*

posui (1) cor meum, inquit auctore Deo hominum omnium sapientissimus Salomo, *ut scirem scientiam, & intelligerem distensionem quæ versatur in terra: est homo qui diebus & noctibus somnum non capit oculis: & intellexi, quod omnium operum Dei nullam possit homo invenire rationem, eorum quæ fiant sub sole*

(1) Eccl. viii. 16. 17.

*sole; & quanto plus laboraverit ad
quærendum, tanto minus inveniatur.
Estiam si dixerit sapiens se nosse, non
poterit reperire. Caussam vero tan-
tæ imbecillitatis confert in corpus,
cujus mole quamdiu animus tenebi-
tur, velut humi afflicto & oppres-
sus, ad rerum capeffendam cogni-
tionem numquam se attollet. Ait*

(1) Sap.
ix, 15.
& seq.

*enim: Corpus (1) quod corrumpitur
aggravat animam, & terrena inha-
bitatio deprimit sensum multa cogi-
tantiem; & difficile æstimamus quæ
in terra sunt; & quæ in prospectu
sunt invenimus cum labore. Quæ au-
tem in cælis sunt quis investigabit?*

*Sensum autem tuum quis sciet, nisi
Tu dederis Sapientiam, & miseris
spiritum sanctum tuum de Altissimis?
Atque insanam hanc & infinitam
discendi libidinem, quæ nobis in-
nata est, declarat a Deo esse homi-
ni inditam, velut pruriginem quam-
dam & scabiem, quâ tentatus mi-
sere ardeat, & frustra crucietur.*

(2)
Eccl. iii.
10. 11.

*Vide (2), inquit, afflictionem quam
dedit Deus filiis hominum, ut disten-
dantur in ea. Cuncta fecit bona in
tempore suo, & mundum tradidit
dis-*

disputationi eorum, ut non inveniatur homo opus, quod operatus est Deus ab initio usque ad finem. Hinc ista Ecclesiastici, quæ ex Salomonis Scriptionibus videntur excerpta.

Altiora (1) te ne quæsieris, & fortiora te ne scrutatus fueris: sed quæ præcepit tibi Deus, illa cogita semper, & in pluribus operibus ejus ne fueris curiosus. (1) Eccli. III, 22. & seq.

Non est enim tibi necessarium ea quæ abscondita sunt videre oculis tuis. In supervacuis rebus noli scrutari multipliciter, & in pluribus operibus ejus non eris curiosus. Plurima enim super sensum hominum ostensa sunt tibi. Quam supra humanæ mentis captum opera sua longe posuerit Deus, Græcos ipsos pernoscentis veritatis illecebris captos clarissime admonet Paulus gentibus ad veram Philosophiam erudiendis a Deo missus, cum ait: Scriptum (2) est, perdam sapientiam Sapientium, & prudentiam prudentium reprobabo. Ubi Sapiens? ubi Scriba? ubi conquisitor hujus sæculi?

Nonne Deus stultam fecit sapientiam hujus mundi? num quia in Dei Sapientia non cognovit mundus per sapien- (2) I Corinth. I, 19. & seq.

Nonne Deus stultam fecit sapientiam hujus mundi? num quia in Dei Sapientia non cognovit mundus per sapien-

pientiam Deum? per sapientiam nimirum humanam, quæ Ratio est: Placuit Deo per stultitiam prædicationis salvos facere credentes: hoc est, saluti eorum consulere qui Fide uterentur, non Ratione. Et mox: Græci Sapientiam quærant, nos autem prædicamus Christum crucifixum. Tum: Quod stultum est Dei, sapientius est hominibus. Deinde: Quæ stulta sunt mundi elegit Deus, ut confundat sapientes. Postmodum hæc subnectit: Sapientia hujus mundi stultitia est apud Deum. Item: Ut Fides vestra non sit in sa-

(1) Isai. *pientia hominum, sed in virtute Dei.*

xxix, 14. *Atque hæc deprompta ex Isaiâ (1)*

& xxxiii, *confirmat Davidico isto effato, Do-*

18. *minus scit cogitationes hominum, quo-*

Psal. *niam vanæ sunt. Colossenses quo-*

xciii, *que retrahit à studiis ventosæ illius*

12. *& fallacis Philosophiæ, quæ nititur*

humana ratione, non Fide Christi:

(2) Col. *Videte, inquit, ne quis (2) vos deci-*

11, 8. *piat per Philosophiam & inanem sal-*

laciã, secundum traditiones homi-

(3) Con- *num, secundum elementa mundi, &*

stant. O- *non secundum Christum. Ergo Con-*

rat. ad *stantinus (4) Imperator in oratio-*

Cæt. *ne*

Sanctor. *ne*

cap. 8. *ne*

ne ad Cœtum Sanctorum, palam
 prædicare non dubitavit veritatem
 ab homine cognosci non posse. Sed
 & ante Constantinum Arnobius
 (1) scripsit hominem esse animal
cæcum & ipsum se nesciens, quod ^{Arnob. l.}
 nullis possit rationibus consequi quid _{1 & 11.}
 oporteat fieri, quando, vel quo ge-
 nere. Idem inter beneficia quæ
 Christus in humanum genus contu-
 lit, propter quæ etiam si merus ho-
 mo fuisset, inter Deos referri me-
 ritus erat, non postremum hoc po-
 suit, quod monstraverit homines
animantia informia esse, vanis opi-
nionibus fidere, nihil comprehensi ha-
bere, nihil scire, & quæ nostros sita
sunt ante oculos non videre. Scribit
 idem alibi, *mentibus hominum veri-*
tatem cupientibus noscere, rerum op-
poni obscuritatem, & velut oculorum
luminibus viduas nihil certum vide-
re, & per ancipites semitas suspi-
cionum induci errore; disputari om-
nia, nihil sciri; & cum nihil scia-
mus omnino, falli nos tamen, &
in opinionem scientiæ inflati pecto-
ris tumore tolli, nostramque infir-
mitatem & inscientiam miserabilem
 hoc

hoc magis esse quod cum fieri possit ut veri aliquid aliquando dicamus, hoc ipsum nobis incertum sit, an veri aliquid dixerimus: atque idcirco Christum Dominum ab indagatione rerum illarum quæ longe cap-
tum superant cognitionemque nostram, dimovisse mentes hominum, & ad Dei contemplationem cultum-
que traduxisse. Nec a magistri Ar-
nobii dictis recedit discipulus Lac-
tantius, qui hominem veri esse in-
scium, nihil exploratum habere per
Philosophiam, vivendum tamen ex
usu vitæ, egregio Institutionum o-
pere passim inculcat: potissimum
vero, cum ad id quod nunc agimus,
velut nos instigans, sic differit: *Cum*

(1) Lac-
tant. In-
stit. Lib.
I. cap. 1.

*fit (1) nobis divinis litteris tradi-
tum cogitationes Philosophorum stul-
tas esse, id ipsum re & argumentis
docendum est; ne quis honesto Sapien-
tiæ nomine inductus, aut inanis elo-
quentiæ splendore deceptus, humanis
malit quam divinis credere: hoc*

(2) Greg.
Nazianz.
or. xxxiv.
quæ est
2. de
Theol.

*est, Rationi potius quam Fidei ob-
temperare. Sic Gregorius Nazian-
zenus inscitiae nostræ nos admonet,
cum ait (2) creatarum rerum crea-
ti-*

ti-

tionilque rationes nonnisi per nebulam nos perspicere, quoad vitâ hac fruimur; tanta insidet animis nostris caligo, tanta officit corporis moles; olim vero, postquam ea fuerimus exuti, clare perspecturos. Sic & Augustinus: *Non est*

(1) *ista mundi hujus Philosophia*, (1) *Au-*
quam Sacra nostra meritissime detes- *gustin.*
tantur, sed alterius intelligibilis: cui *contra*
animas nostras multiformibus erroris *Academ.*
tenebris cæcatas *l. III.*
Et altissimis à cor- *cap. 19.*

pore sordibus oblitâs numquam ista ratio subtilissima revocaret, nisi summus Deus populari quadam clementia divini intellectus auctoritatem usque ad ipsum corpus humanum declinaret atque summitteret, cujus non solum præceptis, sed etiam factis excitatæ animæ redire in semetipsas Et respicere patriam, etiam sine disputationum contestatione potuissent. Et ali-

bi: Quia (2) caligantes hominum (2) *Au-*
mentes consuetudine tenebrarum, qui- *gust. de*
bus in nocte peccatorum vitiorumque *Moribus*
velantur, perspicuitati sanctitatisque *Eccles.*
Rationis aspectum idoneum intendere *Cathol.*
nequeunt, saluberrime comparatum *cap. 2.*
est, ut in lucem veritatis aciem titu-
ban-

*bantem, & veluti ramis humanita-
tis opacatam inducat auctoritas. Et*

(1) Iso- Isidorus (1) Pelusiota perspicuè
dor. Pe- scire se pronuntiat se nihil scire :
lus. l. plane Socraticè. Magno assen-
111. E- su, magnaue adeo admiratione
pist. 241.

exceptum est in Synodo Nicæ-
na dictum cujusdam è populo,
Christum & Apostolos non dialecti-
eam nobis artem & ratiocinandi cal-
liditatem reliquisse, sed nudam &
apertam sententiam Fide & bonis
operibus custoditam. Et sanctita-
te conspicuus Alexander Constan-
tinopolitanus Episcopus ad dijudi-
candam Arii doctrinam Dei unius
opem quæsiuit, neglecto Dialecti-
cæ versutiæ præsidio. Sed ut per-
petuus ille Scholæ dictator i homas
(2) definit per sensuum compedes
ita obstrictos teneri nostros animos,
ut res perfecte percipere non pos-
sint; eorumque tantam esse imbe-
cillitatem, ut quæ sponte sua certa
sunt, si ad illos revocaveris, incerta
efficiantur.

(2)
Thom.
Summ.
P. I.
Quæst. I.
art. 5. &
Quæst.
84. art.
8.

III.

Nunc ostendamus rebus ipsis,
ab homine per Rationem fir-
me

me clareque cognosci non posse veritatem, quam esse diximus consensionem objectæ extrinsecus rei, & judicii quod mens facit ex intuitu ideæ rei hujus quæ in nobis est. Ut enim certus sit homo duo hæc consentire, certus primum esse debet simulacrum sive speciem ab objecta re externa profectam, quidquid tandem illa sit, veram esse rei ipsius imaginem; tum speciem hanc integram & illibatam, neque ab interjectis rebus immutatam allabi ad instrumenta sensuum nostrorum; inde perculsa & commota hæc sensuum instrumenta, cum cerebrum percepti motus per corporis fibras commonefaciunt, fidos esse & veraces nuntios, neque rei integritatem pervertere; cerebrum demum admonitione hac excitatum, dum allatum nuntium conjuncto sibi animo significat, servare fidem, nec quicquam de veritate detrahere; & animi denique perceptione hac informati rectum esse judicium. Quæ singula sunt hujusmodi, ut quantumlibet se torqueat acutissimus quivis Philosophus, nul-

la eorum argumenta afferre possit; cum nobis è contrario plurimæ sup-
peditent causæ, cur incertam esse
judicemus similitudinem speciei cum
corpore unde profecta est, & fidem
interjecti medii per quod ad sensus
appellit species externæ rei, & sen-
sum nostrorum, & cerebri, & per-
ceptiones denique animi ipsius.

1. Nam primum quis dicere au-
sit imaginem, sive umbram, sive
speciem, quæ fluit à corpore ex-
trinsecus objecto; verum ejus esse
simulacrum, nec quicquam ab eo
differre? Nec jam hic quæro quid
sit illa imago, nam disputatio est
alterius loci: adhibebo interim o-
piniones atque voces in Scholis Phi-
losophorum usurpatas. Qua arte,
qua industria mens mea, quæ de si-
militudine illa arbitrium facit, rem
objectam cum ejus imagine compa-
rare potest, cum ambæ extra eam
sint; cum imago illa neque conti-
neri, neque spectari possit; & om-
nino an sit, à nonnullis dubitetur?
Demus tamen & spectari & æstima-
ri posse; videbuntur utique valde
dissimiles. An quæ ex arbore pro-
fici-

ficiscitur species, arbor est? an similis arbori esse potest, si arbor non est? nam similitudinis nomine abutimur, cum pictam tabulam, aut statuam marmoream hominis alicujus similem esse dicimus. Veram quærimus & perfectam similitudinem, quæ non externum tantum habitum referat, aut magnitudinem, aut colorem, sed proprietates singulas, & corporis totius, & partium non externarum solum, sed etiam internarum: quæ si qua parte deficiet, hac parte dissimilitudo inerit, neque rem objectam, uti est, percipiemus. Deficit autem in multis. Arbor aspectabilis est, immota est, solida est: species illa fugit oculos, mobilissima est, tenuissima est.

2. Concedamus tamen speciem hanc seu imaginem objectæ rei penitus esse similem; at varium esse, & inæquale, & mutabile medium quod rei umbram ad sensus instrumentum defert, coloris puta ad oculum, plurima declarant experimenta. Alius est color vesperi atque media die; alius ad lucem solis

(1) Plin.
lib. xxxv.
cap. 5.

atque lampadis. Si clauso cubiculo, aquæ ex vino vaporato exceptæ, quam aquam vitæ appellant, falem injeceris, igneque injecto accenderis; vel si sulfur candens in calice novo, prunaque subdita circumtuleris, quem ludum olim luisse Anaxilaum (1) refert Plinius, circumstantium luridæ apparebunt & tetræ facies, sic ut inambulanti dicas hominum cadavera. Tremere videntur domus per erumpentes è flamma fumos conspectæ. Multiplex & diversus videtur rerum color quæ prope sunt: has si eminus cernas, omnia uno obducentur colore atque hoc cæruleo, qui & in Cælo & in mari apparet, cum neutrubi sit. Nam maris cæruleus ille color, modo fit purpureus, modo flavus, & mutat ad flatus ventorum. Moles illæ siderum, quas tantas esse ex Mathematicorum rationibus intelligimus, quantulas esse percipimus visu oculorum? Quid hic de remo commemorem, qui infractus videtur ea parte, qua ex aëre aquam subit? & de vitris coloratis, quæ trans-

transmissas rerum externarum species inficiunt? & de prismatico vitreo, quod & si constat triplici facie plana, materia vero pura, simplici, pellucida, si tamen ad oculum admoveris, quidquid erit extra positum rotundabit, amœnissima colorum varietate distinguet? & de tenuibus auri bracteis, quæ cum fulvæ sint, trajectam ad oculum lucem viridi colore tingunt? Eadem est sonorum ratio, eadem odorum qui pro interpositi medii diversitate diversi ad nos accidunt. In hac igitur infinita interjacentium rerum mutabilitate & inconstantia, necesse est infinitis modis speciem variari.

3. Fateamur vero id quoque integram umbram seu exuvias, jugi fluore a corporibus manantes, ut loquitur (1) Apuleius, sensibus ex- (1) A-
cipi; liberales enim sumus in tanta pul. A-
copia: quam multis Philosophorum polog. 1.
disputationibus demonstrata & sensuum infidelitas? Unico nos eam approbavimus argumento, cui quomodo occurri possit non video. Certum est sensum pendere ab instrumento sensus. Aliud sen-

timus valentibus & integris sensuum instrumentis, aliud morbo tentatis. Quædam pueris nobis sapiebant, nunc viris injucunda sunt. Plerique rem eandem altero oculo majorem vident, altero minorem. Cum igitur tanta sit horum diversitas, ut ne in eodem quidem homine constantia reperiatur ulla, aut similitudo sensuum; majorem etiam fatendum est in pluribus inesse hominibus, qui tam dissimilibus utuntur sensuum instrumentis. Nam si tanta est vultuum differentia, ut in eo vel luisse, vel fecunditatem suam experiri voluisse videatur Natura, nec duos usquequaque similes in tanto hominum numero nancisci possis, putabimusne nihil omnino discrepare interna corporis conformatione, qui habitu externo corporis tantum differunt? At si tam stolidi sumus ut putemus, deridebunt nos medici, qui apertis humanis corporibus & perfectis, maximum partium internarum discrimen deprehendunt. Concedendum est igitur neque sensus percipere res externas, sed incurfionem solum ima-

imaginum sive idolorum, quæ ab externis rebus proficiuntur; neque hac impulsione extrinsecus obblata in omnibus hominibus similem esse affectione, sed pro diversitate instrumentorum diversam: ut pro laxitate chordarum & crassitudine varii eduntur soni; nec proinde sciri posse quænam ex illis affectio accuratius consentiat rei extrinsecus objectæ. Apposite Satyricus:

*Fallunt nos oculi, vagique sensus
Oppressa ratione mentiuntur.
Nam turris prope quæ quadrata surgit,
Attritis procûl angulis rotatur.
Hyblæum refugit satur liquorum,
Et navis Casiam frequenter odit.
Hoc illo magis aut minus placere
Non posset, nisi lite destinata
Pugnarent dubio tenore sensus.*

4. Simus tamen faciles, ut cœpimus, & fateamur veraces esse sensus in excipiendis extrinsecus simulacris seu imaginibus, quæ certam habeant & propriam declarationem objectæ rei externæ, unde sint; at-

que hujusmodi (quod ad veri perceptionem requirebat Zeno) qualem habere non possint res unde non sint, quis fidem præstabit eorundem sensuum in significandis menti & renuntiandis rebus à se perceptis? Administris enim utuntur ad id fibris nervorum, quæ nec plane similes esse observavit ars Medicorum; proindeque nec mentem eodem modo impellere manifestum est. Utuntur & spiritibus qui animales dicuntur, & quorum non æqualis est in hominibus singulis copia, non par motus & agitatio. Scio equidem sic traditum esse à Cartesio, ac fere existimari spiritus animales à cerebro in nervorum tubulos proficisci, & fibras internas nervorum circumfundere, atque ad motus in musculis ciendos esse utiles; fibras vero ipsas tenuissimis filis similes, in funem colligatas, & ad exteriora usque membra quaque versus porrectas, instrumentis sensuum inservire, & impulso sensus instrumento adjunctas fibras commoveri; & spiritu circumfuso turgentes ad-

mi-

missum ab extrema & externa parte motum citissime ad cerebrum transmittere; quemadmodum si alteram partem restis intensæ tangas, statim altera commovetur. Ego vero qui dissectis vivorum animalium corporibus deprehendi sæpius nervorum tubos dispersos per corpus, spiritibus quantumvis turgentes, esse laxissimos & valde tortuosos, variisque modis inflexos, & ejus partis cui inhærent motu facile produci vel contrahi, vix animum induco meum obtinere restis instar intensæ, perceptumque; ab una parte motum tanta celeritate posse ad cerebrum per eos traduci. Ad id tamen ut concedamus aliquatenus fieri posse, utiliorem certe ad id operam spiritus ipsos præstare puto, qui cum stupendæ sint tenuitatis & celeritatis, & nervum impleant, facile intelligitur motum iis extrinsecus impressum, statim ad cerebrum pertinere; quantumlibet enim contortuplicati sint & sinuosi spirituum inclusorum ductus, servant tamen tenorem; haud secus atque flexuosæ tubæ.

bæ cum inflantur, si os ad alterum foramen, manum ad alterum admoveas, deprehendes manum ab aëre impelli, simul atque oris spiritu impellitur. Nec infirmat opinionem nostram quod evenit aliquando ut per paralyfin motum amittat membrum aliquod, sensum integrum retineat; movetur enim membrum, cum in ejus musculos vis magna spirituum per nervos influit. Sin spirituum copiam ad inflandum musculum necessariam, vel cerebrum non suppeditet, vel musculus ipse non admittat; maneat dumtaxat quantum satis est ad implendum nervum, sublato motu sensus vigeat. Quin etiam fieri potest, ut cum intra nervi cavernam multæ delitescant fibræ, destinatæ sint aliquæ ad spiritus musculis ministrandos, & versus extremas corporis partes devehendos, concinnandumque motum; aliquæ contra ad spiritus ab extremis partibus cerebrum versus referendos, sensumque efficiendum, ut fiat circuitio quædam; quæmadmodum sanguis a corde per arterias ad extrema

di-

dilapsus, eodem per venas retruditur. Sed hæc obiter. Quid quod & morbo, & somno, & vino, aliisque causis ita commoventur spiritus, ita agitantur fibræ cerebri, ut & varie afficiatur cerebrum, & ea nonnunquam sentire se mens putet, quæ sensuum instrumenta non percipiant.

5. Præterea cerebrum, arx animi, officina Rationis, perceptionis, qualiscumque tandem illa sit, & comprehensionis artifex, uniusne tandem in omnibus hominibus formæ est, uniusne structuræ? quod angustius illi, capacius alteri, inesse videmus? Adeo multiplex est & varius capitis habitus, index certissimus cerebri, ut totæ gentes rotundis sint capitibus, totæ oblongis, quædam latis, nonnullæ acutis, aliquæ depressis. Jam notum est ingenii vires, rationis acumen, memoriæ firmitatem ex cerebri capitique compositione, habitudine & figura oriri. Scitum est (1) Parmenidis, talem esse humanam mentem, qualis est humanorum membrorum compages. Ingenio fere
 (1) Parmen. apud Aristot. Metaph. lib. 111 cap. 5. pol-5.

(1) Hip-
pocr. de
aër. aq.
& loc.
sect. V.

pollere qui amplius sint capitibus ,
leves esse contra qui exiguis , & tri-
to vulgi adagio & experientia teste
scitur Macrocephalos (1) narrat
Hippocrates, infantium capita arte
primum produxisse in longitudinem,
eos præ cæteris strenuitate præsta-
re censentes , quorum capita ef-
sent longissima , deinde Naturam
arti obsecutam , ita omnium capita
formasse. Gens est in America, quæ
infantium omnium capita effingit in
turbinem ; itaque insana tota illa
gens est , & propemodum furiosa.
Fatuus ille & Stolidus Therfites , i-
dem φῶξος fuit ; sic enim appellat
Homerus , cujus caput in metam af-
furgit. Atque inde fit , quod vul-
go dici solet , ut tot sint sensus quot
capita. Ex hac enim instrumento-
rum , quibus res sentimus , fibra-
rum , spirituum , cerebrorum , &
capitum varietate & mutabilitate ,
tanta illa oritur opinionum in ho-
mine mutabilitas ; sic ut quæ puer
probabat , senior factus jam repu-
diet ; sæpe etiam uno eodemque die
pugnantibus utens consiliis ac stu-
diis à se ipse dissideat , secumque
dis-

discordet, nec unicam horam durare possit eandem rem probans; sed spretis quæ petiverat, repetitis quæ nuper omiserat, æstuet, ac toto vitæ ordine disconveniat.

6. Pergamus autem benigni etiamnum esse, demusque certa esse omnia isthæc, quæ incerta esse ostendimus: jam species cerebro impressas quomodo percipiat animus, quomodo de rebus perceptis judicet, & quo tandem pacto res mere corporeæ & ex materia concretæ animum corporis & materiæ expertem possint afficere, plane ignoramus. Cum autem ignotum nobis sit, quomodo ad animum perveniat incurrens in cerebrum impulsio, agnoscat tamen animus affici se aliquo modo & percelli à cerebro impulso per quemdam motum corporeum, sic ut rem aliquam in certum aliquem modum percipiat; puta Solem velut discum aliquem lucidum & radiatum; incertus est an talem figuram effectam gerat oculus an diversam. Imo vero persuasus est animus inversum Solis simulacrum depingi in oculo, cum recti Solis

ideam in se inesse sentiat; & quæcumque nuntio oculorum ad se perveniunt, ea in se contrario situ signari, ne depingantur in oculis; sibi quippe videri summa, quæ ima sunt in oculo; dextra, quæ sinistra; incertus quoque est idem animus, an tale simulacrum e Sole emissum sit, quale signatum est in oculo; ac incertus etiam an ulla omnino Solis imago in oculo depicta sit; an vero ipse impressas olim cerebro plagas quasdam, fulcosque in ejus fibris exaratos recognoscens, & vestigia relegens, ideam hanc informaverit. Cujusmodi sunt quæ in quiete & per insaniam aut vinum adesse & sentiri videntur, cum tamen nulla omnino sint; cujusmodi etiam quæ sani, vigilantes, & sobrii animo fingimus. Intellectus vero, nobilissima animæ nostræ facultas, ecquid sit, quæ corporis nostri parte situs sit, quid agat aut agere possit; an nullas habeat ideas rerum nisi per nuntios sensus, an primitus iis à natura instructus prodeat, infinitis disputationibus hæctenus quæsitum est. Atque hæ ipsæ opinionum discrepantiæ,

tia, & idearum ac rerum percipiendarum discrimina, quæ ab intellectu proficiscuntur, quam incerta res sit intellectus, & multiplex, & varia, & ignota, manifesto declarant. Non aliter autem dijudicari possunt hæ controversiæ, quam ope ipsius intellectûs, qui cum controversus sit & dubius, quomodo dubium dubio tollitur? quomodo se ipse, dotesque suas intellectus comprehendet, & perfecte intelliget? An ipse se gustare potest gustus? an olfacere olfactus? an visus videre? Certe ad comprehendendum & plene intelligendum intellectum alio intellectu esset opus; nulla enim alia facultas est, per quam cognosci possit. Porro si ignotus nobis est, nec quid efficere possit, compertum habemus, qua fiducia re ignota uti poterimus ad aliarum rerum ignotarum perceptionem, vel rebus ab eo perceptis fidem tribuere? Cum tot ergo mutationibus obnoxia sint species rerum, quibus in animis nostris ideæ gignuntur; tam obtusi & hebetes corporum nostrorum sen-

sensus; tam futilia instrumenta; tam obscura animi & intellectus humani indoles; ecquam objectæ rei, & idæ animo nostro impressæ consensionem, ecquam consensionis hujus certam perceptionem sperare possumus?

I. V.

SEd & id clarissimum est ingenitæ nobis inscitæ argumentum, quod tales sunt naturæ rerum, ut ab humana mente pervideri non possint: Cum enim probatum sit a me, naturam ita fabricatam esse hominem, ac ejus mentem ita comparasse, ut rerum externarum notitiam assequi non possit, & si id sufficere videtur ad eripiendam nobis spem firme ac clare percipiendæ per Rationem veritatis, si tamen ostendero præterea rerum omnium naturas, atque hominis etiam ipsius, esse hujusmodi, ut ab homine cognosci non possint, nihil supererit in quo vestigium figere possit mentis humanæ confidentia, cum suapte natura neque ho-

homo possit res firme clareque percipere, neque res ab homine firme clareque percipi possint. Id autem sic conficitur. Percipi non potest rei natura, nisi sciatur quid habeat res illa rerum aliarum simile, quid discrepans; hoc est, nisi ejus cognoscatur genus & differentia: iis enim rei naturam contineri existimant Philosophi, atque hæc optima habetur definitio, quæ constat genere & differentia. Sic hæc igitur cognosci non possunt, nec illa quoque. Sciri autem non potest rei genus, hoc est, quam similitudine conveniat alii rei quæ specie differat, nisi perspecta utriusque natura. Quare ut ejus cognoscatur genus, natura ejus cognoscenda est. Atqui per genus ipsum dicebamus cognosci rei naturam. Ita altero opus est ad alterius cognitionem, & fit vitiosus ille circulus. Idem de differentia dicendum est; nec enim scire possumus quid res differant à rebus, nisi utrasque cognoverimus. Fient hæc per exemplum clariora. Quæras à Cathedrariis illis Philosophis quid sit homo: Animal,

mal, inquit, particeps rationis. En tibi genus, en differentiam. Genus autem speciebus æque commune esse debet. Homo igitur perinde esse debet animal ut equus: nam si aliter sit animal, ac ille, inerit differentia. Ita in ipso genere, quatenus genus est, inerit differentia, ac proinde genus non erit. Quî autem scies, an æque uterque sit animal, nisi utriusque naturam cognitam habeas, ac nisi etiam probe teneas quid sit animal: quod an sciri possit valde quoque incertum est. Quæras enim quid sit; Quod vivit, inquit, atque sentit. Quî scis autem, mi homo, an homo, & equus æque sentiant? Ecce tibi Cartesium novum, si ipsi de se creditur, veritatis vindicem, qui equum nihilo magis sentire dicat calcaria, quam sentit arbor securim. Deinde tantum sentiunt plantæ quædam, animalia autem non sunt; ergo ne equi quidem. Adde equum vidisse te, vidisse & hominem; animal non vidisse umquam, nisi cum hominem videres aut equum, aut quadrupedem alium, aut piscem, aut
avem,

avem, aut aliquid hujusmodi. Quamobrem genus omnino non nosti, nisi per species. Atqui modo speciem quærebat per genus. Incurrimus igitur in modum *Ἀγαν-
λον*, quem respuit ratio. Huc accedit, quod cum nosci debeat rei genus, ut natura rei hujus cognoscatur; genus ipsum cognosci non poterit, nisi cognoscitur ejus genus, ac porro generis hujus genus, & hujus quoque aliud; atque ita vel res abibit in infinitum, nec unquam quæsitam adipiscemur notitiam rei; vel consistendum erit in supremo genere aliquo, cujus ignoretur genus. Hoc si ignoretur genus, ignorabitur quoque illud, ac reliqua porro quæ ex eo propagata sunt; & denique res ipsa quæsitæ. Veniamus ad differentiam hominis, ductam à ratione qua præditum esse volunt. Atqui hoc ipsum tota hac nostra disputatione quæritur, an ratione polleat homo; an ratiocinari possit, an argumentari. Incertum ergo est an hæc sit ejus differentia. Demus tamen eum pol-
lere ratione: solusne vero? at ratio-

tionem quoque inesse in animalibus contendunt doctissimi Philosophi, quorum & libri exstant. Controversiam hanc dirimet nemo, nisi qui & animalia & hominem prius noverit. Reditur ergo ad quæsitum, & ignoti ab ignoto petitur notitia, ac semper in luto hæsitamus.

V.

Sed & alia caussa est, eaque manifesta, quamobrem res cognosci non possint, nimirum quod fluxæ sint & caducæ, adeoque mutabiles, ut in eodem statu ne per brevissimum quidem temporis intervallum possint consistere. Quamobrem ad significandam illam mutabilitatem corporum, perquam commoda atque scita fluminum similitudine usi sunt prisca Philosophi. Quemadmodum enim vere dictum est ab Heraclito, neminem bis in idem flumen intrasse, quod quæ heri præterfluebant aquæ, jam præterfluunt; ac verius etiam dictum sit a Cratylo, ne semel quidem
in

in idem flumen intrari; ita equus ille quo nunc veheris, quemque nosse putas, alter est ab eo quo vehebaris heri; imo quo mox vehebaris: singula de eo prædatum est tempus; mutatæ sunt carnes, ossa, pellis, pili, per nutrimenta, per excrementa, per incrementa, per exhalationem; per externum, per internum calorem, per affluentem aërem, per effluentes spiritus: adventantis materiæ copia deperditæ damnum resarciente. Quapropter Plato, & veteres illi, quos laudat in Theæteto; Empedoclem dico, Heraclitum, Protagoram, & Philosophos plerosque omnes, (si unum fortasse Parmenidem excipias) & nobilissimos Poetas Homerum & Epicharmum; quibus clarissime assensus est (1) Seneca; omnia fieri dixerunt, nihil esse, neque exstare quicquam, quod certum unum aliquid vel sit, vel dici possit. Hinc sequitur, quotiescumque ad rem aliquam cognoscendam animum instituero, ante desituram esse id quod erat, quam mentem in ea defixero. Quapropter nihil dicen-

(1) Seneca. E-
pist. 58.

cendum esse putabat Cratylus, sed digitum tantum movebat. Quoniam autem universalia constant ex singularibus, cum singularia continuo elabantur & effluant, nec cognosci propterea possint, sequitur nec universalia cognosci posse. Atque hæc ratio tantum potuit apud Augustinum, ut ex ea collegerit: *Sinceritatem* (1) *veritatis à sensibus corporis non esse expectandam*: & Aristoteles (2) huic occurrere conatus, tam futilem & inanem adtribuit responsionem, ut rem multo magis confirmaverit. Quin etiam cum res omnes mutantur, me ipsum quoque mutari, & in dies, & in horas, & in momenta singula necesse est. Dum loquor, alius fio; & quamvis mutatio ex recenti & propinquo non facile deprehenditur; post tempus aliquod manifestato apparet. Qui ergo ferre poterit certum aliquod de rebus iudicium atque constans, qui sibi ipse non constat, tamque varius est atque mutabilis?

(1) August.
Quæst.
83.
Quæst.
9.
(2) Aristot.
Metaph.
lib. I II.
cap. 5.

VI.

Porro quum sit hominum mutabilitas, ut ne unus quidem diu sui similis sit, infinitam esse hominum omnium inter se dissimilitudinem & discrepantiam necesse est; quod & jam supra à me est notatum. Ex tanta ergo varietate, quænam judiciorum convenientia; quænam firmitudo & constantia sententiarum expectanda est? Qui scire possum idem tibi videri, quod mihi? atque itidem tibi videri album, quod album mihi videtur? & colorem unum & eundem apparere nobis, quem uno albi nomine uterque appellamus? Cum igitur res hominibus vel diversæ appareant, vel scire certo non possimus an similes appareant, in tanta multitudine hominum diversa videntium, vel ignorantium an eadem videant, quisnam verum dicere præ cæteris existimabitur? quænam in hac dissensione ponetur vel admitetur ab omnibus certa & constans regula veri? Acute id vidit Eur-
ri-

(1) Euripides (1), & ex persona Eteoclis
 ripid. prædicavit:
 Phæniſſ.

v. 504.

& 505.

νῦν δ' ἔβ' ὁμοιον ἔδεν ἔγ' ἴσον βροτοῖς,
 πλὴν ὀνομάσας. Τοδ' ἔργον σὺκ' ἐστὶ τόδε.

*Nunc vero neque simile quicquam est,
 neque æquale hominibus.*

*Præter nomen. Res vero eadem non
 est.*

Vidit id & Protagoras, ac prop-
 terea normam esse sibi unumquem-
 que dixit. Ego vero ne sibi qui-
 dem normam esse quemquam posse
 dico, propter eam quam demon-
 stravi hominum omnium, non cum
 aliis solum, sed secum etiam diffi-
 militudinem. Præclare hæc à Pla-
 tone tractata sunt in Theæteto, &

(2) Sext.

Empiric.

hypot. 1.

1. cap.

14.

a Sexto (2) Empirico; quos & si
 legistis studiose, ut cætera veterum
 Philosophorum omnia, à vobis i-
 terum, ne longior fiam, consuli
 velim.

VII.

HUc accedit præterea, quod ita
 natura connexæ sunt res om-
 nes, ita consertæ, ut nulla esse vel
 per-

percipi omnino possit sine altera ,
 nec illa quoque sine alia , nec ista
 etiam sine alia aliqua quoad ex alia
 in aliam progrediendo omnis re-
 rum infinitas cognitione percurra-
 tur. Omnia autem scire mens hu-
 mana non potest , ac proinde rem
 omnino nullam. Velim , puta ,
 scire quid sit homo. Is cum con-
 stet ex corpore & animo , & ratio-
 ne sit præditus , cognoscere me non
 potest , nisi cognoscam corporis &
 animi & rationis naturam. Corpus
 autem hominis conflatum est ex ig-
 ne , aere , aqua & terra. Hæc ita-
 que mihi debent esse cognita , ut
 corporis humani rationem cognitam
 habeam. Accingo me itaque pri-
 mum ad cognitionem ignis , & quid
 de eo senserint Philosophi exquiro.
 Adeo inprimis ad Cartesium : ig-
 nis naturam ex eo non cognoscam ,
 nisi propositam ab eo naturæ totius
 descriptionem calleam ; nec cal-
 lere satis est : ad examen quoque
 revocanda ea est , & cum aliorum
 Philosophorum opinionibus con-
 tendenda. Tum deinde ipsane , an
 aliorum aliqua veritati consentanea
 C sit,

fit, dijudicandum. Id ut recte fiat, investigandæ erunt primæ rerum causæ. Dixi de igne : idem rursum dicendum de aëre, tum de aqua, demum de terra. Quæ cum exploraveris, cognoscenda inde erit corporis humani fabrica, structura partium & usus : quæ singula post tot annorum disputationes & experimenta in magna obscuritate versantur, & sunt immensi studii ac laboris. Hinc quærendum erit, quomodo corpus humanum genitum sit : gravis enimvero & perplexa disquisitio de generatione, & de causis generationis; quid ad eam conferat pater, quid mater, unde utrique vis illa generandi, quomodo formetur fœtus in utero, quomodo alatur, quâ vi claustra hæc perrumpat & foras prodeat : tum an homo sine patre, an sine matre generari possit, ut senserunt quidam. Noscendum quoque cur masculus generetur, cur femina, cur simus, cur crispus, cur brevis, cur iracundus, cur mulierosus, cur edax, cur vivax. Agnosce immensitatem rerum. Utcumque tamen

men hæc sciri possint, inexplicabilis rursus oritur disquisitio de animo humano; quid sit, ubi sit, quid agat, quomodo agat, quomodo corpori illigatus sit. His perceptis exquirendum erit quid sit Ratio, quoniam Rationis usus, quid per eam efficiatur, quid non. Nec id scies, nisi totam Dialecticam arripueris. Res abibit in immensum, si quis singula persequi velit; & ante eum vita deficiet, quam vel minimam exhauserit partem rerum, quæ cognoscendæ sunt, ut res aliqua cognoscatur. Resistendum itaque in limine, ne labor inanis sumatur.

VIII.

QUOD autem nulla prorsus homini à Deo data est constans norma veritatis, capitale hoc est adversus Dogmaticorum temeritatem argumentum. Nam cum veris falsisque permista sint omnia, & in utrisque dijudicandis hæsitamus, ac sæpe his vel illis assentiendo fallamur, quæ tandem distingui hoc poterunt, nisi certa adhibita veri-

tatis regula, cui si quid congruet, id verum esse sine dubitatione sciamus; id falsum, quod discrepabit? Quamobrem indagatores veritatis, qui Philosophi sunt dicti, in ea comparanda summa contentione laborarunt, κατ' ἑλπίαν appellant, atque id duplicis generis esse aiunt, aliud ad agendum, aliud ad credendum. Ad illud vita omnis dirigitur: posterius hoc cognitionis norma est; quo constituto veri à falso distinctio traditur, & κατ' ἑλπίαν veritatis vocari vulgo solet. Quod & si multifariam sumi potest, id nunc quærimus, quod est proprie mensura comprehensionis, perquam res obscuræ arte quadam adhibita percipiuntur. Atque in hunc sensum sola ea veniunt criteria, quæ ratione utuntur ad cognoscendam veritatem. Hoc partiuntur in triplex criterium, τὸ ὑφ' ἑ, τὸ δι' ἑ, τὸ καθ' ἑ. hoc est *illud a quo, illud per quod, illud secundum quod*. Criterium à quo, homo est; nam agimus de veritate ab homine percipienda. Illud per quod, velut sensus aut intellectus, quorum ope velut

lut instrumentorum, veritatem eruere se posse homines sperant. Criterium denique secundum quod, est actio humanæ mentis, quâ Criterium per quod ad veritatem cognoscendam applicatur. Tria hæc postrema Criteria inania esse & incerta clarissimis rationibus jam ab aliis probatum est: nam cum ignota sit hominis natura, & infinitis Philosophorum commentationibus & disputationibus frustra quæsitæ, multo etiam magis ignotum est an sit ad veritatem percipiendam idonea. Incertum est igitur Criterium à quo, natura nempe humana. Id si sit, uti esse res ipsa clamat, sequitur incertius etiam esse Criterium per quod, hominis nempe vel sensus, vel affectiones, vel permotiones intimas sensuum, vel *φαινομένη*, quo nomine appellant impressionem in animo factam, siue impulsione animo extrinsecus oblatam, siue mentis modificationem, quod Latino vocabulo *visum* appellare placuit, vel mentem ipsam, vel Rationem quæ est facultas mentis. Inexploratæ enim na-

turæ ignorari facultates necesse est; atque his demum incognitis nesciri quoque earum actiones, quibus constat Criterium secundum quod. Minime vero mihi propositum est, quæcumque huc faciunt, omnia persequi: nam & tecum ago viro in his studiis subacto (memineritis enim loqui doctum illum Gallo-ligtirem) & longa nobis percurrenda est via, ut diu subsistere in iisdem locis non liceat: præsertim cum pervagata sint, quæcumque possunt adversus sensuum vel humanæ mentis fidem colligi. Nusquam enim alias magis exsultat Academicorum & Scepticorum oratio. Pauca hæc afferam, quibus Criteriorum fides universe tollitur. Cum ad inter-noscendam veritatem necessarium sit Criterium, repertiendum est illud, antequam quærat veritas. Ut autem reperiatur Criterium, discernere necesse est verum Criterium a falso; quod ut fiat, explorare debemus an certas illud habeat notas veritatis. Certas autem notas veritatis non agnoscimus, nisi percepta prius veritate. Igitur ad
re-

reperiendum Criterium reperta veritate opus est, ad reperiendam veritatem reperto Criterio. Cum neutrum autem repertum sit, efficitur neutrum reperiri posse. Præterea cum Criterium sit regula veritatis, dirigenda prius hæc regula est, quam ad veritatem applicetur; nam nisi directæ sit, & directam esse sciamus, incertæ erit & intuitæ fidei: dirigi autem certo non poterit, nisi alia utamur regula, per quam exploremus an recta sit prior isthæc. At exploranda quoque erit secunda illa per tertiam aliquam, atque hæc per quartam. Ita infinita erit progressio. Hæc uberius explicavit Sextus Empiricus, homo peracutus & subtilis, quo nemo acrius Dogmaticorum confidentiam exagitavit. Nos rem strictim tetigimus, ad institutum satis; ad te, Vir erudite, fortasse nimis.

IX.

QUicumque autem veritatem per Criterium aliquod attinge-

gere se posse jactant, in eo consentiunt evidentiam præterea requiri; perspicuam videlicet & claram rerum perceptionem, sive quæ per sensus fiat, sive per rationem, sive quocumque tandem modo. Adeo ut ad aliquid mente, puta, percipiendum, necesse sit ut clara, distincta & evidens rei idea mente obversetur. Tinniunt id Dogmatici omnes, neque intelligunt eo etiam abstrusorem se veritatem confiteri; ac duplex ad eam reperiendam se jam desiderare Criterium, rei, puta, ideam, & ideæ evidentiam. At si tolletur omne Criterium, uti mox a me sublatum est, tollitur quoque Criterii comes Evidentia. Adde id solum esse evidens, quod omnibus videatur evidens. Nam si unusquisque id solum haberi vult evidens, quod sibi evidens videtur, par erit veri & falsi evidentia: opinionum enim pugnantium evidentia utrimque testis citabitur. Nihil autem ita evidens est, ut omnibus appareat evidens: nulla est igitur evidentia. Atqui hic profecto mirari satis non possum

Phi-

Philosophorum imprudentiam; qui cum evidentiam penes se esse gloriantur omnes, evidentissimum, illud non vident, perfidiosam hanc esse & fallacem evidentiam, quæ oppositarum partium adjutrix utrimque & patrona esse velit; nec certum ejus haberi posse patrociniū, quoad in unum conspirent disciplinæ omnes Philosophorum. Tantumne vero sibi arroget aliquis, ut quantumvis claras habeat & perspicuas notiones rerum, solum se sapere putet, reliquos omnes tamquam umbras vagari? Quid? annon & capiti eidem sapissime illudit evidentia? annon id falsum esse nunc senex clare percipit, quod olim verum esse evidenter agnoscere se puer putabat? Præclarum hoc

(1) Sophoclis:

(1) Sophocl.

Oedip.

Καὶ πνεῦμα ταύτὸν ἔποτ' ἔτ' ἐν ἀνδράσι. Tyran. v. 639. &c.

Φίλος βέβηκεν, ἔτε πρὸς πόλιν πόλιν.
Τοῖς μὲν γὰρ ἤδη, τοῖς δὲ ἐν ὕστερον χρόνῳ
Τὰ τετραπλάκιον, γίνεσθαι, καὶ αὐτὸς φίλος.

Nec unquam idem animus vel inter viros

Amicos perstitit, vel urbi erga urbem.

Aliis enim statim, aliis vero sequenti tempore

Jucunda amara fiunt, & rursus grata.

(1) Terent.
A-
delph.
Act. v.
Sc. 4.

Præclarum & illud (1) Terentii:

Numquam ita quisquam bene subducta ratione ad vitam fuit;

Quin res, ætas, usus semper aliquid apportet novi;

Aliquid moneat; ut illa quæ te scire credas, nescias;

Et quæ tibi putaris prima, in experiundo repudies.

Ecquamnam autem veriorum dicimus evidentiam, puerilem, virilem, an senilem? Quid? Dionysius ille Heracleota, qui quod dolore victus à Stoïcis ad Epicureos defecisset, *μεταδεμίων* cognomen tum reportavit, an cum Stoïcus esset, tenebricosa ei omnia, obscura, & confusa videbantur? Jam in iis quæ videntur per somnum dormientibus, vel per vinum ebris, vel per insaniam furiosis, eadem inest perspicuitas ac iis quæ vigilantibus

tibus, aut sobriis, aut sanis. Agnoscunt quidem errore se fuisse delusos, postquam somnum depulerunt, aut edormierunt villum, aut furere destiterunt; at cum somno aut vino aut furore capti tenerentur, id non agnoscebant: dubitabant etiam nonnunquam vigilarentne an dormirent, & re apud se perpensa vigilare se putabant, & visis ut perspicuis assentiebantur. Putasne Argivum illum qui miros Tragædos audire se credebat, & in vacuo theatro plaudebat solus, non sibi visum esse actores, fabularum recitantes clarissime audire, & agentes evidenter spectare? Insanorum omnium furores, formidines, impetus, fugæ, nonne indicia sunt animi simulacris rerum; non evidenter solum sed vehementer etiam & valide agitati? Annon per somnum apposite quidam respondent ad quæsitæ, versus fundunt elegantes, per tecta domorum cautissime incedunt? quæ sane non facerent, nisi perspicuis visis moverentur. Qui nocturnis Magorum conventibus interesse se putant, nonne va-

nissimarum rerum imagines tam
clare & distincte animo impressas
gerunt, ut ne experrecti quidem
somniaſſe ſe intelligant, tamque
certo hæc vidisse ſe putent, ut qui
ſecus ſentiant, vere eos ſomniaſſe,
aut delirare arbitrentur. Cum er-
go oblatae per ſomnum imagines,
quantumvis claræ & perſpicuæ,
faſſiſſimæ tamen ſint, quæ ſciri po-
teſt (quod & in Theæteto ambigit
Plato) annon vigilia noſtra ſomnus
alter ſit, per quem menti viſæ ſpe-
cies rerum, quantalibet luce cir-
cumfuſæ appareant, inanes tamen
ſint atque faſſæ. Errant vero qui
ſomniorum vanitatem hac præci-
pue nota deprehendi volunt, quod
cum iis rebus non congruant, quas
vigilantes egimus. Nam ſi forte
congruant, indiſtincta erit utro-
rumque notitia: poſſunt autem con-
gruere. Velut ſi quæ heſterno die
amicis narravi, eadem iis narravi,
eadem iis narrare proxima nocte
ſomniaſans, viſus ſum latratu canis
interpellari, dubitem experrectus
poſtridie, heſternumne an noctur-
num ſermonem reiſa canis abru-
pe-

perit : ut incerti sumus nonnumquam resne quædam contigerint, an in quiete nobis visa sunt contigisse. Deinde si non congruant ; cur potius falsa dicimus quæ in somnis, quam quæ experrecti cogitavimus? Nam cum falsitatis nota sit discordia, & æque inter ea disconveniat, suspecta æque de falsitate habenda sunt. Constat certe animi nostri visa oriri ex cerebri impulsione & spirituum ac fibrarum motu, ut dictum a me est : ac proinde perspicuitatem obversantium menti idolorum, quæ nihil aliud est quam certus quidam eorum modus, ab eadem causâ duci. Id si datur, quod negari non potest, dandum id quoque est, eodem modo impelli cerebrum posse, ita agitari fibras & spiritus per internas aliquas causas, ut si objectis extrinsecus causas commoverentur. Tam falsi igitur comes esse potest evidentia quam veri : neque in hac notæ ullæ insunt, quibus ab illa internoscatur ; neque vero peti aliunde possunt, si modo verum est, quod sciscunt patroni evidentie, e-

videns esse per se, quidquid evidens est, neque extrinsecus ad sui confirmationem testimonium arcessere. Ita enim ad agnoscendam evidentiam opus esset alia evidentia, tamquam luce externa ad videndam lucem. Quemadmodum enim si quis in sacculo complures nummos gerat, quorum cæteri ærei sint, argenteus unicus; egeni vero aliquot, re cognita, nummos inde depromptos erogari postulent, ac speret unusquisque futurum se argentei nummi compotem; tum singulis per noctem in tenebris, singulos nummos largiatur distributor ille, ignorabit unusquisque an ad se nummus argenteus pervenerit: imo an omnino è sacco depromptus sit; ineptus vero erit, si quis aut ex sono, aut ex tactione digitorum, aut ex aliis quibusvis futilibus conjecturis certo se & perspicuè deprehendisse asseveret penes se esse numisma argenteum. Ineptiores etiam & risu digni, si idem de se sentiunt singuli, ac alios falli aut tument; nec nisi immisâ luce tolletur dissensio. Similis est Dogmaticorum error: den-

densissimis obsepti tenebris, num-
muloſ æreos manibus verſant ſin-
guli, nec ullis illorum eſt, qui non
certiſſimis notis deprehendiſſe ſe
jactet, æreum ſuum ac vilem num-
mum eſſe pretioſum illum, verita-
tem nimirum a Deo bonorum om-
nium datore ſibi traditam; qui non
perſpicuitatem, evidentiam, cla-
ram & diſtinctam perceptionem lu-
ce meridiana clariorem crepet; qui
non inſanire putet cæteros, idem
de ſuis nummis ſentientes. Nec
cæcam illam & obſcuram eviden-
tiam meras eſſe tenebras ante intel-
ligent, quam alicunde lux afful-
geat.

X.

SEd & aliud dubitandi argumen-
tum ſubjicit nobis (1) Carte-
ſius, cum ait in Meditationum ſua-
rum & Principiorum aditu, *Nef-
cire nos, an non fate nos tales crea-
re voluerit Deus, ut ſemper falla-
mur, etiam in iis quæ nobis quam
notiſſima apparent.* Digna Philoſo-
pho dubitatio, ſi expediendæ hujus
vias

(1) Car-
tes. Me-
dit. 1 &
6. Prin-
cip. par-
te 1 §.
5. & 13.

(1)
Joan. 1,
9.

vias inire tentasset. Dignam dico Philosopho, non Christiano, qui Deum scit (1) *illuminare omnem hominem venientem in hunc mundum*. Verum illic Philosophum agebat Cartesius, non Christianum: & qui fingere se posse censuit nullum esse Deum, fingere is quoque potuit Deum nos errori obnoxios creasse. At dum novum veritatis indicem se gerit, à dubitatione Philosophiam suam exorsus, causisq; cur dubitandum sit allatis, mox tamen quasi monstrata de cælo veritatis via, ita dubitare desit, ut ne rationes quidem, quibus ad dubitandum fuerat adductus, dissolvere laborarit. Sed de hoc alias. Nunc id aio, tanti esse momenti dubitationem hanc ad animos nostros ab omni assensu sustinendos, quamdiu sola utemur Ratione, ut non modo eam non sustulerit Cartesius, sed omnino tolli non posse videatur, nisi Fidei subsidium imploret Ratio. Nam si quis hominem animal esse putet, ita conformatum a Natura, ut quod ei verum visum sit, id sit falsissimum, quid-

quidquid contra hanc opinionem proponetur, vel falsum ei videbitur, vel verum; si falsum, id pro eo ac debet respuet; si verum, cum talem se esse putet, ut quæ vera sibi videntur, falsa sint; falsa hæc quoque esse credit. Ita quidquid ad hanc sibi eripiendam opinionem afferetur, facile obteret; nec ulla excogitari umquam poterit ratio, quæ non sub hanc legem cadat, quidquid verum videtur homini falsum esse.

Cæterum cum satis ex superioribus, tum vel maxime ex hoc dubitandi argumento subruitur arx illa unica, qua se tuentur Dogmatici, cum aiunt esse nobis intimam quamdam rerum plurimarum notitiam, quæ & si ratione non nititur, certa tamen & perspicua est; huiusmodi esse primorum principiorum notitiam; huiusmodi notitiam illam, quâ me nunc vigilare scio; quippe etsi hæc argumentis & ratiocinatione probari non possunt, sentiri tamen clarissima quadam mentis perceptione certa ea esse. Nam si ita à Natura compa-
ra-

ratum est, ut quidquid mihi verissimum videtur, sit falsissimum, profecto cum intima perceptione scire ac sentire me credidero totum esse majus sua parte, vel me vigilare, hæc habebō pro falsissimis, si modo admissō semel dubitandi argumento stare voluerō.

XI.

Eodem redibit hæc quā ad demonstrandam Rationis infirmitatem uti possumus probatio. Quodcumque in patrocinium Rationis excogitari potest argumentum, foetus est Rationis. Nihil autem certissimum proferre potest Ratio. Incertum ergo est quodcumque argumentum ad tuendam Rationem potest excogitari. Hinc sequitur petere principium, quis Ratione Rationem satagit defendere: argumenta enim à Ratione orta profert tamquam vera; cum hoc ipsum in quæstione positum sit, an aliquid veri à Ratione oriri possit.

XII.

XII.

Perfricemus vero frontem, & quando dubitare cœpimus, pergamus strenue dubitare, ad insaniam usque & desperationem Dogmaticorum. Quidquid adversum me probare instituerint, argumentum id efficere conabuntur. Mitto visum esse plerisque omne hoc argumentationum genus lubricum, incertum, fallax; inextricabiles Dialecticorum tricas, pedicæ, insidias, captiosa argumenta, quæ vera esse probent quæ falsissima esse constat; ac propterea excordis esse & insulsi, iis habere fidem, quæ sæpe fallant. Agam etiam benignius. Proferatur hujusmodi argumentatio quæ certissima habeatur ab adversariis; inanem esse ostendam. Probare volunt Petrum esse animal rationale; sic argumentantur. Omnis homo est animal rationale; Petrus est homo; Petrus igitur est animal rationale. Prior sumtio quæ universalis est, ex eo fidem habet, quod singuli ho-

homines sint animalia ratione prædita. Nam postquam observatum est hunc hominem esse animal rationis particeps, & illum quoque, & istum præterea; nec ullus deinde homo visus est quinon esset animal rationale, ex hac veluti collectione & aggregato pronuntiatorum: quibus singulos homines esse animalia ratione prædita de finiverant, effloruit universale istud, Omnis homo est animal rationale: atque ita singularibus his pronuntiatis nititur fides istius universalis. Nunc in hac argumentatione, mutata vice singulare pronuntiatum incumbit universali, & alterum alterius opem poscit. Nam ex eo colligitur Petrum esse animal rationale, quod omnis homo sit particeps rationis. Ita fit vitiosum argumentationis genus quod διαλλεγον veteres appellabant. Præterea cum sciam effatum esse Cartesii, Deum posse mutare naturas rerum; adeo ut res non sint id quod sunt, & vicenarius, puta, numerus non conflatus sit ex duobus denariis, & homo non sit animal ratio-

tionis particeps, (quod quam verum sit jam non quæro) fieri potest ut homo alicubi sit minimè ratione præditus. Proindeque falsa esse potest prior hæc sumtio, Omnis homo est animal rationale. Jam igitur ex hoc exemplo causam habemus, cur suspecta nobis sit reliquarum argumentationum fides: quo & nos acutissimæ aliorum probationes compellunt. Sed hæc leviter delibamus. Quamobrem, si sapio, danda mihi opera est, ne deinceps fallat me fides argumentationum, quam sæpius vanam expertus sum, ac ne iis facile assentiar. Quod si me ita obfirmatum invadet Dogmaticorum agmen, quibus demum armis me diffidentia mea tectum oppugnare instituent? non aliis utique quam argumentationibus quas vulgo demonstrationes vocant. Quæcumque enim adhibeatur probatio, causa erit ejus vis, nisi argumentatione velut amento torqueatur. Omnem autem argumentationem sub hanc suspicionis legem à me latam venire necesse est.

XIII.

EX diffensionibus quoque Dogmaticorum utilissimum fumitur argumentum ad eorum convincendam vanitatem: quo & adversus Medicos, quos Rationales vocabant, Empirici utebantur. Nam si nihil umquam ab ullo affirmatum est, quod non ab aliis negatum sit; si nullum illorum decretum est non controversum, ecquam affirmantibus iis adhibebimus fidem, quam cæteri ejusdem arrogantiae consortes ipsis negant? Adeamus sectas eorum singulas, rogemusque quid de se, quid de aliis sentiant, veraces esse se confidenter jactabunt, cæteras fallaces. De hac ipsa cæteras consule; fallacem hanc ipsam, se veraces prædicabunt. Adeo ut unaquæque suffragio se tantum commico tueatur, nempe suo, cum universis adversariorum calculis damnetur. Prudentisne vero erit, id sequi quod uni placet, improbat a plurimis?

XIV.

XIV.

ERgo quanta sit mentis humanæ calligo, quantisque in tenebris jaceant res homini circumfusæ, cum perspexissent ingeniosi homines & acuti, nec aliam ob causam offendere sæpius vulgus hominum, ac turpiter prolabi intellexissent, quam quod in profunda nocte, per salebras & intercisa ac prærupta loca, quasi in plano & patenti campo ad meridianam lucem vagarentur, moderandum sibi esse ac sustinendum mentis impetum censuerunt. Præcipitem itaque animum ad se se revocatum, & apud se esse velut adhibitis frænis coactum, præjudicatis opinionibus liberarunt; corporis sui mentisque tum & exterarum rerum naturam caute explorarunt, tentantes omnia, omnia circumspicientes. Ac nemum hanc esse unam vitandi erroris artem experti sunt, si assensus retineretur. Hinc primum extam esse Philosophiam, atque in ea velut dubitatione & imbecillitatis

tatis humanæ agnitione & conscientia incunabula sua habuisse. Actum sane nihil stultum inter & intelligentem intererat, nihil indocto præstabat Philosophus, quam quod sciret hic nihil se scire, idem hoc ille nesciret. Quamobrem si Philosophiæ memoriâ a primo ortu ad hanc ætatem replicemus, in tantis opinionum dissidiis; si paucos aliquot excipias, in id unum consensisse reperiemus clarissimos illos; uti à Seneca (1) appellantur, sacrarum opinionum conditores prope omnes, quod obscura sint & ignota omnia, lateat veritas, sensus hominem & animi fallaces sint & imbecilles. Nec hîc Homeri auctoritatem prætexam; quam tamen asciscunt Sceptici; vel quod ita solitum sit à Veteribus fieri, de quacumque re quæreretur: tantum existimationis consecutus erat vir sine controversia maximus; vel quod eum quotidie lectitavisse Arcesilaum & Pyrrhonem, nec umquam de manibus deposuisse accepissent. Nihilo magis septem Sapientes commemorabo, quorum

(1) Seneca
nec. de
brevit.
vit. c. 14.

rum effatis dubitationis significatio-
nem contineri volunt. Ambitio-
sius hæc dicuntur, quam verius.

1. Unum tamen excipio Ana-
charsin, qui omne fertur iustulisse
criterium, comprehensionem om-
nem, & Græcos qui aliter sentirent,
reprehendisse.

2. Constat de Pherecyde à quo
scriptum est, nec inesse verita-
tem in rebus, nec se eam no-
visse.

3. Visum idem est Pythagoræ,
& ex adscriptis ipsi libris præci-
puum hoc refertur effatum, nihil
esse optandum cuiquam, quippe
incio quid sibi conducatur. Probe ita-
que intelligens nullo humano stu-
dio posse ad sapientiam, quæ pen-
det ex notitia veritatis, perveniri,
apud Leontem Phliasiorum princi-
pem professus est expertum se esse
scientiæ, Deum unum esse sapien-
tem, se tantum Sapientiæ studio-
sum.

4. Accepit id Empedocles à
doctore Pythagora & tenuit, & an-
gustas esse ad veritatem percipien-
dam sensuum semitas conquestus est.

D

5. Pro-

5. Prodiit ex Empedoclis Schola Gorgias Leontinus princeps eorum qui olim dicti sunt Sophistæ. Scripsit is librum in tres partes distributum; quarum prima ostendebat nihil esse: secunda, etiamsi sit aliquid, id ab homine percipi non posse: quippe nullam esse veritatis normam, non intellectum; non sensus; tertia, etiamsi ab homine percipi aliquid possit, id tamen alteri non posse explicari.

6. Acute quoque vidit eadem Xenophanes, qui inter Pythagoricos ponitur, firme comprehendi animo nihil posse, veritatis regulam esse nullam, non Rationem, non sensus; ex opinione omnia pendere. Atque hæc tam aperte prædicavit, ut primus doctrinæ hujus, falso licet, auctor creditus sit.

7. Epicharmus etiam, qui fuit ex eodem grege, cohibendum itidem esse assensum denuntiabat, neque temere credendum: hos esse nervos atque artus Sapientiæ.

8. Parmenides ille, qui magnus cognomento perhibetur (1) a Platone, temerarios appellabat & arro-

(1)
Plato,
Sophist.

rogantes, qui tribuerent sibi scientiam, quam homo consequi non possit.

9. Omne detraxit criterium Xenocrates Corinthius, falsaque dixit esse omnia, falsa visa, opiniones falsas. Meminit Xenocratis hujus Democritus, ac propterea vix credi potest, & si plane negare non ausim, eundem fuisse ac Xenocratem illum itidem Corinthium, qui Diogene servo usus est, eique superfuit: nam multis annis Diogeni, qui nonagenarius obiit, antecessit Democritus.

10. Celebratur & inter eos qui continendam esse rati sunt assensionem, Zeno Eleates, Eleaticæ sectæ parens: quam tamen a Xenophane manavisse, ac vetustiorē etiam ipso Xenophane fuisse gravissimus auctor prodit (1) Plato.

11. Annumeratur iis etiam Heraclitus. (1)
Plato,
Sophist.

12. Annumeratur & Anaxagoras, qui circumfusa tenebris esse omnia definivit.

13. Ignorari rerum causas statuebat Democritus; negabat esse

veri quicquam, aut si verum esset aliquid, negabat id nobis notum esse; negabat se scire sciretne aliquid, an nihil sciret: essetne aliquid, an nihil esset; tollebat omnem demonstrandi rationem; ac fertur illud ejus imprimis, Veritatem in profundo esse demersam.

14. Democriti auditor Protagoras, cognomine Sapia dictus, nullam esse dixit veritatis regulam, nihil verum aut falsum: hominem homini plurimum interesse; neque quod huic videatur, idem alteri videri; neque rem ullam esse magis talem, quam talem; cumque de rebus singulis contraria & pugnantia differi posse deprehendisset: ac de ipsa quoque re, an utrimque esset disputabilis, illum in utramque partem disputandi modum primus invexit.

15. Modum eundem tenuit deinde Socrates, nobilissimus dubitandi auctor, & late propagavit: nam cum nihil scirent homines, neque tamen agnoscerent se nihil scire, id vero agnovit ille, nec quicquam scire professus est: ac
prop-

propterea mortalium omnium sapientissimum Apollinis oraculo dictum se putabat; quod id supremum sapientiæ culmen videatur esse, ignorantiam suam agnoscere. Sic igitur disputabat de rebus omnibus quæ sibi essent ad disceptandum propositæ, quemadmodum ex dissertationibus Platonis cognoscimus, ut affirmaret nihil ipse umquam, alios tantum qui affirmare quippiam essent ausi, refelleret. Quapropter inscientiæ & insipientiæ insimulabatur ab adversariis, quod interrogare solet alios, nihil ipse de re quapiam responderet; neque contradicebat ipse, sed expertem se scientiæ & sapientiæ sterilem esse fatebatur. Totum igitur se convertit ad Ethicam, relicto Physices studio, diu primum & diligenter à se exculto, cum diceret superare hanc captum humanæ mentis, seque ad eam ita esse ineptum, ut qui sibi primum atque aliis item visus esset ejus egregie peritus, demum ab illa excæcatus esset, quam & tandem dediscere necesse habuerit; igitur ne id quidem sci-

re se an homo esset, an aliud quippiam, & quid tandem esset. Scripserunt nonnulli factum id ab eo, non quod ita de se sentiret, sed per ironiam, aut modestiæ causâ, & ad retundendam Sophistarum vaniloquentiam, qui nihil ignorare se, & de rebus omnibus paratos esse dicere, stolide gloriabantur. Id si fuisset, nec tam constanter perseverasset in clara ignorantis suæ confessione, tum præsertim cum ad amicos gravesque viros differeret, nec ulla esset exagitantorum Sophistarum occasio: nec tam convenienter opinioni huic pertractasset res singulas; nec sententiam oraculi, Sapientiæ laudem sibi tribuentis, tam perverse ac contra conscientiæ suæ testificationem esset interpretatus. Ex Socrate porro familiæ complures Philosophorum profeminatæ, quarum quæ nobilissima habita est, & Academia dicta, sapientissimum hunc dubitandi morem, quasi per manus traditum, non modo retinuit constanter, sed amplificavit etiam, & numeris omnibus absolvit.

16. Nam

16. Nam primum Academiæ pater Plato, ex hac Socratis affectione ad dubitandum instructus, & Socraticum se professus, catus est eandem differendi rationem, & superiores omnes Philosophos oppugnare instituit. Nec in iis solum libris, quos Gymnasticos appellant, sed tum etiam cum affirmanti propior est, sive Socrati sermonem tribuat, sive alteri, res non uti veras, sed uti verisimiles videtur proferre; ac decreti huius sui meminisse, Diis Deorumque filiis relinquendam esse cognitionem, ea persequenda quæ probabilia sunt. Platonem secuti Academici vagam illam & liberam Philosophiam, multiplici jam rerum cognitione onustam, intra certos lares continere tentarunt: formulas ediderunt & descriptiones quasdam disciplinæ, spretoque iudicio Socratis parentis sui, a quo hæc minime probata fuerant, sanxerunt discendi & docendi leges; & dogmata etiam proponere ausi sunt.

17. Ancipites tamen Academi-

corum rationes disputandi de rebus omnibus tenuit Aristoteles, & qui eum secuti sunt Peripatetici: & libris suis plerisque ac præcipue Metaphysicis multa asperfit, quæ etsi non interclusos ad veritatis cognitionem aditus esse statuant, dubitandum tamen & a dubitatione inchoandam esse docent veri disquisitionem; difficilesque esse ad id vias, & valde obscuras; nec quicquam esse discriminis constantem inter opinionem & scientiam. Unde efficitur incertum esse quidquid sciunt homines, cum nulla hominum opinio non incerta sit.

18. Exstitit deinde Arcesilas, nil affirmantis Academiæ clarissimus antistes, quemadmodum à scriptore (1) veteri non ineleganter appellatur. Is intermissam temporibus suis Socraticam illam dubitationem de rebus omnibus, priscumque cunctis semper adversandi in disputando modum, & quidquid maxime probabile occurreret, defendendi, nec ultra verisimile progrediendi, tamquam jus moremque patrium revocavit. Ac præterea

(1)
Pomp.
Mela, l.
1. cap.
18.

erea cum adversus pronuntiatum hoc Socratis, Unum hoc scio me nihil scire, grave hoc cudi posse cerneret argumentum, Scire igitur hominem posse aliquid, si vel hoc unum sciret se nihil scire; ne illud quidem relictum a Socrate, velut imbecillitatis humanæ solatium admisit, atque hoc ipsum ignorare nos decrevit, an nihil omnino sciamus. Itaque certi nihil esse definivit, neque nobis à Natura datam normam ullam scientiæ; nihil veri percipi posse a sensibus aut ab animo, rebus singulis utrimque adjunctas esse æqualis momenti rationes oppositas, nec esse quicquam alio non tantum verius, sed nequidem verisimilius; latere omnia in tenebris; atque has ob causas approbandum esse nihil, nihil affirmandum, semperque retinendam esse assensionem. Quocirca necumquam scientiam ullam edebat suam, qui nulli censebat esse adhærendum; & si quam instituisset aliquis defendere, contra eam summa venustate & elegantia, summa quoque solertia & acumine dis-

putabat. Cæterum qui in Philosophando aliud alio verius esse negaverat, aut verisimilius, cum ad communem vitæ redibat usum, quidquid animum aliquid probabilitatis specie percusserat, id sequebatur. Quæ cum defenderet, doctrinæ hujus auctor & inventor haberi volebat, vir modestiæ singularis, eamque ad Socratem & Platonem, ad Parmenidem & Heraclitum referebat. Quamquam fuerat illectus in hanc factionem à Pyrrhone, cui relictis demum Theophrasto, Crantore, Diodoro, & Menedemo adhæserat. Pyrrhonius ergo vere fuit, & inter Scepticos ac Pyrrhonios positus est a Pyrrhoniis, etsi Academici nomen non est aspernatus. Non igitur Socraticæ disciplinæ ac veteris Academiæ restitutor solum, sed emendator etiam habendus est; ab eoque ortum habuit recentior Academia, longe firmioribus innixa radicibus, quam illa vetus. Quamvis autem multos habuerit auditores, parum tamen probata est ejus ratio; quod scientiæ lumen videtur

tur

ur extinguere, quod caliginem iacucere mentibus, quod Philosophiam à fundamentis convellere.

19. Arcesilæ sectam solus propagavit Lacydes, quam per manus sibi traditam ad Evandrum, quem cum aliis plerisque affectatorem habuit, Evander ad Hegesimum, is ad Carneadam porro transmisit.

20. Huic etsi de omnibus non plane conveniebat cum Arcesila, ac propterea auctor dictus est novæ cujusdam Academiæ, quam tertiam appellarunt, summam tamen doctrinæ ipsius retinebat. Igitur nunquam sententiam suam aperiens contra omne quod esset propositum differebat copiose & acute. Attulerat enim ad studia Philosophiæ divinam ingenii vim, expromptam memoriam, summam facultatem dicendi, præclaram in Dialecticis exercitationem. Mirabiles itaque fiebant ad eum hominum concursus, summoque favore a Romanis exceptus est, tum cum ad Senatum magnis de rebus missus est ab Atheniensibus, Critolao Peripateti-

co & Diogene Stoïco clarissimis illius ætatis Philosophis comitatus. Tunc primum Romæ cognita est Eloquentiæ vis & dignitas Philosophiæ: & nobilis illa juvenus, quæ jam tum orbis imperium meditabatur, egregiæ hujus disciplinæ quam tradebat Carneades, novitate & specie delinita, tanto in eum ferebatur studio, ut Cato æquus cæteroquin & solers æstimator rerum, sed asper & subagrestis, & artibus humanitatis non satis excultus, ut tunc erant mores Romanorum, inusitatam hanc eruditionem, quæ quidquid vellet persuaderet & impetraret, suspectam habuerit; legatosque postulatorum compotes factos, honorifice quamprimum dimittendos censuerit. Certe ita erat; nam quidquid rationibus suis susceperat impugnandum, facile prosternebat; quidquid defendere instituerat, obtinebat; vix ut eum sustinerent Stoïci acutum genus hominum & controversum, cum quibus acris ei, itidem ut Arcesilæ, ac frequens contentio fuit. Permansit autem, ut dixi, in ratione

Ar-

Arcefilæ, si leves quasdam exceperis dissensiones de norma veritatis, de ἀκαταληψία, de incerto, de retinendo assensu. Afferebat enim nova multa in id argumentum, sed ita tamen ut regulam esse scientiæ, comprehendere nihil posse, sequendam in vita probabilitatem; opinione non naturâ omnia constituta esse doceret; tantaque versari homines in veritatis ignorance; tanta rerum obscuritate; ut ne iis quidem assentiri vellet principiis, quæ clarissima & naturali luce perspicua viderentur; cujusmodi illud est, æquales esse res duas, quæ alterius æquales sint. At Stoïci quos insectabatur, cum ad minuendam ejus existimationem nihil eum ex proprio penu depromptum, nihil a se excogitatum adversum se attulisse dicerent; sed ex Chrysippi libris instructum prodiisse, pro modestia sua fatebatur se, absque Chrysippo esset, futurum fuisse nullum, ipsique Chrysippi armis contra Chrysippum certare. Etenim ad refellendam Academicorum dubitationem & ἐποχὴν argumenta omnia

protulerat Chrysippus, non solum quibus eam solerent defendere, sed etiam quibus possent: verum cum ea accurate dissolvere instituisset deinde, nihilque ad frangendam illorum vim esset ab eo prætermis- sum, tum vero facile apparuit, quantum caussa superiores essent Academicæ, cum armatus horum rationibus adversarius longe visus esset robustior, quam cum refellendas easdem & oppugnandas suscepisset. Quamobrem Chrysippus vi sua sibi nocuit, & Carneadi tela in perniciem suam subministravit.

21. Hic porro multum diuque floruit, clarissimosque viros habuit auditores; in his Clitomachum Pœ- num, quem patria Philosophia jam imbutum, Græca præterea instruxit, & successorem habuit, & in instituenda tertia Academia socium. Pollebat hic acumine ingenii, gnauus erat ac diligens, cumque ad senectutem fuisset cum Carneade qui nihil scriptum reliquerat, omnia ejus dicta, facta, ac cogitata retulerat in litteras; erant
ta-

tamen de quibus quid ipsi probaretur, numquam intelligere se potuisse dicebat. Ita assueverat Carneades etiam cum familiaribus nihil affirmare. Porro nulla re discrepabat ab eo Clitomachus: nam sustineri jubebat assensus, quod nihil percipi posset; spectari probabilia, ab hisque ad actionem excitari, dum sine assensu; quod probabilia multa falsa sint, neque habeant ullam veri notam quæ non in falsis esse possit. Atque hæc, non ut sua propria, sed ut Academiae scita referebat. Exstabant quatuor ejus libri de Sustinendis assensionibus, quos utinam haberemus.

22. Discipulum habuit Philonem, qui quod in nonnullis à Carneadis & Clitomachi dictatis recessisset, princeps & auctor quartæ Academiae cum Charmide appellari meritus est. Aiebat enim res licet natura sua percipi possent, minime tamen percipi posse per innatam nobis facultatem percipiendi visa minime nostro objecta, ac proinde nihil à nobis comprehendi posse.

23 Quintam deinde Academiam condidit Antiochus. Dederat is Philoni operam multos annos, ac Carneadeam doctrinam defensitaverat: peracutus enim erat & perpolitus; sed descivit demum senex a magistris; sive ita persuasus à Mnesarcho Stoïco quem audiverat, sive quod infinitis Dogmaticorum Philosophorum vexationibus impar animum desponderit; sive quod illectus ad aucupium gloriæ, disciplinam ex se vocabulum habere voluerit, & esse qui Anthiochii appellarentur. Jactabat ille tamen se rediisse ad veteres Academicos, cum revera ad Stoïcos transisset: nempe ad eluendam levitatis notam, & quod ita honorificum sibi esse sensisset Academiæ nomen, ut ex ea exiisse credi nollet. Transfulerat itaque ex Porticu in Academiam decreta Stoïcorum, quorum & Platonem auctorem haberi volebat, disciplinam Stoïcorum haudquaquam novam, sed veteris Academiæ correctionem esse dicens. Oppugnavit etiam libro edito præceptorem suum Philonem, vel se

potius ipsum: quæ enim tum refellere conabatur senex, jam antedocuerat diu, & eruditis quoque descriptionibus approbaverat. Quod cum faceret, recentioris Academiæ quam impugnabat doctrinam ipsa re confirmabat, inconstantia sua declarans incerta esse & vaga hominum ad veritatem cognoscendam judicia; nec satis unquam constare ipsis, utrum scire aliquid possent nec ne. Nihil igitur fuit aliud quinta hæc Academia, quam concretio quædam Academiæ veteris & Stoicæ Philosophiæ; vel Stoica potius Philosophia habitum & titulos gerens veteris Academiæ, ejus dico, quæ Platonem inter & Arcesilaum vixit. Dubitare enim desierant Stoici; ubi desitum quoque est ab Antiocho, cujus dogmata exstant; quique propterea nec Platonius germanus, nec Socraticus fuit.

24. Porro cum Romam venisset Philo, Mitridatico bello coactus Athenas deferere, dedit se ei in disciplinam Cicero, & totam novæ Academiæ rationem ex eo cognovit;

vit ; ac veteris deinde præceptis ab Antiocho per sex menses est institutus, cum Athenas venisset : & postquam honoribus inservire cœpit, ne tum quidem intermisit studia Sapientiæ, & domus ejus summorum Philosophorum contubernio floruit. Ac per diu quidem mansit in veteri Academia, postquam in eam semel inductus fuerat ab Antiocho : quoad meditatione, studio, & usu rerum, doctior factus, Philonis dictata repetiit : cumque ex nova Academia Antiochus transisset in veterem, is contra ex veteri Academia migravit in novam, quam & prælaris & numquam satis laudandis scriptiõibus illustravit. Ita autem usus est Sectæ hujus licentia, ut opiniones pro renata mutare non puderet, ac præ se etiam ferret se liberum esse, se vivere in diem, se ea sequi quæ probabilitate animum suum commovissent. Cæterum hoc philosophandi genus probatum Academicis, ut minime arrogans, maximeque & constans & elegans, palam ac sæpe laudabat ; nec pronuntiare veritus est

est de aliarum Sectarum Philosophis, nihil tam absurde dici posse; quod non aliquis dicat Philosophus.

25. Atrocius etiam Varro in Eudæmonibus, neminem ægrotum ait quicquam somniare tam infandum, quod non ab aliquo Philosopho dictum sit. Antiochi præceptis imbutus fuerat Togatorum ille doctissimus. Nec dubito quin in ea Satyra, cui titulum fecerat *Eumenides*, & qua probare instituerat omnes insanire, multa collegerit argumenta, quibus ostenderet nullam inesse in mentibus humanis veri notitiam. Antiochum audiverat & M. Piso, audiverant & alii multi; præcipue vero Lucullus, qui & gloria rerum gestarum, & ingenii elegantia, & liberalium doctrinarum studiis valde claruit. Secum ille Antiochum & Quæstor & deinde Imperator habuit, factusque ab eo est veteris Academiæ studiosus; quemadmodum ab Aristo, qui fuit Antiochi frater, M. Brutus vir maximus. Atque hi cæterique Antiochi discipuli intra priscae hujus
Aca-

Academiæ septa se continuerunt. Porro cum Romæ florent his temporibus studia Philosophiæ, orba propemodum erat Academia in ipsa Græcia, quæ tum oppressa armis Romanorum, & bellorum motibus continenter agitata, non tam veritatis perceptioni, quam salutis studebat.

26. At longe ante Arcesilam magna sumserat incrementa emendata illa dubitandi disciplina, quæ non modo inscitiam, sed ipsius inscitiae inscientiam profitetur.

27. Nam Metrodorus Chius ex Democriti exhedra profectus, vel Nassæ Chii, ut aliis placet, ejus qui a Protagora Democriti discipulo institutus est, operis sui de Natura aditum hoc decreto insignivit: Nemo nostrum scit quicquam, ac ne hoc quidem, sciamusne aliquid an non. Atque hinc dictus est omne Criterium sustulisse.

28. Sustulit & Anaxarchus Abderites Democriteæ doctrinæ defensor, Eudæmonicus cognomento dictus, propter constantiam animi & morum facilitatem. Quamob-
rem

bre, honos ei habitus est ab Alexandro, cujus in comitatu fuit. Sustulit is, inquam, Criterium, nihilo plus nos animo res perspicere dicens, ac eos qui somno tenentur, vel insania; res vero ipsas ut animo nostro objectæ sunt, similes esse depictæ tabellæ, quæ adumbratam descriptionem rerum, non res ipsas exhibeat; nihil denique se scire, atque id ipsum se nescire, sciret ne aliquid: quod a doctore suo Metrodoro acceperat.

29 Hæcenus ad summum pene pervenerat ars dubitandi, & infirmitatis ac obscuritatis convicta humana mens tenebatur, cum Pyrrho Elide ortus summam disciplinæ huic manum imposuit. Etenim perlectis Democriti & Metrodori libris Anaxarchum secutus in Indiam, cum Magis & Gymnosophistis congressus est: tum in patriam reversus eximiam quamdam ἀκαταλυσίαν rationem invexit. Nam cum acute perspexisset veteres suam rerum omnium ignorationem, ac ignorationis quoque hujus ignorationem confessos, eum tamen tenere

nere modum philosophandi, qui aliqua velut comperta sumeret, ac tamquam certa affirmare videretur, hunc demum in eam redegit formam quæ nullis Dogmaticorum cavillationibus esset obnoxia. Nihil ipse quidem scriptis tradidit, at discipulos habuit, atque hi porro alios, qui doctrinam hanc consignarunt literarum monumentis, quorum aliqua exstant ad hanc diem, totamque disciplinæ hujus rationem continent. Quamobrem pluribus nihil attinet eam hic referre. Id satis esto, nullam veritatis normam admisisse Pyrrhonicos, nullam argumentationem, signum nullum, nihil eos affirmasse, nihil definivisse, nihil opinatos esse; nullam rem existimasse id esse potius quam illud, argumentis singulis æqualia esse opposita, nullam rationem alteri præferendam, nihil esse veri, moribus omnia & institutis administrari: atque hæc cum dicerent, non affirmandi sed contradicendi causa dixisse. Omnia enim sectarum omnium dogmata subvertebat Pyrrho, atque ideo sua illa
enun-

enuntiata aiebat se ipsā involvere & perimere ; nec cum diceret nihil posse percipi , hoc ipsum se putabat percepisse , sed ne id quidem percipi posse : proindeque ex hoc pronuntiato , Nihil potest percipi , quod universale est , ne id ipsum pronuntiatum excludi , & propterea simile esse medicamentorum , quæ alvo concepta , non sordes solum , sed se ipsā quoque foras expellunt. Cæterum cum veritatem percipi posse desperaret Pyrrho , acquievit in apparentibus , iisque pro Criterio in communi vitæ usu adhærendum , legibusque ac consuetudini & naturalibus affectionibus citra ullam opinionem obsequendum judicavit. Finem vero quem sibi attingendum proposuerat , tranquillitatem scilicet mentis quæ ἀταραξία dicitur , cum rerum naturam explorando & perscrutando attingere non posset , assensio- nibus retinendis fortuito consecutus est. Externa quoque illa quæ homines incurrunt , & mala vulgo habentur , frigus , putredinem , sitim , aliaque hujusmodi , quo-

quoniam non pendent ex opinati-
nibus, id quod fuit in sua potestate
præstitit, haudquaquam statuens
an mala essent: quo detracto iudi-
cio, longe, moderatius ea ferebat.
Ergo valde laudata est hominis fir-
mitas & in summis periculis con-
stantia. Tantum autem ab eo ab-
fuit, ut nihil vitaret, declinaret
nihil, non obvios currus, non
morsus canum, non prærupta loca,
vel ut fugeret hominum congressus,
& solivagus erraret; vel ut in eodem
statu immobilis perseveraret; quæ
adversantur huic eorum legi con-
suetudinibus & naturalibus affectio-
nibus morem esse gerendum, quæ-
que ridiculi causa a vanis homini-
bus & doctrinæ hujus ignavis con-
ficta sunt, ut potius cum decore &
dignitate vixerit inter cives suos,
magnoque honores & supremum
etiam Pontificatum gesserit in Pa-
tria, a qua & Philosophis omnibus
immunitas ejus gratia concessa sit;
ab Atheniensibus etiam fuerit civita-
te donatus. Fertur etiam decem au-
reorum millia dono accepisse ab A-
lexandro, cum primum ad eum
sive

sive salutandi causa adiit, sive poematis offerendi, quod in eum scripserat. Valde eum mirabatur Epicurus, qui & super ejus moribus & consuetudine vitæ multa rogitare solebat. At, dices, indoctus ab eo appellatus est. Quem vero Philosophorum maledictis non fixit Epicurus? qui ne Democrito quidem pepercit, ex cujus fontibus hortulos suos irrigaverat; nec Nausiphani Teio doctori suo, Pyrrhonis discipulo; indoctus ipse & liberalium disciplinarum rudis, ac earum studiosos insectari solitus, quasi nihil conferrent ad sapientiam, re ipsa ut imperitiam ipse suam simulato contemptu tegeret. Pyrrho autem, non tam quod literis leviter esset tinctus (fuit enim, nec negamus, & id ipsum diserte tradit (1) Cicero) quam quod nihil scire se, neque quicquam scire posse agnosceret, illiterati & imperiti notam sibi inusit. Cum alioqui viri omnibus doctrinis abunde instructi ex ejus Schola prodierint. Ab aliis quoque contumeliosissime vexatum leges; at non tam, ut videtur, doc-

E

toris

(1)
Cicero
lib. III.
de Fini-
bus.

toris odio, quam doctrinæ, quæ rerum omnium notitiam tollebat. At contra fuit in magna apud Vulgus existimatione; immensis, uti fit, laudibus exornatus est à discipulis quos multos habuit; præcipue à Timone Phliasio, qui ingenium ejus, subtilitatem & acumen in disputando, constantiam quoque & ἀταραξίαν, tum & modestiam mirifice prædicat, eumque solem non dubitat appellare: nec mortalium ullum æquiparare eum posse scribit. Hic est juxta conjecturam Pocockii quem Arabes Phurun appellant, & ut rerum Græcarum sunt ignari, Thaletis & Pythagoræ præceptorem fuisse volunt. Quasi Græcam omnem Philosophiam quæ in duas sectas Ionicam & Italicam, divisa est, una Pyrrhonis disciplina complexa sit. Hanc qui secuti sunt Pyrrhonii ab eo sunt dicti: & Sceptici, quod rationum momenta perpenderent: & Ephectici, quod retinerent assensum: & Zetetici, quod veritatem inquirerent: & Aporetici, quod dubitarent de rebus omnibus. Ab his

his instructus Arcesilas ad emendandam veterem Academiam & novam constituendam se accinxit. Nam & Pyrrhonem fertur esse imitatus, & cum Timone conversatus. Adeo ut Pyrrhonis ἐποχὴν cum eleganti Platonis ornasset doctrina, Diodori vero Dialectica armasset, facete in eum Aristo detorserit Homeri versiculum de Chimæra; quæ ut antica parte leo, postica draco, media chimæra (id est, capra) Chimæra esse dicta est; sic ille fronte esset Plato, tergo Pyrrho, media parte Diodorus. Quapropter ponitur in numero Scepticorum à nonnullis, & vix quicquam interesse putat Sextus Empiricus suam inter quæ Sceptica est, & Arcesilai sive mediæ Academicæ disciplinam.

30. Etsi vero satis erat ad institutum demonstrasse veterum Philosophorum clarissimos mentis humanæ tenuitatem & imbecillitatem habuisse perspectam, quod jam fecimus & mox facere pergemus, operæ pretium tamen facturum mihi videor ostendere, quid a vetusta

vit ; ac veteris deinde præceptis ab Antiocho per sex menses est institutus, cum Athenas venisset : & postquam honoribus inservire cœpit, ne tum quidem intermisit studia Sapientiæ, & domus ejus summorum Philosophorum contubernio floruit. Ac per diu quidem mansit in veteri Academia, postquam in eam semel inductus fuerat ab Antiocho : quoad meditatione, studio, & usu rerum, doctior factus, Philonis dictata repetiit : cumque ex nova Academia Antiochus transisset in veterem, is contra ex veteri Academia migravit in novam, quam & prælaris & numquam satis laudandis scriptionibus illustravit. Ita autem usus est Sectæ hujus licentia, ut opiniones pro re nata mutare non puderet, ac præ se etiam ferret se liberum esse, se vivere in diem, se ea sequi quæ probabilitate animum suum commovissent. Cæterum hoc philosophandi genus probatum Academicis, ut minime arrogans, maximeque & constans & elegans, palam ac sæpe laudabat ; nec pronuntiare veritus est.

est de aliarum Sectarum Philosophis, nihil tam absurde dici posse; quod non aliquis dicat Philosophus.

25. Atrocius etiam Varro in Eudæmonibus, neminem ægrotum ait quicquam somniare tam infandum, quod non ab aliquo Philosopho dictum sit. Antiochi præceptis imbutus fuerat Togatorum ille doctissimus. Nec dubito quin in ea Satyra, cui titulum fecerat *Eumenides*, & qua probare instituerat omnes insanire, multa collegerit argumenta, quibus ostenderet nullam inesse in mentibus humanis veri notitiam. Antiochum audiverat & M. Piso, audiverant & alii multi; præcipue vero Lucullus, qui & gloria rerum gestarum; & ingenii elegantia, & liberalium doctrinarum studiis valde claruit. Secum ille Antiochum & Quæstor & deinde Imperator habuit, factusque ab eo est veteris Academiæ studiosus; quemadmodum ab Aristo, qui fuit Antiochi frater, M. Brutus vir maximus. Atque hi cæterique Antiochi discipuli intra præcæ hujus
Aca-

Academiæ septa se continuerunt. Porro cum Romæ florent his temporibus studia Philosophiæ, orba propemodum erat Academia in ipsa Græcia, quæ tum oppressa armis Romanorum, & bellorum motibus continenter agitata, non tam veritatis perceptioni, quam salutis studebat.

26. At longe ante Arcesilam magna sumserat incrementa emendata illa dubitandi disciplina, quæ non modo inscitiam, sed ipsius inscitiae inscientiam profitetur.

27. Nam Metrodorus Chius ex Democriti exhedra profectus, vel Nassæ Chii, ut aliis placet, ejus qui a Protagora Democriti discipulo institutus est, operis sui de Natura aditum hoc decreto insignivit: Nemo nostrum scit quicquam, ac ne hoc quidem, sciamusne aliquid an non. Atque hinc dictus est omne Criterium sustulisse.

28. Sustulit & Anaxarchus Abderites Democriteæ doctrinæ defensor, Eudæmonicus cognomento dictus, propter constantiam animi & morum facilitatem. Quamobrem

brein honos ei habitus est ab Alexandro, cujus in comitatu fuit. Sustulit is, inquam, Criterium, nihilo plus nos animo res perspicere dicens, ac eos qui somno tenentur, vel insania; res vero ipsas ut animo nostro objectæ sunt, similes esse depictæ tabellæ, quæ adumbratam descriptionem rerum, non res ipsas exhibeat; nihil denique se scire, atque id ipsum se nescire, sciret ne aliquid: quod a doctore suo Metrodoro acceperat.

29 Hactenus ad summum pene pervenerat ars dubitandi, & infirmitatis ac obscuritatis convicta humana mens tenebatur, cum Pyrrho Elide ortus summam disciplinæ huic manum imposuit. Etenim perlectis Democriti & Metrodori libris Anaxarchum secutus in Indiam, cum Magis & Gymnosophistis congressus est: tum in patriam reversus eximiam quamdam ἀκαταληψίαν rationem invexit. Nam cum acute perspexisset veteres suam rerum omnium ignorationem, ac ignorationis quoque hujus ignorationem confessos, eum tamen tenere

nere modum philosophandi, qui aliqua velut comperta sumeret, ac tamquam certa affirmare videretur, hunc demum in eam redegit formam quæ nullis Dogmaticorum cavillationibus esset obnoxia. Nihil ipse quidem scriptis tradidit, at discipulos habuit, atque hi porro alios, qui doctrinam hanc consignarunt literarum monumentis, quorum aliqua exstant ad hanc diem, totamque disciplinæ hujus rationem continent. Quamobrem pluribus nihil attinet eam hic referre. Id satis esto, nullam veritatis normam admisisse Pyrrhonicos, nullam argumentationem, signum nullum, nihil eos affirmasse, nihil definivisse, nihil opinatos esse; nullam rem existimasse id esse potius quam illud, argumentis singulis æqualia esse opposita, nullam rationem alteri præferendam, nihil esse veri, moribus omnia & institutis administrari: atque hæc cum dicerent, non affirmandi sed contradicendi causa dixisse. Omnia enim sectorum omnium dogmata subvertebat Pyrrho, atque ideo sua illa
enun-

enuntiata aiebat se ipsa involvere & perimere ; nec cum diceret nihil posse percipi , hoc ipsum se putabat percepisse , sed ne id quidem percipi posse : proindeque ex hoc pronuntiato , Nihil potest percipi , quod universale est , ne id ipsum pronuntiatum excludi , & propterea simile esse medicamentorum , quæ alvo concepta , non sordes solum , sed se ipsa quoque foras expellunt. Cæterum cum veritatem percipi posse desperaret Pyrrho , acquievit in apparentibus , iisque pro Criterio in communi vitæ usu adhærendum , legibusque ac consuetudini & naturalibus affectionibus citra ullam opinionem obsequendum judicavit. Finem vero quem sibi attingendum proposuerat , tranquillitatem scilicet mentis quæ *ἀταραξία* dicitur , cum rerum naturam explorando & perscrutando attingere non posset , assensio-ibus retinendis fortuito consecutus est. Externa quoque illa quæ homines incurrunt , & mala vulgo habentur , frigus , putredinem , sitim , aliaque hujusmodi , quo-

quoniam non pendent ex opinionationibus, id quod fuit in sua potestate præstitit, haudquaquam statuens an mala essent: quo detracto iudicio, longe, moderatius ea ferebat. Ergo valde laudata est hominis firmitas & in summis periculis constantia. Tantum autem ab eo abfuit, ut nihil vitaret, declinaret nihil, non obvios currus, non morsus canum, non prærupta loca, vel ut fugeret hominum congressus, & solivagus erraret; vel ut in eodem statu immobilis perseveraret; quæ adversantur huic eorum legi consuetudinibus & naturalibus affectionibus morem esse gerendum, quæque ridiculi causa a vanis hominibus & doctrinæ hujus ignaris conficta sunt, ut potius cum decore & dignitate vixerit inter cives suos, magnosque honores & supremum etiam Pontificatum gesserit in Patria, a qua & Philosophis omnibus immunitas ejus gratia concessa sit; ab Atheniensibus etiam fuerit civitate donatus. Fertur etiam decem aureorum millia dono accepisse ab Alexandro, cum primum ad eum
sive

sive salutandi causa adiit, sive poematis offerendi, quod in eum scripserat. Valde eum mirabatur Epicurus, qui & super ejus moribus & consuetudine vitæ multa rogitare solebat. At, dices, indoctus ab eo appellatus est. Quem vero Philosophorum maledictis non fixit Epicurus? qui ne Democrito quidem pepercit, ex cujus fontibus hortulos suos irrigaverat; nec Nausiphani Teio doctori suo, Pyrrhonis discipulo; indoctus ipse & liberalium disciplinarum rudis, ac earum studiosos insectari solitus, quasi nihil conferrent ad sapientiam, re ipsa ut imperitiam ipse suam simulato contemptu tegeret. Pyrrho autem, non tam quod literis leviter esset tinctus (fuit enim, nec negamus, & id ipsum diserte tradit (1) Cicero) quam quod nihil scire se, neque quicquam scire posse agnosceret, illiterati & imperiti notam sibi inusit. Cum alioqui viri omnibus doctrinis abunde instructi ex ejus Schola prodierint. Ab aliis quoque contumeliosissime vexatum leges; at non tam, et videtur, doc-

E

toris

(1)
Cicero
lib. III.
de Fini-
bus.

toris odio, quam doctrinæ, quæ rerum omnium notitiam tollebat. At contra fuit in magna apud Vulgus existimatione; immensis, uti fit, laudibus exornatus est à discipulis quos multos habuit; præcipue à Timone Phliasio, qui ingenium ejus, subtilitatem & acumen in disputando, constantiam quoque & ἀτακξίαν, tum & modestiam mirifice prædicat, eumque solem non dubitat appellare: nec mortalium ullum æquiparare eum posse scribit. Hic est juxta conjecturam Pocockii quem Arabes Phurran appellant, & ut rerum Græcarum sunt ignari, Thaletis & Pythagoræ præceptorem fuisse volunt. Quasi Græcam omnem Philosophiam quæ in duas sectas Ionicam & Italicam, divisa est, una Pyrrhonis disciplina complexa sit. Hanc qui secuti sunt Pyrrhonii ab eo sunt dicti: & Sceptici, quod rationum momenta perpenderent: & Ephectici, quod retinerent assensum: & Zetetici, quod veritatem inquirerent: & Aporetici, quod dubitarent de rebus omnibus. Ab his

his instructus Arcesilas ad emendandam veterem Academiam & novam constituendam se accinxit. Nam & Pyrrhonem fertur esse imitatus, & cum Timone conversatus. Adeo ut Pyrrhonis *εποχὴν* cum eleganti Platonis ornasset doctrina, Diodori vero Dialectica armasset, facete in eum Aristo detorserit Homeri versiculum de Chimæra; quæ ut antica parte leo, postica draco, media chimæra (id est, capra) Chimæra esse dicta est; sic ille fronte esset Plato, tergo Pyrrho, media parte Diodorus. Quapropter ponitur in numero Scepticorum a nonnullis, & vix quicquam interesse putat Sextus Empiricus suam inter quæ Sceptica est, & Arcesilai sive mediæ Academicæ disciplinam.

30. Etsi vero satis erat ad institutum demonstrasse veterum Philosophorum clarissimos mentis humanæ tenuitatem & imbecillitatem habuisse perspectam, quod jam fecimus & mox facere pergemus, operæ pretium tamen facturus mihi videor ostendere, quid a vetusta

Academia discrepauerit recentior, quid ab utraque Pyrrhonismus. Fuerunt qui dicerent unicam esse Academiam. Id ut probaret librum scripserat Philo ille princeps Academicæ quæ quarta appellata est: scripserat & Plutarchus. Atque id ita verum est, si neglectis dissensionibus, ad hoc doctrinæ totius Academicæ fundamentum attendatur, quod a Socrate positum est, nihil scire hominem. Quemadmodum enim ex unico trunco erumpentes rami & in diversa abeunt, non tamen multiplicem arborem efficiunt, ita ex hoc Socraticæ doctrinæ trunco prodeuntes tot Academicæ, etsi divortio facto divaricantur, unicam tantummodo Academiam constituunt. Verum si pressius & acuratius rem velimus disputare, hujusmodi est discrimen, quod veterem inter & novam Academiam interest, ut merito duplex habenda sit. Nam cum dixit Socrates id unum scire se quod nihil sciret, aliquid se scire professus est; ac proinde scire certo aliquid hominem

nem posse credidit. Contra vero incertum id reliquit Arcesilas. Atque hoc sane capitale est & inextinguibile dissidium, cum censent hi scire aliquid posse hominem, illi contra nihil scire posse. Quæ vero ad dogma Arcesilæ adhibita est à Carneade & Philone interpolatio, perlevis est ac fere nulla. Nam quod dixit Arcesilas in rebus nihil inesse veri, Carneades contra veri aliquid in rebus esse non negavit, at normam ejus internoscendi nos habere negavit, facile hæc conveniunt. Nam cum duplex sit veritas, juxta partitionem Scholæ; altera quæ *existentiæ* dicitur, altera quæ *judicii*; manifestum est de veritate *judicii* id pronuntiatum ab Arcesila & Carneade. Nam quomodo de veritate *existentiæ* scire quippiam & affirmare potuissent homines qui nihil sciri, nihil affirmari posse credebant? At veritas *judicii* est τὴν ἀπὸ τοῦ νοῦ, hoc est, earum rerum quæ non solitariae spectantur, sed quatenus referuntur ad alias; veritas autem *judicii* rerum refertur ad mentem nostram.

Ergo cum dixit Arcesilas in rebus nihil esse veri, id sibi voluit, nihil inesse in rebus, quod mens humana certo possit cognoscere, atque hoc ipsum est quod definitum est à Carneade. Aiebat præterea Arcesilas nihil percipi posse, omnia esse ἀδηλα, hoc est, obscura & non manifesta: sic enim melius reddetur vocabulum hoc, quam si exponas *incerta*, uti factum est à Cicerone. Carneades vero fatebatur nihil esse quod percipi posset; sed non proinde omnia esse obscura concedebat; quippe res probabiles, quibus jubebat sapientem adhærere, non esse obscuras. At nulla illic inest rerum discrepantia, etsi videtur inesse aliqua verborum. Arcesilas enim res ita obscuras esse volebat, ut percipi non possent; non ita ut probabiles vel improbables non essent. Quod item videbatur Carneadi; nec enim negabat res ita esse obscuras ut percipi non possent; at tantam negabat earum esse obscuritatem, ut ad vitæ usus probari vel rejici non possent. Hinc efficitur
por-

porro, ne in eo quidem dissensisse ipsos, quod Carneades diceret opinaturum esse Sapiensem, fortasse & assensurum; vetaret utrumque Arcesilas. Nam id tantum volebat Carneades, probabilia Sapiensem sequi debere in communi usu vitæ, quæ alioqui minime vitalis foret, non in regimine mentis & studiis veritatis, à quibus Arcesilas opinionationes & assensus removebat. Quamobrem omne fuit in verbis dissidium, non in rebus. Perparum quoque intererat rationem inter Philonis & Superiores. Cum enim aiebat, quominus res perciperentur impedimento non esse ipsam rerum naturam, sed infirmitatem mentis nostræ, hoc ipsum erat in quo discrepabant Arcesilas & Carneades, cum veri nihil esse in rebus diceret ille, hic veri fateretur aliquid in rebus esse, sed à nobis percipi non posse. Hæc autem etsi dissident verbis, rebus congruunt: nam veritatem nullam inesse in rebus, & veritatem rerum natura sua percipi posse sunt, ut dixi, enuntiata τὸ πρῶτον, & referuntur

ad aliud, ad mentem nempe humanam: atque id utrumque significat, quominus mens humana rerum veritatem percipere possit, non obstare naturam ipsam rerum, sed mentis humanæ caliginem. Concedebant quoque Sapienti Philo perinde ac Carneades: ut opinari aliquando posset. At cum aliquid etiam ab eo percipi sentiebat, sed non ita tamen ut nulla subesset causa dubitandi, abuti videtur perceptionis vocabulo; in qua si dubitatio aliqua inest, jam perceptio non est, sed opinatio. Atque ita recidebat in sententiam Carneadis, & probabilitatem in translatione vitæ & rectione morum sequendam esse censebat. Quintam vero Academiam, quæ Antiochi fuit, quoniam mere dogmatica fuit, atque ipsa vetus Academia laciniiis Stoicorum retexta & refarta, ab hac disputatione removeamus.

31. Constet ergo geminam fuisse Academiam; veterem, quæ Socratis fuit & Antiochi; novam, quæ Arcefilæ, Carneadis & Philonis. Hanc autem eandem esse aio ac

Pyr-

Pyrrhonis disciplinam : nam etsi
 afferuntur nonnulla, in quibus vi-
 dentur differre, haudquaquam ta-
 men talia sunt, ut duplex idcirco
 secta constituenda sit; cum vetus
 ac nova Academia, sententiis licet
 dissimiliores, unum tamen Acade-
 miæ nomen retinuerint. Et nunc
 quoque, cum tam longe lateque
 fluxerit doctrina Aristotelis, ut in
 sectas propemodum infinitas dissi-
 pata sit, dogmatis ita discrepan-
 tes, ut alii aliis ne sapere qui-
 dem videantur, omnes tamen
 Peripatetici dici volunt & Aristo-
 telici. Vetus illa fuit quæstio,
 ut Scriptum (1) à Gellio est, (1)
 & à multis Scriptoribus Græcis Gell. l.
 tractata, quid intersit Academi- l. c. 5.
 cos inter & Pyrrhonios : atque
 eorum dissensiones libro pecu-
 liari collegerat Plutarchus. Nos
 quoniam hæc veterum monumen-
 ta deficiunt, sequamur (2) Sex- (2)
 tum Empiricum, a quo præcipue S. Empi-
 discrepantiæ hujus capita adeo ac- ric. Hy-
 curate exposita sunt, ut nihil præ- pot. l. 1.
 terea desideremus. c. 33.

32. Primum is discrimen ponit

E 5 novæ

novæ Academiæ & Scepticæ disciplinæ, quod cum utraque dicat nihil esse comprehensibile, hoc affirmate pronuntient Academici, Sceptici vero dubie. At nihil est hæc dissensio: nam eam ipsam dubie proponit Sextus. Deinde, qui nihil sciri posse putat, ac ne hoc ipsum quidem, an aliquid sciat, is certe nihil affirmare potest: nam qui affirmat aliquid, is scire se profitetur quod affirmat.

33. Gravius videtur, sed leve tamen est discrimen alterum, quod affert Sextus, totumque in vocabuli usu versatur, cum de re conveniat. Fatentur utrique bonum esse aliquid & malum; at cum id aiunt Academici, simul persuasos esse se dicunt, probabilius esse, id esse bonum quod bonum esse putant, quam non esse bonum; atque itidem malum. Sceptici vero cum aliquid bonum esse aiunt, non simul persuasos esse se dicunt, probabilius esse id quod aiunt, quam contrarium; sed sine ulla persuasione, sive opinione consuetudini vitæ communi se obsequi. Tota
ergo

ergo differentia posita est in opinione illa quam habere se fatentur Academici, Sceptici negant se habere. At cum in vitæ usu aliquid Sceptici ut bonum eligunt, & anteponunt alteri, ducuntur specie bonitatis quæ in hac videtur inesse, non in illa. Ergo Visum habent insigne & illustre, animo impressum ab hac specie bonitatis quæ in illa re est, non in ista. Hoc autem viso ducuntur ad eligendam rem ex qua visum illud proficiscitur. Atqui ducuntur & Academici, cum rem aliquam ut bonam eligunt. Hoc tantum interest, quod cum utrique ducantur viso à specie bonitatis impresso, Academici sequuntur, Sceptici duci se patiuntur: & quod id Academici vocant opinionem seu persuasionem, Sceptici non appellant; cum neutri asserunt rem ipsam e qua proficiscitur species bonitatis, esse bonam, utrique fateantur rem sibi videri bonam, utrique fateantur visum hoc se animo impressum habere, ut pote quo utrique ducantur. Neque vero plane negant Sceptici se

persuaderi, sed in modo tantum persuasionis differre se volunt ab Academicis, ut mox ostendemus.

34. Eodem recidit tertia utrorumque dissensio. Visa Academici volunt esse quædam verisimilia, quædam secus: illorum autem alia aliis similiora veri: Sceptici æqualia ad obtinendam fidem. Atqui hoc discrimen affert Sextus, ipse tollendi ejus præbet argumentum: ait enim velle Scepticos æqualem esse visorum fidem, quantum ad rationem pertinet, hoc est, quantum ad veritatem ratione percipiendam, & acquirendam scientiam pertinet: nihilo enim plus valet ad comparandam veri notitiam, vel clarissimum visum, quam obscurissimum: ad vitæ vero translationem huic illud anteferri volunt. Atque de eo ipso non solum sentiebat Arcesilas, sed etiam loquebatur ut Sceptici.

35. Inest quarta differentia, non in ipsa re, sed in rei modo: nam cum utrique fateantur se rebus aliquibus *πειθεσθαι*, hoc est, persuaderi & impelli, Academici id evenire

nire sibi aiunt cum vehementi propensione, non item Sceptici: quasi in verisimilia ferantur illi, hi tantum duci se patiantur; cum in neutris tamen fides insit vel assensus.

36. Discrepare quoque eos scribit Sextus in iis quæ pertinent ad finem; Academicos quippe sequi probabilia in usu vitæ, Scepticos autem legibus tantum, consuetudini, & naturalibus affectionibus sive opinationi obtemperare. In quo, ut in aliis plerisque, dissident verbis, re consentiunt: nam legibus, consuetudini & affectionibus ideo obsequuntur Sceptici, quod ita agere bonum ipsis videatur; hoc est, quod visum sequantur impressum menti à bonitatis specie, quæ in affectionibus, consuetudine & legibus inest. Visum autem menti impressum sequi, hoc ipsum est quod probare; sive opinari dicunt Academici. Species autem bonitatis à qua visum id proficiscitur, illud est quod probabile sive πιθανόν appellant. Igitur cum legibus morem gerit Academicus, opinari

se dicit bonum id esse factu, atque hoc esse probabile. Cum idem agit Scepticus, abstinere ab his opinionationis & probabilitatis vocabulis, ne gradum faciat ad assensionem. Similiter cum Scepticorum & Arcesilæ finis sit *ἐποχή* ejusque comes *ἀταραξία*, necesse est id utrisque videri bonum, uti videbatur sane, nam & huic & illis placuit, bona esse singulares epochas, & mala singulares assensiones, atque hoc utrosque fugere, illud utrosque persequi necesse est. Aliquid autem persequi ut bonum, sive id probare & opinari appelles, sive alio quovis nomine, manet res eadem nullo discrimine.

37. Aliud præterea subjicit Sextus dissidium Arcesilæ cum Scepticis, quod cum utrique Epochen esse dicant bonum, assensionem malum; hoc Sceptici non affirmant, tantum sibi ita videri dicunt; Arcesilas vero hæc re ipsa ita esse, & ex natura sua censeat. Verum ita sensisse Arcesilam conjectura tantum suspicatur Sextus;

&

& contrarium diserte tradit (1) (1)
 Gellius : ait enim dicere Acade- Gell. 1.
 micos & Scepticos, ex omnibus re- II. c. 5.
 bus rerum perinde visa fieri, non
 ut rerum ipsarum natura est, sed
 ut affectio corporis & animi eorum
 ad quos hæc visa perveniunt. Præ-
 terea bonitas finis est ex illis quæ
 referuntur ad aliud, quod supra de
 rerum veritate diximus. Bonitas
 autem finis refertur ad nos; nec
 aliam ob causam finem bonum di-
 cere possumus: quam quod nobis
 videatur esse bonus. Non aliter ita-
 que de bonitate finis sentire potuit
 Arcesilas ac Sceptici. Putemusne
 denique censuisse Arcesilam, res
 natura sua habere aliquid boni, qui
 nihil in iis inesse veri arbitratus est?
 Quæ autem addit Sextus existima-
 se nonnullos, Pyrrhonio more dis-
 putasse Arcesilam inter novitios
 discipulos & doctrinæ suæ rudes,
 ingenii eorum periclitandi causa;
 quos cum acumine mentis pollere
 deprehendisset, tum vero iis doc-
 trinam Platonis affirmate & Dog-
 maticorum more tradidisse; ea se
 ex

ex vanis auditionibus & incerta fama referre se non dissimulat. Quæ tamen si essent, non ex inconstantia & vanitate Doctoris doctrina ipsa spectanda est.

(1)
Gell. l.
II. c. 5.

38. Postremam hanc Scepticæ & Academicæ sectæ differentiam ponit (1) A. Gellius, homo Grammatici similior quam Philosophi; quod cum utrique placeat nihil posse comprehendere, nihil posse decerni, hoc ipsum quasi comprehendunt Academici, & quasi decernunt: cum Pyrrhonii ne id quidem ullo pacto videri sibi verum dicant, quod nihil verum esse videatur. Primum, quid sit comprehendere, quid decernere, scio; quid sit *quasi comprehendere* & *quasi decernere* nescio. Nam si *quasi comprehendere* est comprehendere, quid attinebat claram dictionis significationem addita vocula *quasi* obscurare? Deinde an comprehendere quicquam dicemus Academicos, qui nihil se scire, ac ne hoc quidem ipsum, an aliquid sciant, scire se profitentur? An comprehendere se posse putavit

Ar-

Arcefilas, per quem ne opinari quidem licet? quod si *quasi comprehendere* est non comprehendere, en tibi Academicos Pyrrhonorum similes, cum utrique dicant, ne hoc quidem se comprehendere, quod nihil comprehendant. Sin *quasi comprehendere* est ita videri, ut si cum dicas te *quasi comprehendere* aliquid esse verum, id velis, verum tibi hoc videri; ac proinde id significat Gellius Academicis videri nihil se comprehendere; Pyrrhoniis ne id quidem videri, hoc ipsum discrimen est quod tertio loco mox attulimus ex Sexto Empirico, & nullum esse ostendimus. Sin autem *quasi comprehendere* id sit quod volebat Carneades, percipere quidem, sed tamen non sine aliqua dubitandi causa, quod menti humanæ concedebat; at id profecto est abuti vocabulo comprehensionis; nam hujusmodi comprehensio, ut dixi, mera opinatio est. Cum igitur vel nullæ sint vel levissimæ Scepticorum & Academicorum dissensiones, merito Scriptum est ab egregio rerum hujusmodi

modi spectatore Sexto qui dissensiones illas collegit, videri sibi Pyrrhonorum rationi valde congruere. Sectam Arcefilæ, adeo ut una sit propemodum & eadem disciplina.

(1) Scriptum quoque est à (1) Seneca circa eadem versari utrosque, & eandem profiteri scientiam, nihil scire. Scriptum denique & a

Senec.
Ep. 89.

(2) (2) Gellio dici utrosque Scepticos & Ephecticos & Aporeticos. Quamobrem & inter Scepticos, ut jam monui, Arcefilas relatus est.

(2)
Gell. l.
II. c. 5.

39. Ego vero, cum probe perspectum haberem unam esse eandemque disciplinam Academicorum & Pyrrhonorum, miratus sum sæpenumero quid sit, cur qui eam persequuntur Philosophi dici fere malint Academiciquam Pyrrhonii, quasi vocabulum hoc dedecori sibi esse ducant, illud ornamento. Cujus optionis causas inquirenti mihi duæ potissimum occurrunt; & quod e Pyrrhonis Schola perpauci prodierint, quorum fuerit aliquod in Philosophia nomen, cum Academiam concelebrarint nobilissimi Philosophi, quorum in societatem venire

venire non modo non pudeat, sed gloriosum quoque sit: & quod inepta pleraque & ridicula Pyrrhoniis Pyrrhonique ipsi afficta sint, omnemque e vita sustulisse actionem sint crediti; quæ cum fidem habuerint in vulgus, iisdem obnoxium se faciat necesse est, quicumque Pyrrhonium se ferre aufferit.

40. Sed eorum qui in hac dubitandi arte præ cæteris claruerunt, repetamus seriem, quam a Pyrrhone usque ad Saturninum Cythenam Sexti Empirici, cujus exstant libri, discipulum pertexit Diogenes Laertius, Hippoboto & Sotione auctoribus. Ex quo intelligitur falsum esse Menodotum, cum scripsit Timoni Pyrrhonis discipulo Successorem fuisse nullum, & tunc omnino defecisse disciplinam hanc, quoad eam instauravit Ptolemæus Cyrenensis, a quo ad Sextum usque per continuam successionem propagata est. Is quippe Ptolemæus Eubuli discipulus fuit; Eubulus Euphranoris, qui Timonem audivit in aliorum aliquot condiscipu-

(1)
Senec.
Natur.
Quæst.
L VII.
c. 32.

pulatu. Attamen cum non magna fuerit hominum illorum celebritas, minime mirandum est tam crebris locis scriptum esse à Cicerone, abjectam jamdiu ante suam ætatem & obsoletam Pyrrhonis doctrinam evanuisse: atque idem etiam conquestum esse (1) Senecam. Par fuisse videtur causa Aristoteli, cur scriberet apud Eusebium, fractos & abjectos Pyrrhonios ita conticuissè, quasi numquam fuissent; donec jacentem & extinctam disciplinam Ænesidemus Alexandriæ excitavit.

41. Nos tempori parcentes eximios tantum quosdam recensebimus, imprimis Timonem Phliasium, qui Dogmaticorum audaciam argutissimis sillis exagitavit. Sic autem statuebat, quicumque ad felicitatem contenderet, omnia illi pro incertis & indifferentibus esse habenda: sensus & opiniones neque veri indices esse, neque falsi: proptereaque neutram in partem esse inclinandum, neque quicquam asseverandum, sed dicendum de unaquaque re non magis esse quam non esse; quicumque vero sic fue-

rit.

rit affectus, nullis fore perturbationibus obnoxium.

42. Ponitur & inter Pyrrhonis discipulos Nausiphanes Teius, quem perinde ut Timonem dixisse refert (1) Seneca, ex his quæ videntur, (1) Senec. E-
nihil magis esse quam non esse. Ad- nec. E-
dit & ab eo dictum id quoque, hoc pist. 89,
unum esse certum, nihil esse certi: quod ne jurato quidem Senecæ assentiar: nam hoc ut diceret Nausiphanes, remigrandum ei erat in veterem Academiam, deserta Schola Pyrrhonis, qui nihil omnino esse certi constanter docuit. Pyrrhonis affectatores fuerunt Timon & Nausiphanes, Nausiphanis Epicurus.

43. Iisdem se partibus addixit florantissimi ingenii Philosophus Theodosius sive Bithynus sive Tripolites, & egregiis lucubrationibus operam suam præstitit.

44. Exstitit ex eadem schola Aenesidemus Cnossius, qui Alexandriæ Ægypti instauravit senescentem jam hanc disciplinam & locupletavit.

45. Nec defuerunt, qui in hunc cen-

censum conferrent. Ptolemæum Astronomum, qui interclusos esse dixit humanæ menti ad disciplinas aditus, vel propter obscuritatem rerum, vel propter illius angustiam.

46. 47. Factum idem apud Romanos à Cornelio Celso, quod apud Alexandrinos ab Ænesidemo; factum & à Favorino, qui Scepticum se professus, decem modos Pyrrhonorum exquisitis scriptionibus tradidit, & nullam in nobis esse phantasiâ docuit, quæ polleat facultate comprehendendi.

48. Sed cum horum monumenta consumserit dies, exortus est S. Empiricus, cujus opera habemus, unde damnum hoc refarciatur; cum præclaro libro Hypotheseon, quo disciplinæ hujus forma & constitutio accurate expressa est, tum luculentis disputationibus adversus Dogmaticos, quibus disciplinarum omnium, etiam quæ certissimæ habentur, vanitas ostenditur.

49. Putatur is à multis idem esse ac Sextus Chæronensis ex Plutar-

tar-

tarchi sorore natus, unus è M. Aurelii Imperatoris præceptoribus: etenim convenit utriusque ætas, & nomen, & Philosophiæ studium: & utrique præceptor fuit nomine Herodotus. Nec satis infringere videtur opinionem hanc Suidas scriptor levissimus, cum alterum Chæronensem facit, Lybin alterum; nam Lybis fortasse dici potuit, propter diuturnam Cyrenis in Lybia moram, etiamsi Chæroneæ natus esset; ut Atticus cognomento dictus est clarissimus ille Pomponius, licet ortu Romanus. Nihilò validius est argumentum quod ex Sexti utriusque præceptore Herodoto sumitur, qui non unicus videtur, sed geminus; alter Philadelphia ortus Chæronensis Sexti præceptor; alter Tarsensis præceptor Lybis: nam & Philadelphia civitas est in Cilicia, atque inde fortasse ortus Herodotus, propter vicinitatem Tarsensis dictus est. Objiciunt quoque Stoicum Chæronensem fuisse, cum Lybis fuerit Pyrrhonius. Ait enim Capitolinus M. Aurelium audivisse

Sex-

Sextum Chæronensem Plutarchi nepotem, Junium Rusticum, Claudium Maximum, & Cinnam Catulum Stoicos. Sed frustra sunt: nam hæc est fortasse verborum istorum sententia, tres postremos fuisse Stoicos, uti reipsa fuerunt, non item Sextum; cum Suidas ipse Pyrrhonium fuisse scribat Sextum utrumque. Aiunt quoque Sextum Pyrrhonium cognomine Empiricum appellari, non item Chæronensem. Quis vero nescit cognomina hujusmodi sæpissime prætermitti? velut in his Suidæ locis, & in Isagoge quæ Galeno tribui solet; in qua ad Sexti illius nomen cognomentum nullum adscriptum est. Addit (1) Casaubonus scripsisse Marcum Imperatorem traditam sibi a Sexto rationem inveniendorum, percipiendorum, & ordine digerendorum dogmatum, quæ ad vitam sunt necessaria; hæc autem ad Sextum Empiricum neutiquam pertinere, qui nihil percipi posse docuit, & dogmata omnia repudiavit. At dogmata illa ad vitam necessaria, videntur regu-

(1)
Casaub.
in capi-
tol. vit.
Marc.
Imp.

gulæ quædam fuisse ad vitæ usus & honestatem utiles, non effata ad veri inquisitionem accommodata. Hæc est enim doctrina Scepticorum, sustinendas esse assensiones dum quæritur verum, obsequendum vero apparentibus in usu vitæ. Quamobrem id à Marco additum consulto putem de Sexto, ut sciretur moribus Dogmaticum fuisse, & certum ac constantem tenuisse & tradidisse vitæ modum, licet doctrina Scepticus esset. Levi etiam utitur argumento Salmasius, ut geminum hunc Sextum fuisse probet: nempe quod iisdem temporibus vixerit Chæronensis Sextus, quibus Galenus; cum Galeno vetustior fuerit Empiricus, utpote qui ab eo inter Empiricos numeretur in Isagoge. Quasi vero in scriptis nostris homines nobis æquales nominare ac laudare non soleamus. Sed nihil hic exceptione hac opus est, cum Isagoge isthæc alterius auctoris esse videatur ac Galeni. Nolim tamen hic affirmare quicquam, & tam cito desistere ab instituta ratione dubitan-

di de omnibus: sed unicuique sentire ut volet, per me fas esto.

50. Cæterum cum eam Philosophiæ sectam, quæ Sceptice dicta est, & illam medicinæ, quæ ab auctore sive Acrone Agrigentino, sive Philino Coo, constituta experientiam sequitur, & appellatur Empirice, non is solum Sextus, sed alii quoque conjunxerint, & professi sint, velut Menodotus Nicomediensis, & Saturninus Cythenas; & Marcellus quoque qui ad occultandum Sceptices studium quotenebatur, Empiricus dici voluit; plus tamen ad Sceptsin accedere eam medicæ artis disciplinam, quæ a Themisone condita, Methodice appellatur, quam Empiricen censeret ipse (1) Sextus: ita, si affirmet Empirice incerta comprehendendi non posse: vetat enim Sceptsis affirmari quicquam. Unde efficitur, sublata hac affirmatione maximam fore Sceptices & Empirices conjunctionem; quam inter Methodicen & Scepticen summam esse idem demonstravit: præsertim cum legamus apud Celsum scita hæc

(1)
S. Empir.
Hypo-
ryp. l. I.
c. 34.

hæc fuisse Empirices itidem ut Scepticæ, incomprehensibilem esse naturam, nihil percipi posse, id patere ex eorum qui de his disputarunt discordia, solo usu & experientia constare Medicinam, ratiocinationem nihil ad eam pertinere. Contendit idem Sextus aliis locis, non modo ineruditos esse Pyrrhonicos, uti vulgo existimantur, sed longe majorem rerum usum & experientiam habere quam reliquos Philosophos; hoc est, ut nominis significatio indicat, Empirica disciplina pollere; & Empiricos omnem argumentationem sustulisse, quod mere Scepticum est. Modo citra affirmationem.

51. Fuit æqualis illorum Lucianus Samosatenus, quem inter eos ponit (1) Photius, quorum sententia fuit nulli sententiæ adhærere. (1)
Phot.
Tmcm.
128.

52. Scepticum se quoque professus est Uranius quidam Justiniani temporibus. Hunc in magno honore habuit Chosroës Persarum rex, Philosophiæ studiosissimus, & amplissimis muneribus præsentem, ho-

norificis etiam ac per benignis literis
 persecutus est absentem, eoque ma-
 gistro usus est. Miror itaque Re-
 gi non stolido adeo placuisse tantæ
 inscitiae, tantæque vecordiae homi-
 nem, quantam in eo fuisse com-
 memorat Agathias. Quæ si vera
 sunt, sectam quam tenuit etiam in
 homine ejus non valde perito & vi-
 tiis etiam probrisque, insigni, pla-
 cuisse & Barbaros cepisse putandum
 est. Fuerunt alii præterea sectæ
 ejusdem Philosophi, quos studio-
 rum diligentiae colligendos relin-
 quimus.

53. Nunc postquam Philosopho-
 rum disciplinas sumus persecuti,
 quæ nihil affirmandum esse, deque
 omnibus dubitandum sanxerunt,
 redeamus ad Dogmaticos: omissis-
 que Stoïcis, qui etsi projecta ad
 aniles etiam fabulas admittendas fi-
 de, assensionum tamen temerita-
 tem caute monebant esse vitandam,
 atque hanc cautionem convenienti
 nomine appellabant ἀπεπιστίαν,
 suisque commendabant; clarissi-
 mam ex aliis inscitiae confessionem
 excipiamus: imprimis à Porphyrio
 viro

viro, si infinitum adversus Christi nomen odium tollas, sine controversia maximo: qui in libro de anima ad Boethum; nihil in Philosophia certum, dubia omnia esse confessus est.

54. Multo hoc vetustior fuit Aristippus Cyrenaicæ sectæ parens: is ut deinde Aristo Chius, Physicam Philosophiæ partem percipi non posse dixit, & esse supra nos, Logicam nihil ad nos; solam Ethicam ad nos pertinere, ac ne totam quidem, sed eum solum locum, qui est de virtutibus & vitiis: his enim illas volebat anteferrî, reliqua in summa æqualitate ponebat: nec quicquam interesse inter optime valere & gravissime ægrotare: neque ulla in rebus hujusmodi selectione utendum esse putabat.

55. Herillus quoque Carthaginensis, excepta scientia, quam summum bonum ponebat, rerum omnium delectum sustulit.

56. Sed & Antiquior Menedemus, Platonis auditor, nulli institit dogmati.

57. Manavit ab eo & jam antea Phædone, Eliacorum sive Eretriorum disciplina : de quibus ac Megaricis Philosophis, qui ab Euclide Magarensi instituti, Eristici quoque & Dialectici dicti sunt, hæc scribit (1) Seneca : *Circa eadem fere Pyrrhonii versantur, & Megarici, & Eretrici, & Academici qui novam induxere scientiam, nihil scire.* Itaque inter professores scientiæ hujus ponit (2) Cicero Stilponem, Diodorum & Alexinum.

(1)
Senec.
Ep. 89.

(2)
Cic. l.
V. Aca-
dem.

58. Monimus quoque Cynicus res omnes constare opinionibus, & picturæ similes esse censebat, perinde ut Anaxarchus ; nec ab iis quicquam discrepare ea quæ dormientium vel insanorum mentibus obversantur, & Criterium omnino esse nullum.

59. Jam si decurramus ad exoticas gentes, plerasque comperiemus in hac hæresi fuisse, quæ assensiones contineri jubet. Scribit Diogenes (3) Laertius Anaxarchum & Pyrrhonem cum Magis & Indis Gymnosophistis congressos, ab his præclaram hanc Philosophandi artem

(3)
Diog.
Laert.
Pyrrh.

tem

artem accepisse, quæ nihil comprehendi posse, numquam assentientium esse docet.

60. Brachmanum sententia fuit, uti refert (1) Strabo ex Megasthene, nihil esse bonum vel malum; quippe huic videri bonum, quod illi malum. Totum ergo Orientem ad ultimos usque fines Sceptica pervasit. (1) Strabo, lib. XV.

61. Est apud Turcas Philosophorum secta quædam, quos *Hairitis* appellant, quasi dicas Attonitos, qui de rebus omnibus dubitare se profitentur, nihil umquam affirmant, quod verum à falso internosci non posse putent; probabilia omnia esse dicunt, certum nihil; legibus parent: verum in eo nimis Sceptici, quod ad communes usus vitæ suam hunc dubitandi morem transferunt.

62. Inter Judæos fuerunt & qui dubitandi artem tenerent. Narrat Philo scitum fuisse Essenorum, Logicam Philosophiæ partem esse ad virtutem comparandam minime necessariam; Physicam humanæ naturæ captum superare; Theologica

gica dumtaxat quæ ad Deum & Mundi creationem pertinent, esse tractanda. Quæ Aristonis Chii doctrinæ affinia sunt.

63. At Scepticam rationem etiam in Theologicis tractandis adhibuerunt Seboræi sive opinatores: hoc enim nomen ipsorum sonat. Thal- mudis illi doctrinam excutiebant, disputantes in utramque partem, nihil affirmantes.

(1) 64. Ipse (1) Maimonides, qui
Maimon. ut animo Rabbinicis deliriis expur-
de idol. gato, ita longe solidiore doctrina
c. II. §. præditus fuit, adeo angustum esse
4. 5. 6. dixit captum humanæ mentis, ut
quidquid hominum est, sinceram
veritatem nequeat adipisci: ac
propterea expellendam esse ab a-
nimo cogitationem omnem, quæ
nos possit à divinæ legis obsequio
avertere; sin admittuntur, pessum-
datum iri legitimum Dei cultum;
atque id sibi voluisse Mosem, cum
dixit, *Ne scrutemini* (2) *post cor*
(2) *vestrum, & post oculos vestros post*
Numer. *quos scrutamini*: hoc est, ne ani-
xv., 31. mo vestro tam tenui & exiguo ob-
sequamini, nec veritatis compotes
fieri

fieri posse vos speretis.

65. Neque Arabibus Sceptici sui defuerunt. *Medabberim* appellant Judæi, hoc est, *Loquentes*, sive potius Logicos, crebro Averroi memoratos, crebro Maimonidæ in More Nevochim, & in aliis nonnumquam Rabbiorum libris, quosque Arabum Theologos Scholasticos merito dicere possis. Hi a vetustioribus Græcis & Syris ad dubitandum subornati, perpetuas cum Dogmaticis velitationes exercuerunt, sensibus omnem detrahentes fidem, omnem intellectui, perpetuaque hac & præcipua utentes regula, nihil certo sciri posse. Unde & omnia Geometrarum epichiremata quæ certissima habentur, ut inania & fallacia rejicebant. Quodque ad rem maxime pertinet, primi inter eos disciplinæ hujus antifites ob id potissimum eam feruntur esse amplexi, quod submittendis religioni ac fidei animis valde videretur accommoda.

XV.

1. **I**gitur dubitandum esse, sustinendos assensus, temere non credendum clamat omnis Philosophia, & sacra & profana; nec ii solum qui dubitationem profitentur, sed Dogmatici quoque. Viderunt enim non aliter eripi errores, aut vitari posse, quam si semel præjudicatas omnes opiniones communi una & solenni dubitatione exuerentur. Hinc Philosophiæ suæ principia auspicatus Cartesius, provisione hac elidi stirpes omnes errorum ac purgari, & tuto accerto iri ad veritatem arbitratus est. At qui prudenti cautione in aditu usi, eam intermiserant in progressu; quasi ad aliena tantum respondenda dogmata utilis esset dubitatio, suis vero abjiciendis opinionibus vel explorandis inopportuna, in flagitium ipsi, frustra in aliis animadversum, pari temeritate incurrun-
runt.

(1) Horat.
sat. l. i. i.
Sat. 3.

(1) *Velut sylvis, ubi passim
Palantes error recto de tramite pellit:
Ille*

*Ille sinistrorsum , hic dextrorsum
abit : unus utrisque*

*Error , sed variis illudit partibus.
Hoc te*

Crede modo insanum ; nihilo ut sapientior ille.

Qui te deridet , caudam trahat.

2. Ut autem qui ad urbem versus ortum sitam ire cogitans , si ignarus viæ convertatur ad occiduum , minus deerraverit moratus in bivio , quam alterutram capessens viam & longius procedens : ita mens humana affixa humi & terreno corpore implicata , atque hoc veluti sepimento interclusum sibi ad veritatem ascensum & aditum sentiens , cautius offensionem vitabit atque lapsum , si in inscitia sua , & in inscitiae comite dubitatione acquiescat , quam si vanis assultibus aërem captet , & pro Junone nubem amplectatur. Atque hoc interest Dogmaticos inter & Scepticos. Quæ enim opinionum monstra non peperit illa confidentia ? de quibus scriptum est à summis viris & omnis Philosophiæ consultis-

simis Cicerone & Varrone, uti jam supra a me notatum est, nihil à quoquam dici posse tam absurdum, nihil ab ægro somnari posse tam infandum quod non dicatur ab aliquo Philosophorum.

3. Academicis contra & Scepticis quæ tandem dogmatum exprobari potest perversitas, qui nullum dogma defendunt? atque hi sanè Philosophi, si veram nominis significationem quærimus, dicendi sunt. Cum enim Philosophia, ex interpretatione vocabuli sit studium sapientiæ sive veritatis; Sapiencia autem ex definitione priscorum Philosophorum sit scientia rerum divinarum & humanarum causarumque quæ has res continent; quicumque student Sapienciæ vere Philosophi dicendi sunt: quicumque rerum divinarum & humanarum scientiam quæ Sapiencia est, sunt adepti, hi vere sunt Sapientes. Scientiæ autem hujus adeptionem profitentur Dogmatici & Sapientum quoque nomen admiserunt omnem, quod primus repudiavit Pythagoras, inscientiæ suæ sibi conscius:

sciens: studiosum se tantum Sapientie dici passus est. (1) *ὁ γὰρ τοπά- Aeschyl.*
ζειν, inquit Æschylus, *ἔσχατα εἰδέ- Agam.*
ται δὶχα. *Aliud est enim suspicari,*
quam certo scire. Atqui hoc Aca-
 demicorum proprium est, qui ex
 rebus divinis & humanis non modo
 nihil scire, sed nihil scire se posse
 aiunt; eas tantum procul contem-
 plari se & explorare. Sint ergo
 Sapientes, ut volent Dogmatici,
 quando tantum sibi licere, & scien-
 tiam eam tenere se putant qua con-
 stat Sapientia. In modesto & sim-
 plici Philosophorum vocabulo con-
 tinebunt se Academici & Sceptici,
 qui Sapientiam supra captum suum
 positam suspiciunt & amant. Quam-
 quam & de illis vere dictum est à
 Lactantio (2) Sapientiores esse eos *Lactant.*
 qui se ex aliqua parte viderunt, *l. IV.*
 quam illos qui sapere se credide- *cap. 2.*
 runt.

norificis etiam ac per benignis literis
prosecutus est absentem, eoque ma-
gistro usus est. Miror itaque Re-
gi non stolido adeo placuisse tantæ
inscitiae, tantæque vecordiae homi-
nem, quantam in eo fuisse com-
memorat Agathias. Quæ si vera
sunt, sectam quam tenuit etiam in
homine ejus non valde perito & vi-
tiis etiam probrisque, insigni, pla-
cuisse & Barbaros cepisse putandum
est. Fuerunt alii præterea sectæ
eiusdem Philosophi, quos studio-
rum diligentiae colligendos relin-
quimus.

53. Nunc postquam Philosopho-
rum disciplinas sumus persecuti,
quæ nihil affirmandum esse, deque
omnibus dubitandum sanxerunt,
redeamus ad Dogmaticos: omissis-
que Stoïcis, qui etsi projecta ad
aniles etiam fabulas admittendas fi-
de, assensionum tamen temerita-
tem caute monebant esse vitandam,
atque hanc cautionem convenienti
nomine appellabant ἀπροπρωσίαν,
suisque commendabant; clarissi-
mam ex aliis inscitiae confessionem
excipiamus: imprimis à Porphyrio
viro

viro, si infinitum adversus Christi nomen odium tollas, sine controversia maximo: qui in libro de anima ad Boethum, nihil in Philosophia certum, dubia omnia esse confessus est.

54. Multo hoc vetustior fuit Aristippus Cyrenaicæ sectæ parens: is ut deinde Aristo Chius, Physicam Philosophiæ partem percipi non posse dixit, & esse supra nos, Logicam nihil ad nos; solam Ethicam ad nos pertinere, ac ne totam quidem, sed eum solum locum, qui est de virtutibus & vitiis: his enim illas volebat anteferrî, reliqua in summa æqualitate ponebat: nec quicquam interesse inter optime valere & gravissime ægrotare: neque ulla in rebus hujusmodi selectione utendum esse putabat.

55. Herillus quoque Carthaginensis, excepta scientia, quam summum bonum ponebat, rerum omnium delectum sustulit.

56. Sed & Antiquior Menedemus, Platonis auditor, nulli institit dogmati.

57. Manavit ab eo & jam antea Phædone, Eliacorum sive Eretriorum disciplina : de quibus ac Megaricis Philosophis, qui ab Euclide Magarenfi instituti, Eristici quoque & Dialectici dicti sunt; hæc scribit (1) Seneca : *Circa eadem fere Pyrrhonii versantur, & Megarici, & Eretrici, & Academici qui novam induxere scientiam, nihil scire.* Itaque inter professores scientiæ hujus ponit (2) Cicero Stilponem, Diodorum & Alexinum.

(1)
Senec.
Ep. 89.

(2)
Cic. l.
V. Acad.
dem.

58. Monimus quoque Cynicus res omnes constare opinionibus, & picturæ similes esse censebat, perinde ut Anaxarchus; nec ab iis quicquam discrepare ea quæ dormientium vel insanorum mentibus obversantur, & Criterium omnino esse nullum.

59. Jam si decurramus ad exoticas gentes, plerasque comperiemus in hac hæresi fuisse, quæ assensiones contineri jubet. Scribit Diogenes (3) Laertius Anaxarchum & Pyrrhonem cum Magis & Indis Gymnosophistis congressos, ab his præclaram hanc Philosophandi artem

(3)
Diog.
Laert.
Pyrrh.

tem

artem accepisse, quæ nihil comprehendi posse, numquam assentendum esse docet.

60. Brachmanum sententia fuit, uti refert (1) Strabo ex Megasthene, nihil esse bonum vel malum; quippe huic videri bonum, quod illi malum. Totum ergo Orientem ad ultimos usque fines Sceptica pervasit. (1) Strabo, lib. XV.

61. Est apud Turcas Philosophorum secta quædam, quos *Hairitis* appellant, quasi dicas Attonitos, qui de rebus omnibus dubitare se profitentur, nihil umquam affirmant, quod verum à falso internosci non posse putent; probabilia omnia esse dicunt, certum nihil; legibus parent: verum in eo nimis Sceptici, quod ad communes usus vitæ suam hunc dubitandi morem transferunt.

62. Inter Judæos fuerunt & qui dubitandi artem tenerent. Narrat Philo scitum fuisse Essenorum, Logicam Philosophiæ partem esse ad virtutem comparandam minime necessariam; Physicam humanæ naturæ captum superare; Theolo-

gica dumtaxat quæ ad Deum & Mundi creationem pertinent, esse tractanda. Quæ Aristonis Chii doctrinæ affinia sunt.

63. At Scepticam rationem etiam in Theologicis tractandis adhibuerunt Seboræi sive opinatores: hoc enim nomen ipsorum sonat. Thalmudis illi doctrinam excutiebant, disputantes in utramque partem, nihil affirmantes.

(1)
Maimon. de idol.
c. II. §.
4. 5. 6.

64. Ipse (1) Maimonides, qui ut animo Rabbinicis deliriis expurgato, ita longe solidiore doctrina præditus fuit, adeo angustum esse dixit captum humanæ mentis, ut quidquid hominum est, sinceram veritatem nequeat adipisci: ac propterea expellendam esse ab animo cogitationem omnem, quæ nos possit à divinæ legis obsequio avertere; sin admittuntur, pessumdatum iri legitimum Dei cultum; atque id sibi voluisse Mosem, cum dixit, *Ne scrutemini* (2) *post cor vestrum, & post oculos vestros post quos scrutamini*: hoc est, ne animo vestro tam tenui & exiguo obsequamini, nec veritatis compotes fieri

(2)
Numer.
xv., 31.

fieri posse vos speretis.

65. Neque Arabibus Sceptici sui defuerunt. *Medabberim* appellant Judæi, hoc est, *Loquentes*, sive potius Logicos, crebro Averroi memoratos, crebro Maimonidæ in *More Nevochim*, & in aliis nonnumquam Rabbiorum libris, quosque Arabum Theologos Scholasticos merito dicere possis. Hi a vetustioribus Græcis & Syris ad dubitandum subornati, perpetuas cum Dogmaticis velitationes exercuerunt, sensibus omnem detrahentes fidem, omnem intellectui, perpetuaque hac & præcipua utentes regula, nihil certo sciri posse. Unde & omnia Geometrarum epichiremata quæ certissima habentur, ut inania & fallacia rejicebant. Quodque ad rem maxime pertinet, primi inter eos disciplinæ hujus antistites ob id potissimum eam feruntur esse amplexi, quod submittendis religioni ac fidei animis valde videretur accommoda.

XV.

1. **I**gitur dubitandum esse, sustinendos assensus, temere non credendum clamat omnis Philosophia, & sacra & profana; nec ii solum qui dubitationem profitentur, sed Dogmatici quoque. Viderunt enim non aliter eripi errores, aut vitari posse, quam si semel præjudicatas omnes opiniones communi una & solenni dubitatione exuerentur. Hinc Philosophiæ suæ principia auspicatus Cartesius, provisione hac elidi stirpes omnes errorum ac purgari, & tuto accerto iri ad veritatem arbitratus est. At qui prudenti cautione in aditu usi, eam intermiserant in progressu; quasi ad aliena tantum respondenda dogmata utilis esset dubitatio, suis vero abjiciendis opinionibus vel explorandis inopportuna, in flagitium ipsi, frustra in aliis animadversum, pari temeritate incurrun.

(1) Horat.
Sat. 1. 11.
Sat. 3.

(1) *Velut sylvis, ubi passim
Palantes error recto de tramite pellit:
Ille*

*Ille sinistrorsum, hic dextrorsum
abit: unus utrisque*

*Error, sed variis illudit partibus.
Hoc te*

Crede modo insanum; nihilo ut sapientior ille

Qui te deridet, caudam trahat.

2. Ut autem qui ad urbem versus ortum sitam ire cogitans, si ignarus viæ convertatur ad occasum, minus deerraverit moratus in bivio, quam alterutram capessens viam & longius procedens: ita mens humana affixa humi & terreno corpore implicata, atque hoc veluti sepimento interclusum sibi ad veritatem ascensum & aditum sentiens, cautius offensionem vitabit atque lapsum, si in inscitia sua, & in inscitiae comite dubitatione acquiescat, quam si vanis assultibus aërem captet, & pro Junone nubem amplectatur. Atque hoc interest Dogmaticos inter & Scepticos. Quæ enim opinionum monstra non peperit illa confidentia & de quibus scriptum est à summis viris & omnis Philosophiæ consultis-

simis Cicerone & Varrone, uti jam supra a me notatum est, nihil à quoquam dici posse tam absurdum, nihil ab ægro somnari posse tam infandum quod non dicatur ab aliquo Philosophorum.

3. Academicis contra & Scepticis quæ tandem dogmatum exprobari potest perversitas, qui nullum dogma defendunt? atque hi sanè Philosophi, si veram nominis significationem quærimus, dicendi sunt. Cum enim Philosophia, ex interpretatione vocabuli sit studium sapientiæ sive veritatis; Sapiencia autem ex definitione priscorum Philosophorum sit scientia rerum divinarum & humanarum causarumque quæ has res continent; quicumque student Sapienciæ vere Philosophi dicendi sunt: quicumque rerum divinarum & humanarum scientiam quæ Sapiencia est, sunt adepti, hi vere sunt Sapientes. Scientiæ autem hujus adeptionem profitentur Dogmatici & Sapientum quoque nomen admiserunt omnium, quod primus repudiavit Pythagoras, inscientiæ suæ sibi conficius:

sciens: studiosum se tantum Sapientiae dici passus est. (1) ἰὸ ᾧ τοπαζεν, inquit Æschylus, ἔ σαφα εἰδέναι διχα. *Aliud est enim suspicari, quam certo scire.* Atqui hoc Academicorum proprium est, qui ex rebus divinis & humanis non modo nihil scire, sed nihil scire se posse aiunt; eas tantum procul contemplari se & explorare. Sint ergo Sapientes, ut volent Dogmatici, quando tantum sibi licere, & scientiam eam tenere se putant qua constat Sapientia. In modesto & simplici Philosophorum vocabulo continebunt se Academici & Sceptici, qui Sapientiam supra captum suum positam suspiciunt & amant. Quamquam & de illis vere dictum est à Lactantio (2) Sapientiores esse eos qui se ex aliqua parte viderunt, quam illos qui sapere se crediderunt.

Æschyl.

Agam.

Lactant.

l. IV.

cap. 2.

LIBER SECUNDUS.

Explicatur accurate quenam tutissima videatur ac legitima Philosophandi ratio.

I.

CUM hoc differuisset Galloligur ille, & longius progredi pararet, Sane, inquam, parum mihi probatur imperiosa illa sibi præsiciens Philosophandi ratio, pertinaciter cogitatis tuis & sententiis adhærescens; rectiorque visa est & quasi compendiarie ad veritatem via, modum in sentiendo, ac modestiam quoque in loquendo tenere; nec ullum unquam dogma tam obfirmato & irretorto animo defendere, quamlibet vero videatur esse proximum, ut non semper contradictionibus pateat locus, & a præcepta opinione paratus sis discedere. Contra vero vaga illa & instabilis Academicorum disciplina, quibus promptius est quid non sentiant quam quid sentiant dicere, magnam

magnam mihi videtur perturbationem rerum omnium & confusionem inducere, & omnem dele-re scientiam; cum quod optime scias, nihilo plus scire te scias, ac si plane nescias. Quamobrem val-de ex te velim cognoscere quem-nam dubitationibus suis modum præfinias. Nam si nullus dubitandi finis statuitur; si obscura, occulta, incerta sunt omnia; si nulla usquam patet ad veritatem via, ruit omnis Philosophia; nosque adeo omnes qui ad veri cognitionem studia nos-tra curasque tot annos conferimus, Sisyphi saxum volvimus. Tum il-le contra, pervulgata est ista, in-quit, adversus Academicos quere-la: quæ si æqua esset, non tam pertineret ad Academiam, quam ad Naturam ipsam. Nam quæ hæc Academiae culpa est, hominem ita factum esse à Natura, ut veritatem Marte suo firme non possit attinge-re? nihilo sane major quam vo-lare non posse: quam immortalem non esse. Neque vero Academi-cos & Scepticos, vel ad compa-randam doctrinam & Sapientiam,

vel

vel ad bene beateque vivendum, minores videmus tulisse fructus ex Sapientiæ studiis quam Dogmaticos. Sed hæc post viderimus. Nunc vero quando dubitationibus modum a me præscribi jubes, meam omnem tibi de prima hac Philosophia seu Philosophiæ potius radice sententiam explicabo: nam soli sumus, & liber nunc est apud te dicendi locus; hæc enim nolim, vel nolle certe debeam manare in vulgus: non vulgus dico cerdonum & opificum, sed ipsum vulgus literatorum, apud quos prope ab infano abesse Scepticus vel Academicus existimatur. Neque tamen hac ego religione ab his disciplinis repulsus sum, quarum rationem omnem accipe vel meam potius: Sic enim habeto in Philosophando me mei juris esse, mei arbitrii, meæ sectæ. Primum satis appareo ex rationibus supra expositis, ita comparatam esse hominis naturam, ut veritatem vi sua non possit clarissime firmissimeque cognoscere. In rebus ipsis veritatem esse non nego, veritatem eam nempe

pe quæ dicitur *existentiæ*, nam cognoscuntur res a Deo, uti sunt. At impedimentum in ipso inest homine, quominus ab eo cognoscantur: caret enim idoneis ad verum penitus cognoscendum instrumentis. Minime equidem nego verum ullo modo ab homine cognosci posse: tantum aio, penitus; liquido, certissimeque ab homine cognosci non posse, summa illa & suprema *certitudine*, cui nihil ad perfectionem desit, de qua supra egi, & infra quoque acturus sum. Fieri enim potest, ut ideam in animo impressam habeat quispiam rei alicujus consimilem (similitudinem dico non absolutam & propriam, quæ non nisi inter res ejusdem generis existare potest, puta hominem inter & hominem, arborem inter & arborem; sed imperfectam, quanta exemplar inter & imaginem interesse potest). At cum ex intuitu ideæ hujus mens judicium facit de re extrinsecus objecta unde idea illa proficiscitur, firmissime clarissimeque scire non potest, an judi-

cium

cium hoc consentiat cum re objecta extrinsecus, qua in consensione veritatem diximus inesse: proindeque etsi verum percipit, se tamen verum percipere nescit, & perceptam esse a se veritatem pro certo habere non potest: ac proinde verum penitus non cognoscit. Quotiescumque igitur dico, res ab homine, rerumque veritatem cognosci non posse, firmam hanc, claram & exploratam cognitionem intelligo, qua non tantum cognoscitur verum, sed qua verum cognosci certissime scitur. Verum enim ita scire, ut verum scire te nescias, perinde est ac si verum nescias. Cur autem scire non possit homo, an iudicium quod facit ex intuitu ideæ in animo suo effectæ, consentiat cum re externa ex qua ducta est idea hæc, rationes attulimus complures, & sunt in promptu. Præcipua hæc est, quod ideas rerum, iudiciaque quæ ex ideis mens facit, ad res ipsas applicare non possumus, iudiciorumque convenientiam cum rebus externis unde orta sunt, in qua veritas

ritas sita est, explorare. Quippe rerum formæ & species non proxime ac nullo interjecto medio a rebus ipsis derivatæ ad mentem nostram appellunt, sed plurimis interpositis rebus, ut supra probatum est, ac sensibus per quos infringuntur & vitiantur. Non ulla autem patet alia ad animum via, per quam ideæ rerum ad eum confluant.

II.

Verum hanc naturæ humanæ infirmitatem pro bonitate sua sumit Deus, concessio nobis inæstimabili Fidei dono, per quod confirmatur titubans Ratio, & in cognoscendis rebus omne dubitationis vitium emendatur. Nam cum per Rationem, exempli gratia, certissime clarissimeque scire non possim, ullane sint corpora, quænam sit mundi origo, aliaque hujusmodi plurima, jam suscepta Fide dubitationes illæ evanescent, tamquam exoriente sole Μορμολυγνῆα. Hinc Thomas: *Necessarium* (1) est

- (1) Thom. II, 2. Q. 2. 2. 4. (1) est homini accipere per modum Fidei, non solum ea quæ sunt supra Rationem, sed etiam ea quæ per Rationem cognosci possunt, propter certitudinem. Ratio enim humana in rebus divinis est multum deficiens: cujus signum est, quia Philosophi de rebus humanis naturali investigatione perscrutantes in multis erraverunt, & sibi ipsis contraria senserunt. Ut ergo esset indubitata & certa cognitio apud homines de Deo, oportuit quod divina eis per modum Fidei traderentur, quasi a Deo dicta, qui mentire non potest. Manasse videntur ista ex his Augustini, quæ etsi à me jam recitata sunt, nunc quoque propter Scientiæ dignitatem & opportunitatem juvat iterare: Quia caligantes (2) hominum mentes consuetudine tenebrarum, quibus in nocte peccatorum vitiorumque velantur, perspicuitati sanctitatisque Rationis aspectum idoneum intendere nequeunt, saluberrime comparatum est, ut in lucem veritatis aciem titubantem, & veluti ramis humanitatis opacatam inducat auctoritas. Tum hæc subjicit Thomas:

(2) August. de Morib. Eccles. Cathol. c. 2.

mas : Investigatio (1) naturalis (1)
 Rationis non sufficit humano generi Thom.
 ad cognitionem divinorum, etiam 2a. 2x.
 quæ Ratione ostendi possunt. Et Q. 1. a. 4.
 alibi: Ea quæ demonstrative proba- Idem,
 ri possunt, sicut Deum esse, & art. 5.
 Deum esse unum, & alia hujusmo-
 di inter credenda numerantur, quia
 præexiguntur ad ea quæ sunt Fidei,
 & oportet eæ saltem præsupponi ab
 his qui eorum demonstrationem non
 habent. Quæ autem de cognitio-
 ne rerum divinarum differit Tho-
 mas, eadem ad rerum humanarum
 notitiam pertinere (2) Suares scri- (2)
 bit. Sæpe corrigimus, inquit na- Suares,
 turale lumen per lumen Fidei etiam Disput.
 circa illa quæ videntur esse prima VI. de
 principia, ut patet in illo, Quæ Fide,
 cumque sunt eadem uni tertio, Sect. V.
 sunt eadem inter se: quod in mate- art. 11.
 ria de Trinitate limitamus ad res
 finitas; & in aliis mysteriis, præ-
 sertim Incarnationis & Eucharistiæ,
 multa alia limitamus, ut Fidei non
 repugnent. Ergo signum est lumen
 Fidei certius esse, quia fundatur in
 prima veritate, quam fallere vel
 falli impossibilius est, quam natura-
 lem

lem scientiam hominis errare. Ne

(1) Rationi quidem tribui vult (1) Augustinus veritatis notitiam, quam per Rationem mens nostra assequi putatur, sed lumini ipsi veritatis, a quo pro suæ capacitatis modo il-

(2) lustratur. Cui veritas (2) comper-
ta sine Deo? inquit Tertullianus: cui Deus cognitus sine Christo? cui Christus exploratus, sine Spiritu Sancto? cui Spiritus Sanctus accommodatus, sine Fidei Sacramento?

(3) Inde adeo (3) Apostolus, postquam hæc intonuit, *Perdam Sapientiam sapientium, & prudentiam prudentium reprobabo. Ubi Sapiens? ubi Scriba? ubi conquisitor ejus sæculi? Nonne Stultam fecit Deus sapientiam hujus mundi?* monuitque nos

(4) ne decipi nos patiamur (4) per Philosophiam & inanem fallaciam, secundum traditionem hominum, secundum elementa mundi.

Idem (5) Fide de nos stare prædicat, per Fidem nos ambulare, & non per speciem, Fide confirmari. Quemadmodum igitur in rebus Fidei Rationi laboranti opitulatur Fides, ita in rebus cæteris per Rationem cognitis præ-

sto

sto quoque est Fides, quæ dubiis firmitatem addat, & caducam Rationem fundoque dejectam velut in jura sua restituat, in cognitionem nempe veritatis quam naturaliter appetit.

III.

Quid hoc est vero quod mox aiebas, inquam : (sæpe enim hominem interpellabam) non aliam esse viam, per quam ideæ rerum ad animum confluunt, quam medias res interpositas, sensusque nostros? annon innatas quasdam animus noster ideas habet, nec à sensibus profectas, velut rerum corpore carentium, mentis, puta, nostræ, Angeli, Dei ipsius? annon effata illa sive notiones communes, quæ a Dialecticis dicuntur *ἀξιώματα*, annon universales ipsas naturas rerum cognoscimus, quas *essentias* appellat vulgus Philosophorum, quæ veræ sunt, immutabiles & æternæ, non ut adventitiæ illæ ideæ, vitio & depravatione sensuum obnoxie? Tum ille, Illuc
ibam,

ibam, inquit, meque institutæ disputationis ordo sponte eo ducebat. Capitalis autem hæc est, & ab ipsis principibus Philosophiæ decretoriis prope armis depugnata controversia; cum Pythagoras Timæus, & alii Pythagoræ affectatores; Socrates item & Plato; Platonique omnes innatas ideas defenderent; Democritus contra ejusque affecta Epicurus; item Aristoteles & omnis Peripateticorum cœtus, innatas nullas, adventitias omnes esse vellent & factitias atque à sensibus ductas. De eo, quando illuc delapsus sum, & tu requiris, judicium quoque interponam meum: sed audies quod neque omnes probent, neque fortasse tu. Cum mihi ad hominis dignitatem pertinere olim videretur ea, quam dixi, de ideis nobis innatis Platonis opinio, veram quoque esse valde optabam: præclarum enim & humanæ naturæ honorificum ducebam, animus divinitus excultum & cælestibus donis ornatum prodiisse. Conquirebam itaque argumenta omnia quibus

bus non mihi solum, sed aliis quoque sententia hæc probaretur. Quædam occurrebant apud Platonem, nonnulla apud Cartesium; quæ omnia movere non attentum hominem specie sua possint; cæterum si innatæ homini superbæ occlusæ essent aures, plane infirma viderentur.

1. Præcipuo hoc ac prope unico argumento utitur Socrates apud Platonem, mentem humanam tam multiplices ac varias innumerabilium rerum notiones in tam angusto vitæ curriculo, in hac mole corporis, arripere non posse, nisi eas insitas attulisset; itaque hominem in vita illas non discere, sed recordari. Hæc oratore ad populum digniora sunt, quam Philosopho: nam qui ea negaverit, uti negaretur à me, animumque hominis dixerit esse hujusmodi, ut facillime agitetur, cum sensibus per res externas impulsis, fibrisque nervorum, & spiritibus subinde commotis percellitur cerebrum; cujus nuntio admonitus externorum animus, ipse vicissim agitet

G

spi-

spiritus, fulcosque subtilissimos in cerebro consignatos recognoscens, & diversa componens, & conjuncta dividens, & similia comparans, cernit præsentia, & rerum antecessiones & consecutiones videt, quibus & vitæ ratio & disciplinarum series continentur. Hæc, inquam, qui dixerit, quid & tandem opponet Plato?

2. Graviora affert Proclus. Mutabilia esse ait quæ oriuntur à sensibus: hominem autem ideas sive species æternas & immutabiles animo insitas habere, figurarum, numerorum, motuum: ac idcirco à sensibus haudquaquam ortas: alioqui si ab infirmis & fallacibus sensibus certissimæ & constantissimæ nascerentur species, quod effectum esset perfectius fore sua causa. At nos æternas illas rerum ideas non agnoscimus: nam idea, exempli gratia, trianguli quæ in me est, obscurum quippiam est & confusum, circumscriptione carens & determinatione, natum ex ideis singulorum triangulorum quæ vidi. Atque id de omnibus illis

illis ideis semel dictum velim, quæ simplicis & puræ intelligentiæ appellantur. Addit Proclus optimas esse demonstrationes quæ conflantur ex effatis magis universalibus, deteriores quæ ex singularibus: secus fore, si universalia fiant ex singularibus & sensibilibus; præstare quippe ea quæ oriuntur à causa, iis quæ ab eo quod effectum est. Nunc quidem non disputo de vi demonstrationis ex universalibus vel singularibus conflatæ: id tantum nego, ea quæ à causa proficiuntur, præstare semper iis quæ nascuntur ab eo quod effectum est. Ut enim alendæ pecudi utilius est gramen, quam terra ex qua gramen prodit; ita ad concinnandam argumentationem utiliora sunt universalia, quam singularia & sensibilia, licet & singularibus & sensibilibus universalia constent. Tertium denique hoc est Procli argumentum: Si à materia & sensibilibus mens accipit principales rerum ideas, manifestiores, & quæ magis sunt, eo præstare menti materiam. Quod

perinde est ut si dicat, nobilius esse marmor Praxitele, quippe in quo inerat Veneris simulacrum, quod ex eo Praxiteles eduxit.

3. At Cartesii longe diversa ratio est, & nihilo, si quid video, magis certa. Nam ex triplici genere idearum, quas affert, quarum aliæ adventitiæ sint, qualis in me est idea Solis, orta ex Solis conspectu; aliæ factitiæ, qualis idea Solis in mente Astronomi, quam confinxit ex suis rationibus & observationibus; aliæ ingentæ sive naturales, cujusmodi sunt ideæ Dei, principiorum Geometricorum, Naturarum quæ essentiæ appellantur; priores duas ex sensibus ortas esse liquet: posterior quin arcessi possit indidem, vel juxta ipsa Cartesii argumenta, si rem propius inspexeris, causa nulla est. Nam cum ideas illas naturales doceat esse facultatem ipsam cogitandi, qua prædita est mens nostra, idea Dei quæ in nobis est, nihil aliud est quam facultas cogitandi de Deo; ut ideæ naturales & ingentæ rerum cæterarum sunt facultas

tas cogitandi de rebus cæteris; facultas autem illa cogitandi, in quamcumque rem cogitandam conferatur, sive Deum, sive hominem, sive Solem, eadem facultas est; ut canendi facultas, sive Pæanem decantes, sive Dithyrambum, sive Hymenæum, facultas est eadem. At facultas cogitandi de Sole aut homine, sive idea Solis aut hominis adventitia est, ac proinde & illa Dei. Pares esse has ideas agnoscit ipse Cartesius, cum ait ne Solis quidem aut hominis ideam a rebus externis proficisci, sed eas sibi confingere mentem, postquam excitata est per motus quosdam corporeos; multoque magis id dicendum esse de ideis rerum, quæ neutiquam confinguntur a mente nostra per motus corporeos excitata; puta Dei, naturarum, & axiomatum. Quæ cum differit, eandem omnino assignat originem, eandemque naturam ideis adventitiis & iis quas naturales sive ingenitas appellat. Equidem cum accepissem, gravissimos Philosophos existimasse tam præ-

claris dotibus instructum humanum
 animum non beneficio sensuum,
 sed ab ipso ortu exstitisse, sæpe,
 & diu, & attente intimos animi
 mei penus perlustrare, & bona il-
 lic recondita recensere institui, si
 forte nativas illas opes ab ascititiis
 internoscerem. Verum quantum-
 vis diligens a me cura adhibita sit,
 nullam in me deprehendi ideam,
 quam non irrepsisse extrinsecus,
 ac res quoque externas unde orta
 erat, & vias etiam per quas ei in
 animum meum aditus patuerat,
 clarissime mihi perspexisse visus
 sim. Aliorum porro animos ex
 meo spectare posse credidi: affir-
 mare quippe ausim, quisquis non
 nimis sui amans, sibi que indulgens
 explicare intelligentiam suam at-
 que excutere volet, & complica-
 tas animi notiones evolvere, nul-
 lam in eo deprehensurum ideam,
 quæ non ex rerum extrinsecus ob-
 jectarum simulacris conflata sit.
 Quærunt adversarii unde habeam
 ideam trianguli, nempe ex sex-
 centis triangulis quæ vidi, & ex
 quibus obscuram quidem & con-
 fusam.

fusam, non definitam & certis terminis circumscriptam trianguli ideam confinxī. Quærunt unde habeam ideam numeri alicujus, puta, quaternionis: ex rebus nimirum quaternis, quas simul videre mihi sæpe contigit: velut ex quatuor pedibus equi, vel ex quatuor angulis formæ quadratæ, & ex naturali etiam animi mei vi, qui licet nusquam mihi videre contigisset res quaternas, facile tamen ad duas res quas sæpe vidi, alias duas adjicit, vel cum tribus unam conjungit; & deinde ex rebus numeratis numerum ipsum educens & abstrahens solitarium illum spectat. Quærunt unde habeam ideam motus: ex variis nimirum corporum motibus, quæ sæpius movere sensi, unde animus meus motum disjungens à re mobili, ideam quamdam motus informavit, non claram, non nitidam & expressam, sed adumbratam & confusam: quemadmodum cum oculos ex magna luce in tenebras referimus, obscura lux quædam & incerta videtur ad aliquod tem-

pus oculis obversari. Quærunt unde hæc mihi infederit notio, quæ sunt uni alicui æqualia, inter se esse æqualia: ex frequenti nimis observatione rerum quæ ad eandem mensuram exactæ inter se fuerunt æquales: & ex animi quoque mei efficientia, qui mensuram aliquam imaginariam duabus rebus adhibere se fingens, æquales eas videtur deprehendere. Unde vaga illa generalis, & nullis rebus addicta permansit in animo meo opinio, quotiescumque duas res cum mensura aliqua communi congruerent, fore æquales. Quærunt unde habeam ideam Dei, & rerum corpore carentium: egregie respondet (1) Thomas: *Incorporea, quorum non sunt phantasmata, cognosci à nobis per comparisonem ad corpora sensibilia, quorum sunt phantasmata; sicut veritatem intelligimus ex consideratione rei circa quam veritatem speculamur. Addit præterea juxta Dionysii sententiam, Deum cognosci ut causam, & per excessum & remotionem; resque cæteras corpore carentes à nobis.*

(1)
Thom.
p. 1.
Q. 84.
art. 7. & 8.

nobis cognosci non posse, quamdiu mortali hoc corpore attinemur, *nisi per remotionem vel aliquam comparisonem ad corporalia*, quod ut fiat necesse habere nos *converti ad phantasmata corporum, licet ipsorum non sint phantasmata.* Sed hæc nimis: quamquam capitale istud erat: sunt enim qui ex illo innatarum idearum figmento, quo nihil est inanius, speciosa miracula depromant. Sed cursum teneamus, inquit ille, me compellans: nisi ad hæc fortasse vis aliquid. Nihil nunc quidem, inquam, ad id quod defendis, nempe quidquid intelligimus, id nos prius *vel totum summatim vel particulatim sensisse*: opinionem enim tuam quærimus; nostram in præsentia proponere nihil attinet. Perge ergo explicare reliqua. Hic ille: Constet igitur, inquit, nos verum liquido non posse percipere; ac propterea quantalibet à nobis adhibeatur in rebus considerandis diligentia & attentio, quantalibet etiam in iis à nobis deprehendatur similitudo veri & perspicuitas, ne-

G 5

tquam

liquam tamen iis certe penitus assentiendum, sed habendas eas semper pro dubiis. Hinc quoque efficitur ludere operam quicumque verum illud liquidum atque constans, nulla dubitatione infuscatum quærere se profitentur, quod humanæ menti inexplicabile est. Memineris porro eorum quæ initio sermonis hujus dicta sunt a me de variis *certitudinis* gradibus atque modis. Supremam illam & perfectam *certitudinem* nunc quærimus, cui nihil ad summam absolutionem desit, quam nobis neque Ratio neque Sensus præstare possunt, cujusque usuram non ante possumus consequi, quam Deo ipsi, qui fons est veritatis, in cælo conjuncti simus. Alioquin non negamus humanam mentem, dum mortali illigata est corpori, attingere posse summam certitudinem humanam, quæ etsi (1) *tenebris in nocte peccatorum vallata est, & ramis humanitatis opacata*, ut ait Augustinus, sua tamen valet acie; obtutusque, si non irretortos, alacres tamen in veritate potest defigere.

(1) Aug. de
Morib.
Eccles.
Cathol.
6. 2.

figere. Ut quamvis ex Lilybæo naves Carthaginensi portu solventes cernere & numerare non possum, eas tamen ex propinquo cernere possum: & quamvis Solem intueri non possum, nihilominus Lunam atque stellas intueri possum. Mens autem animi nostri oculus est; Sol veritas ipsa, cujus radios, si non rectos, at reflexos & refractos, velisque temperatos pati possumus.

IV.

Non ergo extinguimus lumen omne animi, non errore perpetuo mens nostra vagatur; non stipites facti solo hæremus, omnium ignari, expertes consilii, sublata omni ratione vivendi, nec satis quidem scientes standumne sit an sedendum: quod male feriat & imperiti homines nobis objiciunt. Nam etsi media nocte non ambulamus in Sole; at ambulamus ad vicariam lucem Lunæ: & quamvis certam veri perspicientiam non habemus, nobis tamen fiunt quædam similia

veri: quæ cum dico nobis videri vera, non proinde affirmo esse vera. Aliud enim longe est nobis videri ac esse. Imo ne quidem affirmo nobis videri vera, tantum id quoque nobis videri dico: nam ut incertum esse dico quod verisimile est, ita visum quoque verisimilis incertum esse dico. Adeo ut cum rem verisimilem mihi videri dico, hoc enuntiatum legi quoque incerti subiaceat. Hæc cum tanta circumspeditione tamque accurata consideratione differeret acutus ille Vir, quam mira mihi accideret hominis cautio & timiditas, ex vestro ipsorum iudicio existimate. Cum ita pergebat: Porro hæc verisimilia & probabilia in communi usu vitæ sequamur pro veris; siue cum nos quapiam trahit naturalis animi sensuumque propensio; siue cum urgemur affectionibus & cupiditatibus corporis velut fame aut siti; siue cum consuetudinibus vulgo receptis legibusve est obtemperandum; siue cum artes ad vitam necessariae tractandæ sunt. Contra respuamus pro falsis dissimilia veri

&

& improbabilia, ne inertes simus
& cessatores, imo ne vacerræ,
caudices trunci atque saxa. Hinc
parata est responsio, cum quæri-
tur liceatne per nos opinari: pur-
gari jubemus istam vocem: nam
si opinari dicas, rebus dubiis assen-
tiri in Philosophicis meditationi-
bus & disceptationibus, & incerta
pro certis affirmare; numquam
opinari decet Sapientem, ut locum
habeat istud Theognidis:

Δίχα μὲν ἀνθρώποις κακὸν μέγα, πῆ-
ρα δ' αἰετοῦ.

*Opinio quidem hominibus magnum
malum, experientia vero optima.*

Suprema enim lex est, cum de
vero agitur, cavendam esse assen-
tiendi inconsiderantiam & affir-
mandi temeritatem. Sin velis o-
pinari, idem esse quod probabilia
sequi in agenda vita; opinari jus
fasque est. Similis quoque adhi-
benda distinctio est vocabulo assen-
tiendi; id si feceris, magnas su-
stuleris lites, quæ Academicos
veteres exercuerunt. Quam ergo

euram & diligentiam in inquisitione veri ponendam alii censent, eandem nos probabilibus interno-scendis tribuimus; & ut alii ad ea quæ vera esse putant, sic nos ad ea quæ veri videbuntur esse similia, mores vitamque exigemus: atque eatenus erimus Zetetici, hoc est, si verbum interpretari velis, Quæsitores & Exploratores ut probabilia reperiamus.

V.

Quemadmodum autem Dogmatici ad verum à falso discernendum adhibent Criterium, vel sensum, vel intellectum, vel utrumque: sic nos ad probabilia dijudicanda ab improbabilibus, Criterio utemur, quod ex iis quæ dicta sunt, etiam me silente, facile intelligis esse duplex, proximum & remotum; & proximum quidem nihil aliud esse quam posituram, descriptionem & collocationem fibrarum cerebri; ac speciem seu formam vestigiorum, quæ sive nervi, sive spiritus, a rebus externis.

ternis, sensuum ope excitati in cerebro reliqueunt, ideasque inde ortas. Has enim ideas, hæc vestigia recognoscens animus, ex eorum specie, de causâ ortu & significatione arbitrium facit; atque hinc existimat species rerum, ex quibus pendet verisimilitudo: remotum vero esse sensus, qui a rebus externis commoti, vestigia quædam per nervos & spiritus designant in cerebro; quæ relegens animus de rebus extrinsecus positus fert iudicium.

VI.

Proposito Criterio, quo disciplina nostra regitur, ejusdem quoque finis explicandus est. Finem dico id ad quod referuntur partes omnes disciplinæ, & quod omnium quæ per eam assequi volumus postremum est. Ejus autem duplex itidem est finis proximus & remotus. Proximus est erroris, pertinaciæ & arrogantiae vitatio: remotus, præparatio animi ad susceptionem Fidei. Cum enim simus ad
id.

id procreati à Deo, ut ipsum, dum vita fruimur, amando & colendo, beatitudinem æternam post mortem adipiscamur, opportuna nobis ad id præbet subsidia. Nam magnum nobis ingeneravit beatitudinis desiderium: nemo quippe est qui non beatus esse velit. Quoniam autem cognitio veri pars est beatitudinis, adeo ut finem bonorum in scientiæ adeptione collocarint non contemnendi quidam Philosophi; propterea verum cognoscere vehementer avemus, trahimurque omnes ad ejus investigationem. At quandoquidem beatitudinis capax non est mortalis hæc vita, ita nec scientiæ: tantum ingenta nobis est veri videndi cupiditas, qua tamquam stimulo excitamur ad beatitudinem, in qua inest perfecta veri cognitio, persequendam. Beatitudo quippe posita est in visione Dei qui æternus & immensus fons est veritatis. Cæterum is ad acuendam hanc scientiæ cupiditatem, quam mortali homini ingenuit, scintillas quasdam & stricturas ejus animo addit

dit velut fomitem : & subobscuram ac dubiam cognitionem rerum ; ad veritatem clarissime firmissimeque percipiendam parum ; ad vitam regendam & tuendam satis : & per quam imbecillitatis & inscitiae suae admonitus homo rationi suae diffideret , vitaret errorem , assentiendi fugeret imprudentiam , ac omnem pertinaciam deponeret ; parumque in Ratione hac ad inveniendum verum opis esse intelligens , ad aliud quærendum subsidium invitaretur . Atqui hoc subsidium Fides est , per quam homo aliquam Dei divinarumque rerum notitiam assequitur , dum in vivis est , ac beatitatem demum post mortem adeptus , perfecti veri cognitione fruitur . *Ex parte*

(1) enim cognoscimus , inquit (1)

Apostolus ; cum autem venerit quod ^{1 Cor.} perfectum est , evacuabitur quod ex ^{III, 9. 10.} parte est . Videmus nunc per specu- ^{12.}

lum in ænigmate , tunc autem facie ad faciem . At Fides cæleste do-

num est , quam iis largiri amat Deus , qui neque nimium naturæ suæ viribus , neque nimis arroganter

ter Rationes suæ solertiæ confidunt, neque nimis pertinaciter adhærescunt opinionibus suis, animunquæ ad eam suscipiendam diligenti cultura subigunt. Atque hæc efficit illa quam tradimus dubitandi disciplina. Probabilia igitur sequentes pro veris, utamur rudi hac & adumbrata, quam nobis concessit Deus, cognitione rerum, & quæ sufficit ad tuendam vitam, & ad animos fidei submittendos imprimis utilis est. Adhibeamus eam quoque ad studia Philosophiæ, ne incognita habeamus pro cognitis, & rapiamur in errores quos non vitare turpissimum est, cum possimus.

VII.

Demus vero potissimum operam ne magistri ullius in verba juremus, aut cujusquam nos addicamus sectæ; nullius certe è Dogmaticis, qui veritatem certissime & indubitanter attingere se per Rationem posse putantes, peccant in ipso principio, & quasi in ipsis
Phi-

Philosophiæ carceribus corrunt. Ac ne Academicis quidem aut Scepticis ita sumus mancipati, ut non ab his ipsis, si usus postulaverit, discedamus, revocantes singula ad animi trutinam, summamque in omnibus differendi libertatem retinentes. Quemadmodum enim Pyrrhonis rationem immutavit Arcefilas, & ab Arcefila discessit Carneades, à Carneade Philo, ab hoc Antiochus; ita nos jure eodem uti par est. Nam verbi gratia in eo dissentimus ab Academicis & Scepticis quod verum se quærere, ejusque inveniendi causa pertentare singula, & utrimque expendere professi sunt, ac propterea Zetetici dici voluerunt. Nam quod verum tandem tam constanti tamque diuturna inquisitione invenerunt? Dixissent potius se falsum vitare, quam verum persequi. Vitatur enim falsum assensionibus retinendis quod in nostra potestate est; at potestatem nostram captumque superat perceptio liquidi illius & explorati veri, uti ostendimus. Futile autem est id sectari,

sectari, quod assequi non possis. Dissentimus præterea à Scepticis, cum in aliis plerisque, tum maxime in iis quæ pertinent ad finem bonorum, quem volunt esse constantem animi statum & nulli perturbationi obnoxium in rebus opinabilibus, quemque ἀταραξίαν appellant; in rebus vero coactis μετρωπάθειαν, seu in iis ferendis moderationem & æquabilitatem; nos erroris, pertinaciæ & arrogantiae vitationem, & præparationem animi ad suscipiendam Fidem.

VIII.

Nullius igitur disciplinæ legibus obligati, exploramus singulas: & quidquid nos specie veritatis movet, delibamus; nec quis aliquid dixerit, sed quid dictum sit attendimus. Quod si nos etiam marte nostro utile quippiam possumus comminisci, adhærescimus huic quoque, nec bona nostra recusamus. At ubique tamen opportunam, nec umquam omittendam dubitandi legem adhibemus, idipsum.

sum relinquere parati quod fueramus amplexi, simulac probabilius quippiam occurrerit, summaque semper iudicii libertate utentes, nulla nos umquam necessitate vel auctoritate astringi patimur.

IX.

Cavemus autem præcipuè, ne quid admittamus quantumlibet probabile, quod Fidei revelatæ sit adversarium: pro certissimo atque rato, nec ulli dubitationi obnoxio habentes, quidquid per fidem Rationis ducem & magistram in animis nostris signavit Deus: pro dubitabili quidquid Ratio nos docuit.

X.

Cæterum in libera hac & soluta Philosophandi & per omnes disciplinas cursitandi ratione, magnos habemus viros quos sequamur: Platonem imprimis, qui ex Pythagoræ, Epicharmi, Parmenidis, Heraclii & Socratis sententiis disciplinam suam contexuit: quam & trans-

transmarinis Ægyptiorum opibus locupletavit. Nam Pythagoram secutus Geometricas formas & numeros rebus naturalibus adhibuit; eodem auctore exploravit res quæ mente percipiuntur: Heraclito eas quæ sensu afficiunt: idearum doctrinam sumsit ex Epicharmo: moralia, politica & œconomica ex Socrate; ex Ægyptiis denique rerum per figmenta & fabulas explicandarum morem. Cicero quoque Academicum se ferens, vagatur tamen per Scholas Philosophorum, & quidquid animo collibitum est palam excerpit suumque facit. Nam & Socraticus & Platonius passim vult haberi, & sæpe adhæret Stoicis & nonnumquam totus suus est. Nec ita Aristippum & Epicurum sectatur Horatius, ut non etiam aliquando Peripateticus

(1) fiat aut Stoicus, nullius certe disciplinæ vinculis impeditus. Non

(2) se cuiquam mancipasse profitetur

(2) Seneca, nullius nomen ferre: multum magnorum virorum iudicio credere, aliquid & suo vindicare, suam se viam sequi, & per se ire;

(1)

Horat.

Carm.

l. l. Od.

34. & l. l.

Epist. 1.

(2)

Senec.

Epist. 16.

21. 33. 45.

80. De

Otio Sap.

c. 30.

ire; permittere se sibi & invenire aliquid, & mutare & relinquere; non servire se prioribus, sed assentiri. Itaque quidquid bene dictum est ab ullo arripit propriumque esse vult, & in Philosophia faciendum ait quod in Senatu; quum censuit aliquis quod ex parte placet, dividendam sententiam, & sequendum quod allubescit: quippe unum semper sequi, non vitæ sed factionis esse: Philosophos carpit sequaces, pedissequos, alienis semper inhærentes vestigiis, numquam suis, in ea re quæ adhuc quæritur, veritate nimirum; nec umquam invenient, præsertim si in ea quærenda contenti fuerint rebus jam inventis. Utendum quidem esse vult via veteri; sed si planior occurrat, hanc muniendam. Igitur etsi Stoicis dederat nomen, sæpe eos deserit, & fit nonnumquam Epicureus. Nec sine piaculo præterire possumus (1) Origenem qui per omnes Philosophorum Scholas exspatiari & prædas agere solebat. Ita scilicet fuerat institutus a magistro (2) Clemente Alexandrino, qui

(1) Origenian. I. II. c. I. §. 4.
(2) Clem. Alex. Strom. I. I.

qui solam eam disciplinam Philosophiæ nomine dignam censebat, non quæ auctorem habet vel Platonem, vel Aristotelem, vel Epicurum, vel Zenonem, sed quæ ex his omnibus meliora decerpit, & Eclectica appellatur. Tenuit eundem morem (1) Lactantius, iisque se assensurum professus est, qui veritatem per sectas diffusam colligerent, & in unum corpus redigerent; sed id à nemine nisi veri perito effici posse: verum autem scire ejus esse tantum qui doctus sit a Deo. Graviter autem reprehendit eos qui uni addicti sectæ cæteras repudiant tamquam inanes atque falsas, & quæcumque afferuntur a dissentientibus sine delectu oppugnant. In ea Medicorum secta quæ Methodice appellatur, & proxime accedit ad Sceptsin, Sexto Empirico (2) teste fuerunt aliqui qui Eclecticos se profitentur, in quibus memoratur Archigenes Apamiensis. Nascens illa Philosophorum Anglorum regia Societas tot nobilium ingeniorum altrix, & Dogmaticorum averfatur

(1)
Lactant.
l. VII,
c. 7.

(2)
S Empir.
Hyp. l. I.
c. 34

arro-

arrogantiam & nulli obligata disciplinæ, vel in optimis seligendis & excolendis, vel in melioribus inveniendis tota versatur: dignior quam sequantur posterī, quam quæ aliis se addicat. Quod si eos denique omnes conferas in hunc censum, qui non uni certe ita se manciparunt sectæ, ut in alias quoque non excurrerint, easque complaverint, crescit numerus in immensum. Neque me repellit ab hac via excerptarum hinc inde opinionum repugnantia, quæ non ex unis & iisdem ortæ principiis vix simul posse videntur consistere: nam à principiis ipsis delectus inchoandus est; quæ postquam semel fuerint constituta, nullæ deinceps admittendæ erunt sententiæ quæ non & cum iis & ipsæ simul congruant. Velut si quis inane admiserit cum Democrito, ineptus sit si cum Cartesio deinde corporis naturam in eo positam esse sentiat, quod extensum sit in longitudinem, latitudinem & altitudinem. Neque vero putandum est tantum fuisse vecordiæ in Potamone Eclecticisve

H

ticisve

ticisve quorum hic signifer fuit, ut in contraria pugnantiæque dogmata se induerent. Conflaverat ille certam quamdam disciplinam, cujus & elementa in libellum redegerat. Disciplinæ hujus partes inter se inita proportionem ac comparationem aliqua consensisse credendum est. Similem quoque à relictis Eclecticis adhibitam cautionem dicas, qui ne ea quidem omnia quæ probasset Potamo, sed ejus tantum rationem excerpti hinc inde optima quæque secuti sunt. Nos vero, etsi eandem probamus rationem, non idcirco tamen Potamonici aut Eclectici volumus haberi: id enim esset alicui sectæ se addicere, quod maxime fugimus, ne judicii libertatem amittamus. Præterea Dogmaticum fuisse Potamonem, vel inde conjicere licet, quod qui doctrinæ hujus descriperunt capita, nullum proferant, quod attinuerit ad sectas assensionum adversarias, vixque ullum reperias inter Eclecticos qui Academicis Scepticisve adhæserit. Denique multa sunt in quibus a

Po-

Potamone aliorumque Eclecticorum opinionibus recedimus.

XI.

Quod si quis nunc roget quidnam tandem simus, qui neque Academici, neque Sceptici: neque Eclectici, neque ulli alteri factioni addicti esse volumus, nostros nos esse respondebimus, hoc est, liberos, nec ullius auctoritati animum nostrum submittentem; id tantum probantes quod ad veritatem propius videtur accedere. Si quis ergo, vel convitiandi, vel palpandi gratia nos *ἰδιογνώμους* appellet, non repugnabimus.

LIBER TERTIUS.

*Opponuntur argumenta adversario-
rum, & refelluntur.*

I.

MInime autem existimetis, boni viri, me dedisse illico manus captiosæ scientiæ, veramque Philosophiam inertī silentio prodidisse. Imo vero strenuè causam egi Dogmaticorum; sed rem uti acta inter nos est, narrare pergam. Nam cum disputationem hanc penitus à se profligatam, me vero plane convictum putaret Ligur noster, sic eam concludebat. Habes sermonem hominis non satis verecundi, qui te audiente inter dissentientes tot insignes Philosophos non arbiter modo honorarius, sed emendator ac censor sedere ausus sim: verum mos gerendus fuit voluntati tuæ, leviusque peccatum visum est res attrectare perplexas & difficiles, quam amicissimi hominis voluntatem contemnere.

temnere. Mihi vero, inquam ego, rem fecisti longe gratissimam: nam ea disputata sunt a te quæ & mihi jucundum fuit perdiscere, & olim recognoscere erit suavissimum. At ne nunc quidem te hac opera quam mihi locasti defunctum credas: jam enim tibi præliandum est cum catervis. Dogmaticorum, quod contumax est & intractabile Philosophorum genus; ac vereor ut eorum impetus sustineas. Nam primum te hoc telo petent, quod jam a te prævisum est nec fatis tamen vitatum; Philosophiam hanc quam sequeris, cum & sensus eripiat & mentem lumine orbet, & falsa confundat cum veris, hominemque privet approbatione & judicio, *totum vitæ statum evertere*, licet enim adhibere verba Tertulliani, *omnem naturæ ordinem turbari*, nullamque actionem superesse, nec habere quemquam quo se vertat, quo se commoveat.

LIBER TERTIUS.

Opponuntur argumenta adversariorum, & refelluntur.

I.

MInime autem existimetis, boni viri, me dedisse illico manus captiosæ scientiæ, veramque Philosophiam inertī silentio prodidisse. Imo vero strenuè causam egi Dogmaticorum; sed rem uti acta inter nos est, narrare pergam. Nam cum disputationem hanc penitus à se profligatam, me vero plane convictum putaret Ligur noster, sic eam concludebat. Habes sermonem hominis non satis verecundi, qui te audiente inter dissentientes tot insignes Philosophos non arbiter modo honorarius, sed emendator ac censor sedere ausus sim: verum mos gerendus fuit voluntati tuæ, leviusque peccatum visum est res attrectare perplexas & difficiles, quam amicissimi hominis voluntatem contemnere.

temnere. Mihi vero, inquam ego, rem fecisti longe gratissimam: nam ea disputata sunt a te quæ & mihi jucundum fuit perdiscere, & olim recognoscere erit suavissimum. At ne nunc quidem te hac opera quam mihi locasti defunctum credas: jam enim tibi præliandum est cum catervis. Dogmaticorum, quod contumax est & intractabile Philosophorum genus; ac vereor ut eorum impetus sustineas. Nam primum te hoc telo petent, quod jam a te prævisum est nec satis tamen vitatum; Philosophiam hanc quam sequeris, cum & sensus eripiat & mentem lumine orbet, & falsa confundat cum veris, hominemque privet approbatione & judicio, *totum vitæ statum evertere*, licet enim adhibere verba Tertulliani, *omnem naturæ ordinem turbari*, nullamque actionem superesse, nec habere quemquam quo se vertat, quo se commoveat.

LIBER TERTIUS.

Opponuntur argumenta adversariorum, & refelluntur.

I.

MInime autem existimetis, boni viri, me dedisse illico manus captiosæ scientiæ, veramque Philosophiam inertī silentio prodidisse. Imo vero strenuè causam egi Dogmaticorum; sed rem uti acta inter nos est, narrare pergam. Nam cum disputationem hanc penitus à se profligatam, me vero plane convictum putaret Ligur noster, sic eam concludebat. Habes sermonem hominis non satis verecundi, qui te audiente inter dissentientes tot insignes Philosophos non arbiter modo honorarius, sed emendator ac censor sedere ausus sim: verum mos gerendus fuit voluntati tuæ, leviusque peccatum visum est res attrectare perplexas & difficiles, quam amicissimi hominis voluntatem contemnere.

temnere. Mihi vero, inquam ego, rem fecisti longe gratissimam: nam ea disputata sunt a te quæ & mihi jucundum fuit perdiscere, & olim recognoscere erit suavissimum. At ne nunc quidem te hac opera quam mihi locasti defunctum credas: jam enim tibi præliandum est cum catervis Dogmaticorum, quod contumax est & intractabile Philosophorum genus; ac vereor ut eorum impetus sustineas. Nam primum te hoc telo petent, quod jam a te prævisum est nec fatis tamen vitatum; Philosophiam hanc quam sequeris, cum & sensus eripiat & mentem lumine orbet, & falsa confundat cum veris, hominemque privet approbatione & judicio, *totum vitæ statum evertere*, licet enim adhibere verba Tertulliani, *omnem naturæ ordinem turbare*, nullamque actionem superesse, nec habere quemquam quo se vertat, quo se commoveat.

LIBER TERTIUS.

*Opponuntur argumenta adversario-
rum, & refelluntur.*

I.

MInime autem existimetis, boni viri, me dedisse illico manus captiosæ scientiæ, veramque Philosophiam inertī silentio prodidisse. Imo vero strenuè causam egi Dogmaticorum; sed rem uti acta inter nos est, narrare pergam. Nam cum disputationem hanc penitus à se profligatam, me vero plane convictum putaret Ligur noster, sic eam concludebat. Habes sermonem hominis non satis verecundi, qui te audiente inter dissentientes tot insignes Philosophos non arbiter modo honorarius, sed emendator ac censor sedere ausus sim: verum mos gerendus fuit voluntati tuæ, leviusque peccatum visum est res attrectare perplexas & difficiles, quam amicissimi hominis voluntatem contemnere.

temnere. Mihi vero, inquam ego, rem fecisti longe gratissimam: nam ea disputata sunt a te quæ & mihi jucundum fuit perdiscere, & olim recognoscere erit suavissimum. At ne nunc quidem te hac opera quam mihi locasti defunctum credas: jam enim tibi præliandum est cum catervis Dogmaticorum, quod contumax est & intractabile Philosophorum genus; ac vereor ut eorum impetus sustineas. Nam primum te hoc telo petent, quod jam a te prævisum est nec satis tamen vitatum; Philosophiam hanc quam sequeris, cum & sensus eripiat & mentem lumine orbet, & falsa confundat cum veris, hominemque privet approbatione & judicio, *totum vitæ statum evertere*, licet enim adhibere verba Tertulliani, *omnem naturæ ordinem turbari*, nullamque actionem superesse, nec habere quemquam quo se vertat, quo se commoveat.

ticsive quorum hic signifer fuit, ut
 in contraria pugnantiæque dogma-
 ta se induerent. Conflaverat ille
 certam quamdam disciplinam, cu-
 jus & elementa in libellum rede-
 gerat. Disciplinæ hujus partes in-
 ter se inita proportionem ac compa-
 rationem aliqua consensisse creden-
 dum est. Similem quoque à re-
 lictis Eclecticis adhibitam cautio-
 nem dicas, qui ne ea quidem om-
 nia quæ probasset Potamo, sed e-
 jus tantum rationem excerpenti
 hinc inde optima quæque secuti
 sunt. Nos vero, etsi eandem
 probamus rationem, non idcirco
 tamen Potamonici aut Eclectici
 volumus haberi: id enim esset ali-
 cui sectæ se addicere, quod maxi-
 me fugimus, ne judicii libertatem
 amittamus. Præterea Dogmati-
 cum fuisse Potamonem, vel inde
 conjicere licet, quod qui doctrinæ
 hujus descripserunt capita, nullum
 proferant, quod attinuerit ad sec-
 tas assensionum adversarias, vixque
 ullum reperias inter Eclecticos qui
 Academicis Scepticisve adhæserit.
 Denique multa sunt in quibus a
 Po-

Potamone aliorumque Eclecticorum opinionibus recedimus.

XI.

Quod si quis nunc roget quidnam tandem simus, qui neque Academici, neque Sceptici: neque Eclectici, neque ulli alteri factioni addicti esse volumus, nostros nos esse respondebimus, hoc est, liberos, nec ullius auctoritati animum nostrum submittentem; id tantum probantes quod ad veritatem propius videtur accedere. Si quis ergo, vel convitiandi, vel palpani gratia nos *ἰδιογνώμους* appellet, non repugnabimus.

LIBER TERTIUS.

*Opponuntur argumenta adversario-
rum, & refelluntur.*

I.

MInime autem existimetis, boni viri, me dedisse illico manus captiosæ scientiæ, veramque Philosophiam inertī silentio prodidisse. Imo vero strenuè causam egi Dogmaticorum; sed rem uti acta inter nos est, narrare pergam. Nam cum disputationem hanc penitus à se profligatam, me vero plane convictum putaret Ligur noster, sic eam concludebat. Habes sermonem hominis non satis verecundi, qui te audiente inter dissentientes tot insignes Philosophos non arbiter modo honorarius, sed emendator ac censor sedere ausus sim: verum mos gerendus fuit voluntati tuæ, leviusque peccatum visum est res attrectare perplexas & difficiles, quam amicissimi hominis voluntatem contemnere.

temnere. Mihi vero, inquam ego, rem fecisti longe gratissimam: nam ea disputata sunt a te quæ & mihi jucundum fuit perdiscere, & olim recognoscere erit suavissimum. At ne nunc quidem te hac opera quam mihi locasti defunctum credas: jam enim tibi præliandum est cum catervis. Dogmaticorum, quod contumax est & intractabile Philosophorum genus; ac vereor ut eorum impetus sustineas. Nam primum te hoc telo petent, quod jam a te prævisum est nec satis tamen vitatum; Philosophiam hanc quam sequeris, cum & sensus eripiat & mentem lumine orbet, & falsa confundat cum veris, hominemque privet approbatione & judicio, *totum vitæ statum evertere*, licet enim adhibere verba Tertulliani, *omnem naturæ ordinem turbare*, nullamque actionem superesse, nec habere quemquam quo se vertat, quo se commoveat.

II.

Moribus, inquis, consuetudinibus, legibus ducimur, rapimur motu reliquorum hominum, ne penitus simus stipites solo affixi: at amittitis certe scientiam, clarissimum animi lumen, nec ullam relinquitis scintillam ad perspicendum verum: atque hanc potissimum ob rem jamdudum apud Ethnicos vel diuturnitate extabuit, vel explosa est Secta Pyrrhonorum: recepta quippe ea jacere necesse erat reliquas disciplinas. Itaque perpaucos admodum ac prope nullos aliqua eruditionis commendatione insignes existisse videas ex umbraculis Scepticorum aut etiam novitiorum Academicorum quos meros fuisse Scepticos plane tibi assentior.

III.

Nihilo fatius est quod dicitis, verisimilia vos sequi pro veris: nam si speciem aliquam & notam veri,

veri, quam sequamini, in rebus
 exstare conceditis, fateamini ne-
 cesse est habere vos regulam ali-
 quam internoscendi veri & falsi;
 quid enim aliud est species seu no-
 ta veri, quam id quo verum di-
 stinguitur à falso? quod si normam
 esse aliquam dijudicandi veri &
 falsi vicero, jam patet aditus ad
 verum. Ex his porro vide quid
 sequatur: cum in re aliqua depre-
 henditis speciem veri, ex qua rem
 illam verisimilem & probabilem
 esse dicitis, hoc ipsum certe per-
 cipitis, rem scilicet illam esse ve-
 risimilem; ac quod perceptum a
 vobis est deinde affirmatis, & in
 usu quoque vitæ sequimini; ac ei
 proinde assentitis. Cum autem di-
 citis similia quidem esse nonnulla
 veri, at nihil verum, omnia in-
 certa; hoc ipsum tamquam verum
 pronuntiatis: nam si tamquam fal-
 sum; hoc accipimus, nec alia à
 nobis adhibenda responsio est.
 Quid ergo jactatis percipi nihil
 posse? cum affirmari quicquam
 vetatis, qui & liquido percipitis
 & palam affirmatis? Ergo discus-

sæ sunt tenebræ dubitationis, constant fundamenta scientiæ, concidunt argutiæ Academicorum & Scepticorum.

IV.

Magna quoque hæc est doctrinæ vestræ labes, quod grassatorum more cæteras invadens & perimens; nullo ipsa constans loco, nullis hærens principiis, cæca, vaga, incerta, titubans; haud quaquam nomine disciplinæ digna est: nam quæ esset impudentia, quem aliis invidet titulum, eum sibi immerenti adscribere?

V.

Præterea qui aliis pedicas tendere soletis, imprudentes ipsi incurritis in casses inexplicabiles, unde nulla vos solertia expedire queat: nam cum dicitis nihil esse verum neque falsum in rebus quod percipi possit; id si verum est, est igitur aliquid verum; ac proinde fallimini, cum dicitis nihil esse
verum

verum neque falsum ; sin id falsum est , fallimini quoque , dum falsum profertis. Similiter irretitus teneris cum ais nullam esse demonstrationem : Sic enim appellemus quam Græci ἀπὸδείξις) nam quæ ad id probandum affers, vel probant id quod vis, vel non probant. Si probant, cum probare argumentis id sit demonstrare, si non probant, cum demonstrationem non esse frustra probare institueris, erit demonstratio.

VI.

Deinde hoc quoque validissimum adversum vos telum cuditur, Si ita a Deo comparatus esset homo, ut semper falleretur etiam in rebus perspicuis, quod a Cartesio propositum usurpasti, Deum fore fallacem: quod a nimine sano & pio nedum a te dici putem: est enim (1) *plenus veritatis: est via, veritas & vita: is* Johan. I, *illuminat omnem hominem venientem in hunc mundum; nedum ita* 14. & XIV, 6. & I, 9. *fingit, ut semper fallatur.*

H 5

VII.

VII.

Postremo ratio hæc dubitandi, hæsitandi, numquam assentiendi, quam ad susceptionem fidei utilem esse ais, mihi contra animos ab ea longe videtur abducere. Nam quid alienius à suscipienda Fide, quam ne clarissimis quidem rebus fidem tribuere? quis in hac vestra adversus sensuum Rationisque vim perpetuo luctandi exercitatione confirmatus animus, Fidei mysteriis, obscuris sponte sua, & nulla subnixis Rationis sensuumve testificatione se submittet? Sapienter (1) Tertullianus: *Quid*

(1) Tertull. *agis, Academiæ procacissime? totum vitæ statum evertis: omnem*
de Anim. naturæ ordinem turbas, ipsius Dei
c. 7. providentiam excacas, qui cunctis
operibus suis intelligendis, incolendis, dispensandis, fruendisque fallaces & mendaces dominos præfecerit sensus. Et deinde: Non licet nobis in dubium vocare sensus istos, ne & in Christo de fide eorum deliberetur; ne forte dicatur, quod

quod falso Satanam prospectarit de
 cælo præcipitatum, aut falso vo-
 cem Patris audierit de ipso testifi-
 catam. Sapienter & Augustinus :
 Si tollatur (1) assensio, & Fides (1)
 tollitur : quia sine assensione nihil Augustin.
Enchir.
ad Lau-
rent. c.
20. & de
Civit. Dei
L. XIX,
c. 18.
 creditur. Et alibi de Academicis
 differens, quibus incerta sunt om-
 nia : Omnino, inquit, civitas Dei
 talem dubitationem tamquam de-
 mentiam detestatur, habens de re-
 bus quas mente atque ratione com-
 prehendit, etiamsi parvam, propter
 corpus quod aggravat animam,
 quoniam sicut dixit Apostolus, ex
 parte scimus, tamen certissimam
 scientiam : creditque sensibus in rei
 cujusque evidentia, quibus per cor-
 pus animus utitur : quoniam mise-
 rabilius fallitur, qui numquam pu-
 tat eis esse credendum. Et merito
 sane Rationis patrocinium susci-
 piunt plerique Ecclesiæ Patres ad-
 versus Academicos : nam si Ratio-
 nem non audimus, labefiet hoc
 fundamentum, quod religioni
 Christianæ prosternt Ratio : Deus
 est : incerta fient & prima illa
 principia lumine naturali cognita,

ex quibus pendet fides, Res eadem non potest simul esse & non esse: Res eadem non potest esse hoc & aliud: Idem effatum non potest esse verum & falsum, simul credi & non credi: incertæ item erunt conclusiones omnes Theologicæ, nisi propositiones ambæ ex quibus eductæ fuerint, certæ sint *certitudine* divina: nam si alterutra certa fuerit *certitudine* humana, & lumine tantum naturali cognita, conclusio item quæ sequitur debiliorem partem, juxta receptam in Scholis doctrinam, certa tantum erit *certitudine* humana; puta conclusio hæc: Christus est animal rationale, utpote quæ oriatur ex duabus his propositionibus: Omnis homo est animal rationale: Christus est homo; quarum prima certa est *certitudine* tantum humana; altera certa est *certitudine* divina: Vana item erunt *motiva credibilitatis*, quæ mysteria Fidei proponunt ut credibilia: nam si certo & evidenter credibilia non videntur animo, sed tantum probabiliter, voluntas feretur in in-

incognitum, animus imprudenter credet, & cum adjuncta erroris formidine. Sic porro labefactata Fide gliscit etiam corruptela morum: nam qui nihil verum esse putat aut falsum, nihil itidem bonum esse aut malum putat: quod putare non puduit Scepticos. Hoc autem errore devinctus animus quo tandem fræno ruentem cohibebit libidinem? atque altera hæc caussa est, ac fortasse præcipua cur a Christianis repudiata sit factio Pyrrhonorum, nempe quod Fidem moresque labefacteret; & cur magnus ille veritatis & pietatis assertor Augustinus, quem mox citavi in testimonium, Academicos quibus Ethnicus adhæserat, Christianus oppugnaverit. Vide jam quo pacto ex his te laqueis expedias, quos equidem dissolvi non posse puto.

VIII.

At ego puto, inquit noster Ligur, & res fidem faciet, ad quam antequam aggredior, monendus

es sententiam nostram vel hoc uno præstare reliquis, quod hæ labefactantur contradictionibus, nostra iis oppido confirmatur. Hinc enim apparet obscuritas rerum, iudiciorum infirmitas, & paria in omnibus pugnantium rationum momenta; cum ne in iis quidem vacemus reprehensione, quæ hæsitantes & incerti proponimus: ut non modo scire aliquid tuto non liceat, sed ne nescire quidem. Monendus quoque es non plus tibi ex oppositis a te argumentis esse sperandum, quam iis qui oppugnata infinitis disputationibus Academia atque Scepti, nihil denique se profecisse senserunt. Sic enim traditum est à (1) Plutarcho, doctrinam hanc multis voluminibus magna contentione a præstantissimis Philosophis appetitam, nusquam tamen esse labefactatam, & integritatem suam semper retinuisse. Id vero quo ipse re experiare, expendamus ea quæ adversum nos a te allata sunt.

(1)
Plut.
contra
Colot.

IX.

Ais primum sensus nos ab homine eripere, excæcare mentem, vera falsis permiscere, ac idcirco tollere usum vitæ. Vetus hæc & rancida querela est a priscis Academicis & Scepticis sæpius compressa, cum dicerent, quod ex me non semel audisti, aliud esse vivere, aliud philosophari. Cum agenda vita est, cum obeunda officia, desinimus esse Philosophi disceptatores, disputatores, dubii, incerti; fimus idiotæ, creduli, simplices; ficus, ficus: ligonem, ligonem appellamus; redimus ad pristinos mores & ingenium: mores aliorum hominum, consuetudines leges habemus quas sequamur; qui mox dubitabam essemne, essentne alii homines, nunc his omissis, quasi esse me & alios jam certo sciam, edo, bibo, ambulo, adeo ad amicos, saluto, alloquor, aio, nego verum hoc esse, falsum illud affirmo. *Alia est* (1) enim (1) *illa*, inquit Cicero, *cum veritas ipsa* Cicero Offic. l. 2.

ipsa limatur in disputatione, subtilitas; alia, cum ad opinionem communem omnis accommodatur oratio. At enim, inquires, hoc ipso confutamini, cum quæ animi gratia dubitaveratis, mox usu magistro certissima esse comperitis; velut vos errantes reprehendente & in viam reducente necessitate & experientia. Quasi vero non pervulgatum hoc sit, & in consuetudine positum, rebus uti quamplurimis tamquam veris, & fructum ex iis capere, quas vel incertas vel prorsus falsas esse scimus. Fingunt Astronomi descriptiones quasdam orbium cælestium quas systemata & hypotheses vocant. Has veras esse neque putant ipsi neque affirmant: neque veræ esse possunt omnes, cum alia sit hypothesis Copernici, alia Tychonis, seque invicem tollant ac perimant: commode tamen iis utuntur utrique ad siderum motus explicandos, & ad prædicandas Solis & Lunæ defectiones. Terram punctum esse falsum est; in usu tamen Astronomiæ & in describen-

dis

dis Solariis, velut exploratum usurpatur. In ea Geometriæ parte quam Analysin appellant, res quæ sita & ignota tamquam vera & cognita poni solet, atque ita ad quæ sita notitiam pervenitur. Quam multa comparantur ab hominibus ad senectutem subsidia, quam an adepturi sint plane ignorant? Peregrinator ignarus viæ non hæret in bivio.

X.

Addis extinguere me lumen scientiæ, & inscitæ tenebras offundere, quæ altera tua reprehensio fuit. Pergin' vero cramben recoctam nobis apponere? At lautius aliquid & exquisitius expectabamus. Ad vulgare istud argumentum utar non inani responsione, & jam supra à me allata, immerito in nos transcribi naturæ culpam; si modo in natura culpam esse ullam dicendum est. Quid igitur? qui hominem bullam esse dixit, is ne ut homo bulla esset effecit? Si hominem dixerò non posse

posse contra Solem oculos intendere, hancine præstare debebo imbecillitatem oculorum? En tibi

(1) (1) Senecam: *Involuta veritas in alto latet: nec de malignitate Naturæ queri possumus, quia nullius rei difficilis inventio est nisi cujus hic unus inventæ fructus est invenisse. Quidquid nos meliores beatosque facturum est, aut in aperto aut in proximo posuit.* Frustra ergo queritur alibi idem hic (2) Seneca Philosophiam illam dubitandi magistram non præferre lumen quo acies dirigatur ad verum, sed oculos sibi effodere. Non tibi oculos effodit hæc Philosophia, sed cæcitatæ tuæ te admonet, qui oculatum te putabas. Quemadmodum qui talpam oculis carere dicit, oculos talpæ non effodit. Quod si vos opinio vestra delectat, si assentatione gaudetis, si vultis id videri scire quod nescitis, fruimini errore vestro: liceat modo nobis id nescire quod nescimus; haudquaquam sane propterea languescet studium scientiæ, nec nos inertes erimus aut illiterati; dum enim

(2) Senec. Epist. 88. *coletis*

coletis disciplinas, veri percipien-
 di inani spe producti iis nos stude-
 bimus, videndi spe quæ probabi-
 liores erunt & similia veri. An
 inertes vero & illiteratos dicere au-
 deas tot claros & nobiles Philoso-
 phos, quorum agmen Dogmaticis
 objecimus? Eos sane, si æqui esse
 volumus, non doctos solum, sed
 doctrinarum fere omnium aucto-
 res, & primarum artium principes
 agnoscemus. Non ergo Arcesilæ,
 Carneadis & Pyrrhonis sententiam
 abjecerunt ventosi Philosophi ne
 imperiti fierent, sed ne imperitiam
 suam fateri cogerentur. Adde,
 nobis nulli hærentibus sectæ, dum
 probabiliora sequimur, argumentor-
 um vim utrimque esse exploran-
 dam, uti facere se profitentur
 Academici, neque id sine diligen-
 ti studio & singulari eruditione fieri
 posse: contra vero Dogmaticos,
 factionis ejus cui se dicarunt, ra-
 tionem, constitutionem, modum,
 argumenta fere percipere conari,
 de reliquis parum laborare. Quod
 hodie fieri fere solet a plerisque
 Peripateticæ doctrinæ magistris.
 Hi

Hi postquam contritas assiduo scholarum usu & pervulgatas Philosophiæ formulas hauserunt primum & ad captum deinde auditorum accommodarunt, non modo quid senserit Plato, aut Epicurus, aut Zeno cognoscere neutiquam satagunt; sed ne Aristotelem attingunt omnino: & an ea quam tradere se profitentur Peripatetica doctrina re ipsa Peripatetica sit, prorsus nesciunt. Epicurus ipse Democriti sententias recoxisse contentus, reliquas disciplinas non tam aspernatus est, quam inscitiae suæ tegendæ aspernari simulavit, quasi ad veram scientiam adipiscendam parum utiles: cum interea Pyrrhonis auditor Nausiphanes, a quo fuerat ipse ad Philosophiam institutus, summa eruditionis laude floret. Ac complures porro non Academici modo, sed & Sceptici, usu rerum & doctrinæ gloria insignes exstiterunt. Cartesius ipse, etsi veteres pervolutaverat. Philosophos, ac recentiores etiam non paucos, eorum tamen inscius videri voluit, ut unus totius suæ
doctri-

doctrinæ auctor & repertor crederetur. Atque hanc ejus simulatam imperitiā plerique ejus discipuli non fictam, sed manifestam & contestatam expresserunt. At iidem tamen assertores inscitiae, eruditionis osores, extinctores humanitatis, quod eorum scripta non obscure produnt, pervulgatam tamen adversus Academicos occentant nāniam, summæque eos accusant inscitiae: quippe qui inquirunt, cum se dicant nihil scire, omnium hominum imperitissimos se agnoscant: quasi cum se nihil scire dicunt Academici, scire aliquid alios fateantur. Attendissent vero attenti illi Philosophi, attentionem animi totis libris commendantes, geminam inesse in sciendi vocabulo significationem, & aliud esse clarissime firmissimeque scire, aliud scire probabiliter; hoc modo scire Academicos ac reliquos homines; illo modo scire neminem. Addunt eos simulatam rerum omnium etiam certissimarum dubitationem præ se ferre, ut ingeniosi in vulgus habeantur. Ingeniosorum

rum igitur titulum famamque captabant ipsi Cartesiani, ac prius quoque captaverat Cartesius, cum ad percipiendam veritatem anteceptis opinionibus quas *præjudicia* vocant, liberandos esse animos pronuntiaret. Verum & ex hac eorum querela, & ex ipsorum scriptationibus facile scias, eos ut politioris omnis literaturæ expertes, sic Academicæ Scepticæque doctrinæ penitus esse ignaros.

XI.

Nunc solvere conemur tertium tuum argumentum, quo contendis id nos videre quod non videmus, verum scilicet ac falsum: certamque habere notam qua ea discernamus. Mirum sane scire te quid videam, me nescire. Dixi exstare in rebus speciem veri quam sequamur; atque hinc colligis habere nos regulam interno-scendi veri & falsi; cum species veri illud sit quo verum distinguitur a falso. At species veri non est certa nota veri, qua visa sciamus

mus verum id esse cui illa inhæret; sed externa aliqua significatio quam cum alicubi deprehendimus, illuc inesse dicimus non veritatem, cum in rebus falsis eadem occurrat nonnumquam species, sed verisimilitudinem & probabilitatem. Ut enim Zeuxis, postquam veli imaginem in tabula à Parrhasio depictam, similitudine captus, velum esse credidit, agnito deinde errore, si aspexisset velum tabulæ obductum, dubitasset an reipsa esset velum; id tantum credidisset speciem illic inesse veli, sive veri sive falsi; quoad rei veritatem propius explorasset: ita nos deprehensa sæpius in rebus specie veri, in quibus tamen verum non esse cognovimus, cum deinde species eadem nobis occurrit, putare debemus, si sapimus, illic inesse verisimilitudinem quamdam, non verum ipsum: cujusmodi similitudo veri & à vero & à falso oriri possit. Tantum abest igitur, ut specie hac verum dijudicari possit à falso; ut quoniam communem eam esse deprehendi vero & falso, decreverim prop-

propterea à veri & falsi dijudicatione omnique assentione deinceps abstinere. At urgebis, Si similitudinem veri cognoscimus, nosse prius debemus verum: nec enim scire possumus an Petri imago similis sit Petri, nisi prius Petrum noverimus. Enim vero & veri & Petri. æque incertam habemus notitiam, nempe per ideas quasdam animo nostro obversantes, quæ quam incerti sint indices rerum, fuse jam dixi. Quoniam autem regulam nullam veri habemus, ad quam ideas nostras possumus exigere, æque incerta est idea Petri quæ a Petro orta est, ac idea veri quæ a me conficta est: nec certior sum veram esse ideam Petri, quam veram esse ideam veri. Ut ergo cum dico imaginem Petri esse similem Petri, id volo, ideam imaginis Petri quæ in me est, mihi videri similem ideæ Petri; ita cum dico speciem veri esse similem veri, id volo, ideam speciei hujus quæ in me est, mihi videri similem ideæ veri. Quod autem addis, Si minus verum percipitur à nobis,

at

at percipi saltem verissimile; quippe cum dicimus inesse in aliqua re speciem veri, hoc ipsum sciri à nobis & deinde affirmari: & cum speciem hanc sive similitudinem veri sequimur, tum nos assentiri; frustra igitur jactare nos ab homine percipi nihil, affirmandum esse nihil, numquam assentiendum: id perfacile dissolvitur. Nam cum aio in re aliqua me speciem veri deprehendere, id volo, ideas duas animo esse impressas meo, ideam nempe speciei veri & ideam veri, quas cum simul confero, mihi videntur esse similes. Ut cum video Petrum, statim existit in animo meo idea Petri. Quoniam autem ideam Petri cum Petro ipso conferre non possum, quia Petrus in animo meo non est, sed ejus tantum idea; prorsus incerta est origo hujus ideæ, & similitudo ejus ad rem quam exhibet, neque umquam ex ea clarissime firmissimeque sciam Petrum hic adesse. At id tamen mihi videtur probabile, quia ideæ inter se similes alias mihi visæ sunt convenientiam cum rebus significare.

I

Quem-

Quemadmodum autem veritas est consensio objectæ extrinsecus rei cum iudicio quod mens facit ex intuitu ideæ rei hujus. Igitur dum ad ideam Petri, quæ in me est, animum intendo, videre mihi videor inhærentem ei speciem quamdam consensionis cum Petro. Tum hujus speciei ideam cum idea veri comparo, easque similes esseprehendens, speciem hanc verisimilem esse dico. Ergo, inquis, hoc saltem percipis, has ideas esse similes. Minime vero, nam percipere est clarissime firmissimeque scire: nequiquam autem novi ideas omnes quas gero in animo. Me insciente & incogitante varii in animo signantur & oblitterantur ductus, sulci, vestigia: magna ad cerebrum meum appellit spirituum copia, magna abscedit: varie illi moventur & agitantur: quamobrem rerum multarum invitus memini & obliviscor; non æque semper valeo acumine ingenii, non æque utor ratione: nec proinde in potestate mea sunt ideæ rerum, neque idearum naturas, causas, ortus, interitus satis scio; quam-

quamobrem nec earum similitudines firmissime percipio. Quod autem firme non percipio, nec certo affirmo. Satis profecto ostensum jam ante a nobis est, dubiam esse fidem cerebri, ignotam naturam intellectus. Insunt autem species in cerebro, sulci nempe in eo per spirituum nervorumque motum impressi; ex his ideas fingit intellectus, quas & inter se comparat, similitudinesque deprehendit. Quid ergo indubitanter possum percipere ex instrumentis dubiæ fidei? quid sine constanti ac firma perceptione affirmare? Itaque cum ait Academicus veri esse nihil; omnia incerta, nihil sciri; hæc non affirmantis sed narrantis more pronuntiat. Atque hic valet vetus illa Carneadis Scepticorumque supra jam a me usurpata exceptio: dicta hæc se ipsa includere: & cum quis dicit percipi nihil posse, ne hoc quidem excipere ipsum quod dicit; & cum cæteris pronuntiatis hæc interimere se ipsa: ut olim Sanson eadem ruina qua Spectatores se ipse oppressit. Nec nos turbat quod

(.) Aristocles apud Euseb. Præparat. Evang. l. XIV. c. 18. objicit (1) Aristocles, frustra adhiberi dicta hæc, quæ se ipsa confutent & inania sint: quippe frustra non adhibentur nec inania sunt, si reliqua secum confutent: ad id enim usurpantur dumtaxat, ut confutent cætera, non ut ipsa per se constent, seque tueantur.

XII.

Quod autem deinde huic instituto titulum detrahis disciplinæ, & sectæ, & Philosophiæ, parum me movet: quid enim refert quo nomine utaris, res modo constet? non sectam sed sectarum everriculum, & non philosophandi Philosophiam appelles, uti appellatur à nonnullis, per me licet. Neque vero æquum est, qui disciplinæ nomen eripiamus aliis propter inscitiam veritatis, hoc ipsum usurpare, dum in eadem nos inscitia versari fatemur. Eodem ergo mucrone se ipse transfixerit Arcesilas, quo reliquos Philosophos, uti caussatur Lactantius: idem erit fatum universæ Philosophiæ & Dogmaticæ & Apo-

Aporeticæ: hoc est, affirmantis & dubitantis. Quamquam hac illis parte præstamus, quod nihil scire se nesciunt; nos scimus, etsi non certo nec sine dubitatione. Præterea verisimilitudinem quam sequamur, nobis concedunt; nos veritatem quam quærunt, tollimus. Ac propterea cum & plus illis intelligamus, & illorum sublevemur suffragiis atque nostris, illi tantum suis; splendido Philosophorum vocabulo, ac disciplinæ titulo digniores sumus. Falluntur præterea, quod Philosophis indignum est: nos qui nihil affirmamus, qui nusquam assentimur, certe neque fallimur neque possumus falli, quoad non affirmamus neque assentimur. Utra autem secta disciplinæ nomen potiori jure meretur: eam quæ incerta dogmata pro certis habens, aliaque ex aliis incerta deducens & in ordinem ac seriem componens, vera esse defendit etsi dubia sunt, iisque mordicus adhærescit? an quæ nulla proferens dogmata, nihil affirmans, ea tantum proponit quæ sibi videntur probabilia, & ut ve-

risimilia affert quæ verisimilia sunt, ex iisque textum quoddam efficit? utri melius tutiusque habitant, iine qui ficulneis trabibus & quassatis arundinibus celsam domum struunt, structamque incolunt? an qui infirmitate materiæ hujus perspecta, nec solidiorem reperientes, ruinam veriti, malunt in nativis antris solidaque petra cubilia ponere, fruges & suppellectilem recondere? Quid quod & probabilia isthæc in formam disciplinæ suis constantem partibus, seque egregie tutantem redigi possunt? Testis certe locuples Sextus Empiricus, qui accuratam modestæ hujus & nihil sibi arrogantis Scepticorum doctrinæ descriptionem dedit aptam ex sese & cohærentem: testes & alii plerique qui similibus idem præstiterant commentariis annorum serie consumtis.

XIII.

Evolveremus quoque nos ex istis cassibus quos inextricabiles opinabare, cum diceres, si verum est quod

quod defendimus nihil esse verum neque falsum, esse igitur aliquid verum, proptereaue nos falli: si id falsum est, falli nos quoque dum falsum proferimus. Hoc enim argumentum ad illud redit quod mox a te allatum est, cum aio nihil percipi posse, nihil affirmandum esse, hoc saltem me percipere, me affirmare. Par itaque est adhibenda responsio: nempe cum dicimus nihil esse verum neque falsum, hanc propositionem seipsam includere; neque exceptam esse ab hac universalis lege qua negatur verum esse quicquam aut falsum. Nam si in formam compingas argumentationem istam, quorsum recidat clarius intelliges; erit autem hujusmodi: Cum dicimus nihil esse verum neque falsum, id vel est verum vel est falsum: si est verum, falsum est igitur quod dicimus nihil esse verum neque falsum: si est falsum, falsum est itidem quod dicimus nihil esse verum neque falsum. Ergo falsum est quod dicimus nihil esse verum neque falsum. Non concedimus tibi majorem sumtionem;

nem ; manifesta est enim petitio principii, ut Dialecticorum vocabulis utar : sumis quippe quæsitum pro concesso , nam ponis nullum esse pronuntiatum quod non sit verum vel falsum , cum dicamus nihil esse verum neque falsum. Posita autem sumtione incerta & dubia conclusio nulla est. Consimile in scholis affertur exemplum argumenti quod *αἰούσατον* vocant. Fingunt somniasse quemdam ne somniis crederet : si credat somnio huic, inquiunt, simul credet & non credet somniis ; credet quidem somniis, quippe qui credat somnio huic ; non credet somniis , vetat quippe hoc somnium ne credat somniis. Si non credat somnio huic, credit itidem simul & non credit somniis ; somniis quidem credet, quippe qui faceſſat somnii hujus præceptum quod vetat ne credat somniis : somniis non credet, quippe qui non credat somnio huic. Hæc in se incurrere videntur , ſequæ perimere. At eadem ſolutio ac ſuperiorum. Hoc enim ſomnium fidem ſibi derogat, itidem ut aliis quibuscumque

que. Non reliquis ergo somniis is
 detrahet fidem, qui credit postre-
 mo huic, sed admonitus tantum,
 non persuasus, universa, atque hoc
 etiam pro falso habebit. Nihilo
 plus laborabimus in refellendis iis
 quæ pro demonstratione (sic enim
 appellas ἀπόδειξιν) disseruisti. Quæ
 afferimus, inquis, ad tollendam
 demonstrationem, vel probant tol-
 lendam esse demonstrationem vel
 non probant: si probant, est igi-
 tur demonstratio; cum demonstra-
 re sit probare argumentis; si non
 probant, est igitur itidem demon-
 stratio, cum quæ ad eam tollendam
 afferimus, non probent esse tollen-
 dam. Ponitur hic quoque ut con-
 cessum quod ambigitur, omnem vi-
 delicet argumentationem aliquid
 probare vel non probare. Cum au-
 tem probare instituimus nullam esse
 demonstrationem, probatio ipsa
 qua ad id utimur, se ipsam inclu-
 dit, seque ipsa perimit. Ergo, in-
 quies, si probatio ista nihili est,
 cassa & inanis, sequitur stare de-
 monstrationem, quam hac proba-
 tione oppugnabam. Probationem

hanc fatemur non esse veram, cum nihil sit liquido verum; neque certi quicquam concludere, cum nihil sit constanter & indubitanter certum; verisimilem tantum esse aio. Quæ autem verisimilia sunt, nihil concludunt certi; quod tamen ad demonstrationem requiritur. Nugantur vero Epicurei, cum altero hoc argumento nos urgent; vel scire nos quid sit demonstratio, vel nescire; si scimus, esse igitur demonstrationem: si nescimus, ineptos esse nos, qui rem nobis ignotam oppugnemus. Simili enim argumento premi poterunt, quicumque dixerint non esse quippiam: notiones autem rerum quæ non sunt, animo licet informare.

XIV.

Ais deinde, si tales a Deo conditi essemus ut semper falleremur, etiam in rebus notissimis, fatendum fore Deum esse fallacem, quod vel suspicari nefarium est. Purget se de eo Cartesius auctor argumenti hujus, quod recitavimus, non probavi-

bavimus. Aliud enim suadet nobis Christiana pietas atque Fides. Finge te vero pugnare cum Cartesio: pertendet ille scilicet non idcirco futurum fallacem Deum (absit verbo impietas) etiamsi tales nos condidisset, ut semper falleremur. Nam cum tales nos condiderit, ut aliquando fallamur, nec propterea fallax dicendus sit; ita neque fallax habendus esset, etiamsi semper falleremur. Præterea etiamsi Deus tales nos effecisset ut semper falleremur, non ob id solum dici posset fallax; sed necesse præterea foret, ut tales nos effecisset, qui cum semper falleremur, certo tamen crederemus nos non semper falli: ut mendax neutiquam habendus est qui fabulas narrat; sed qui cum fabulas narret, persuadere vult auditoribus se vera narrare: nec is dolosus, qui male materiatas ædes & ruinosas vendiderit; sed qui cum caducas venderet, firmas esse & integras dixit. Imo vero vir bonus habebitur, si ruinosas esse præmonuerit. Ita Deus infidos esse sensus nostros, caducam Rationis nostræ

fidem, tenue ingenium, obscuras & incertas perceptiones rerum, clarissimis documentis significavit; non oraculis modo scriptorum sacrorum quæ attulimus supra, non ipsorum modo sensuum Rationis-que natura, sed experientia quoque ipsa: qua magistra cum didicerimus sæpe nos falli, intelligendum quoque id fuit semper nos falli posse; vel certe si quando non fallamur, scire nos neutiquam posse tum nos non falli. In eo itaque vel maxime declarat Deus se esse *plenum veritatis*, & veritatem ipsam; quod nos errantes erroris nostri commonefaciat, nec falsis rerum imaginibus deludi patiatur, suadeatque interno hortatu & assiduo ut certam veritatis normam non a sensibus vel a Ratione, sed a se per Fidem expectemus. Imo vero longe utilius nobis à Deo consultum est, cum a nobis sustulit veritatis notitiam, quam si aditum ad eam planum & patentem aperuisset. Postquam enim probe intellexerimus verum à nobis clarissime & firmissime percipi non posse, con-

tine-

tinebimus assensum, nec umquam falleremur; falleremur autem sæpissime, si veritatis compotes nos fieri possemus. Sic nempe adversus petitionem tuam se tuebitur Cartesius. Sed res ipse suas agat: nos alienæ causæ vitia non præstamus.

XV.

Gravi denique hoc pulsamur argumento, quod retinendis assensionibus abducimur a susceptione Fidei, morumque corruptelam inducimus. Suppetunt vero argumenta quibus adduci in concordiam possent Fides & Ratio, atque ostendi nullum Fidei timendum esse periculum a Ratione. Sua quippe lux est Rationi, etsi tenuis & obscura. Verum ad firmam, tenacem & inconcussam veritatis perceptionem non satis utile est ejus, uti neque sensuum ac naturæ subsidium; at quæ per lucem mentibus nostris præter humanæ naturæ leges divinitus infusam percepta habemus, iis submittere animum decet. Suscepta porro Fide, mo-

res ex Fidei præscripto componere
 necesse est. Deinde etiamsi care-
 remus sanctissima hac norma Fidei,
 habemus certe legum & consuetu-
 dinum regulam, ex qua mores nos-
 tros fingamus. Quæ autem in sen-
 suum patrocinium gravissimis ver-
 bis declamat (1) Tertullianus, vi-
 tæ statum everti, naturæ ordinem
 turbari, Dei providentiam excæ-
 cari; tritæ hæc sunt Dogmatico-
 rum querelæ, superioribus dispu-
 tationibus satis a me sedatæ. Nec
 ex humanitate Christi quæ divini-
 tati conjuncta fuit, & quæ tam ab
 errore quam a peccato fuit aliena,
 petere debuit argumentum. In A-
 postolis sanctisque hominibus quo-
 rum facta atque dicta pertinebant
 ad propagationem Fidei, & sum-
 mam illam Rationis ac sensuum fi-
 delitatem & *certitudinem* conserva-
 vit Deus, quam fert humana na-
 tura & ab erroribus defendit præ-
 sentibus auxiliis. (2) Augustino
 vero concedimus, sine assensione
 non constare Fidem; at assensionem
 Fidei dicimus alterius esse generis
 ac assensionem Rationis. Dubita-
 tionem

(1)
 Tertull.
 de Anim.
 c. 7.

(2)
 August.
 Enchir.
 ad Laur.
 c. 20. &
 de Civ.
 Dei l.
 XIX.
 c. 18.

tionem eliminat e Civitate Dei; & merito, si adhibeatur ad res Fidei, Fidemque labefactet Ratione certissimam vult haberi scientiam: certissimam nempe *certitudine* humana, quam alibi infirmam esse agnoscit; caligare quippe hominum mentes, mersas sordibus corporis & erroris tenebris velatas in lucem veritatis non posse aciem intendere. Exsequamur deinceps reliqua argumenta nobis opposita. Si Rationem, inquis, non audimus, labefiet hoc Religionis fundamentum, quod ipsa in animis nostris jecit ratio. Deus est. Scires vero duplici modo Deum cognosci ab hominibus: per Rationem summa *certitudine* humana; per Fidem summa *certitudine* divina. Quamvis per Rationem notitia nulla comparari possit certior notitia Dei, adeo ut argumenta quibus oppugnetur ab impiis præ ea sint nauci, facileque obterantur, neutiquam tamen certa est hæc notitia *certitudine* perfecta. Inde fit ut Patres Ecclesiæ vix eum nosse Deum putent, qui per Rationem tantum Deum.

Deum novit, non per Fidem: ac nullo propemodum loco habeant notitiam Dei partam per Rationem.

(1) Tertull. de Anim.
c. 1.

Nam quid sibi vult (1) Tertullianus his verbis, quæ jam supra allata sunt à me? *Cui Deus cognitus sine Christo? cui Christus exploratus sine Spiritu sancto? cui Spiritus sanctus accommodatus sine Fidei sacramento?*

(2) Athanas. ad Serapim.

Quid (2) Athanasius, cum ait Divinitatem tradi non argumentis Rationum, sed in Fide & pia cogitatione cum pietate? Quid Joannes Chrysostomus, cum deridet Philosophos, quod mundum ex nihilo conditum esse non crederent, Deum vero carere principio & ingentum esse facile crederent; quamvis hoc multo minus credibile sit, & neutrum Ratio persuadeat,

(3) Petrus de Alliaco, in 1. Quæst. III. tit. 10.

sed Fides? Quid (3) Petrus de Alliaco, cujus hæc verba sunt? *Licet ista propositio, Deus est, non sit nobis evidens aut evidenter demonstrabilis, ipsa tamen est naturaliter probabilis: quo testimonio utitur Ga-*

(4) Biel in 1. Dist. 2. Qu. 10. art. 3. Dub. 1.

briel (4) Biel dum ipse definit *patere sufficienter licet non evidenter, quod oportet dari primum conservans,*

Et ita primum efficiens. Quid (1) Tho-⁽¹⁾
 mas, cum sic disputat? *Ratio hu-* Thom.
mana in rebus humanis est multum 2. 2. Q.
deficiens, cujus signum est quia Phi- 2. art. 4.
losophi de rebus humanis naturali
investigatione perscrutantes in multis
erraverunt, & sibi ipsis contraria
senferunt. Ut ergo esset indubitata
& certa cognitio apud homines de
Deo, oportuit quod divina eis per
modum Fidei traderentur, quasi a
Deo dicta qui mentiri non potest.
 Quamvis autem ad probandum
 Deum ea adhiberi possint argumen-
 ta, quæ simul collecta non minus
 habeant ponderis ad convincendos
 animos ac Geometrica ipsa princi-
 pia, orta que ex iis theoremata,
 summamque habeant certitudinem
 humanam, quoniam tamen inven-
 ti sunt insignes Philosophi qui prin-
 cipia hæc oppugnarint aperte, ma-
 nifestum est neque naturali huic
 notitiæ Dei, quæ comparatur per
 Rationem, neque principiorum
 & theorematum Geometricorum
 scientiæ perfectam inesse & nume-
 ris omnibus absolutam certitudi-
 nem, sed eam tantum quam hu-
 manam

manam diximus; cui tamen virum quemlibet prudentem deceat animum submittere. Nec his adversaria sunt quæ habentur in libro

(1) Sap.
XIII. &
seq. Rom.
I, 20.

(1) Sapientiæ, & in Epistola ad Romanos, vanos esse homines & inexcusabiles, qui ex mundi opificio virtutem & divinitatem opificis non intellexerunt. Quippe, ut

(2) Vasq.
in Thom.
L. part.

(2) Vasquis verbis utar, *Scriptura his locis contendit solum semper fuisse sufficiens Dei testimonium ex Mundi fabrica & aliis effectibus, ut ab iis cognosceretur. Utrum autem notitia evidenti an solum probabilissima nihil curat: hæc enim verba, videntur, & conspiciuntur, communi quadam & magis usitata significatione quamlibet intellectus notitiam cum assensu determinato significant. Cum addit: Nam si aliquis modo Christum negaret, non propterea excusari non posset, quia evidentem rationem illius habere potuisset; sed quia Fide & notitia prudenti potuisset credere. Merito ergo*

(3) Suar.
disput. 3.
de Fide,
Sect. 6.

statuit Suares *naturalem evidentiam illius principii, Deus est prima veritas quæ fallere non potest, neque*

que esse necessariam, neque etiam
sufficere ad credendum per Fidem in-
fusam ea quæ Deus revelat. Non
esse necessariam probat experientia
teste; nam idiotæ Christiani etsi
nihil de Deo clare certoque cog-
noscunt, Deum tamen esse certo
credunt. Ipsi quoque Christiani
ingenio & doctrina præditi, uti ob-
servatum est à (1) Thoma, ante
credunt Deum esse, quam id Ra-
tione perspectum habeant. Non
sufficere naturalem principii hujus
claritatem inde Suares ostendit,
quod Fides divina mentibus nostris
infusa niti non potest sola fide hu-
mana, quantumlibet clara atque
firma, tamquam *objecto formali*;
cum firmior assensus nobiliorisque
ordinis *certitudinem* ducere non
possit ab assensu infirmiori. Sic
sentit (2) Thomas, sic alii Theolo-
gi, nec de virtutibus tantum theo-
logicis, sed & de moralibus à Deo
infusis, quæ par rationem natura-
lem pro dignitate regi non possunt.
Minime vero ista infringuntur hoc
Pauli decreto, (3) *Credere oportet*
accedentem ad Deum, quia est: quip-
pe

(1)
Thom. 2.
2. Q. 2.
2. 4. & 5.

(2)
Thom.
22. Q. 2.
24. & 1.
2. Q. 63.
2. 3. in
corp. &
ad 3um.
(3) Ebr.
XI, 6.

pe credi id jubet Fide non naturali sed divinitus infusa: nam proxime id præmisit, *sine fide impossibile est placere Deo*: & ita interpretati sunt Patres (1) Tridentini. Effatum autem illud Thomæ, *eodem actu nos credere Deo & Deum*, indicat Fidem illam divinam qua credimus Deum esse à Deo ipso, non à natura & Ratione humana proficisci. *Talem enim modum fidei*, inquit Suares, *meretur excellentia primæ veritatis, ut cum resolutio fit ex objecto materiali ad formale, ipsum objectum formale non aliud resolvatur, sed per se ipsum credatur, quia potest de se ipso testificari*. Ad id autem quod adjecisti, futurum ut Fides pendeat ex incertis, si incerta sunt prima principia lumine naturali cognita, cujusmodi est illud, Res eadem non potest simul esse & non esse; præclara est ejusdem Suaris responsio: *Si aliquod est principium primum quod necessario involvatur in assensu Fidei, est etiam ipsa Fide creditum, neque Fides pendet ab eo ut naturaliter cognito*. V. G. si *credo Deum esse trinum, necessario credo*

1) Con-
cil. Trid.
sess. VI.
c. 6.

credo non esse unicum in persona, neque esse quatuor personas: non propter principium naturale quodlibet est vel non est, ut naturale est; sed quia ipsamet Fides, quæ facit credere affirmationem esse veram, facit etiam credere negationem esse falsam. Et sic de cæteris. Fides igitur non pendet ex primis illis principiis, sed ea tantum ponit ut certa, summa nimirum illa quam dixi certitudine humana, ad quam postmodum accedente Fide, ex certis summa certitudine humana fiant certa certitudine divina: quod paulo ante ita probatum est à me, ut assentiri visus sis. Inde autem facile intellexisti mentem humanam, quamdiu Ratione nixa in primis illis principiis figit pedem, vix locum tenere; simulac vero opem tulit Fides, firmis insistere vestigiis, quod & supra jam docui. En tibi pervagatum illud, totiusque veteris Philosophiæ assensu comprobatum axioma, ex nihilo nihil fit: ad quod tamquam inconcussum firmissimumque fundamentum adhærens Plato, mundum finxit

xit ex materia æterna: Aristoteles ortu carere; id per Fidem castigatum est & repudiatum. Quidni vero & aliis axiomatis idem censeam accidere divinitus posse? Annon & vi divina fieri posse statuit Cartesius, ut res eadem simul sit & non sit, idem effatum simul verum sit & falsum? Ex quibus liquido constat Rationem dum circa prima versatur principia, licet summam obtineat humanam *certitudinem*, aliquid tamen ei ad perfectam *certitudinem* deesse, quod suppletur per Fidem. Nec his solum axiomatis primisque principiis, sed & reliquis enuntiatis, quæ minus late patent, minusque facilem ab humanis mentibus extorqueat assensum, *certitudinem* vimque conciliat Fides. Hujus generis pleraque sunt quæ codicibus sacris, quæ Conciliis & Ecclesiæ decretis continentur. Puta ea quam attulisti propositio: Christus est animal rationale; non modo per tuam argumentationem perque Rationem certa fit, sed etiam per Fidem. Certa & per Fidem mihi fiunt hæc
enun-

enuntiata, Homo constat corpore & anima, Homo sentit atque vivit, Ergo sum & vivo, quippe qui credo, meque credere scio. Hæc quæ per Rationem certa habebantur *certitudine* humana, accedente Fide jam certa fiunt *certitudine* divina, faceffuntque tenebræ illæ quibus obfita est mens noſtra. At præclarum ſane hoc eſt Fidei, Theologiæque ipſius beneficium, præter alia pleraque, quod confirmat nutantem animum, & in plenam, claram atque firmam veritatis notitiam adducit. Inſtabis vero, dicesque formam ſaltem, quam vocant, ſyllogiſticam, extra Fidei cenſum eſſe, neque aliam in ea certitudinem ineſſe poſſe quam humanam, ex ea tamen pendere *certitudinem* concluſionis, quæ ſi ad Fidem pertineat, non alia erit *certitudo* concluſionis ad Fidem pertinentis, quam humana. At ſcito *certitudinem* concluſionis huius quæ pertinet ad Fidem, neutiquam ex *Syllogiſticæ* formæ *certitudine* pendere, quæ ad eam, ut Scholæ more loquar, *mere ſe habet per accidens*.
Sciſ-

Sciscunt enim Theologi ac (1) Thomas imprimis *divinam scientiam non esse discursivam vel ratiocinativam, sed absolutam & simplicem*: & uno eodemque actu ferri animum in *objectum materiale* propter *formale*; & uno itidem eodemque actu credi Deo & Deum; quippe Fidem, dum mentibus nostris illabitur, efficere ut & ipsa & res quas proponit ad credendum, admittantur & credantur. Quemadmodum lux & se ipsam & alias res facit aspectabiles.

(2, Chry- Apposite ad hæc 2) Chryso-
 sost. in st. in mus, quem jam citavi in testimo-
 Ebr x 2. nium, per Fidem videri ait res
 Hom. 21. obscuras, & res quæ videntur cer-
 tas fieri ac confirmari per res quæ
 non videntur: ac Fidem constare
 non posse, nisi certius de rebus
 quæ non videntur fuerimus persua-
 si quam de iis quæ videntur. Jam
 ad *motiva credibilitatis* quod atti-
 net, quæ cum animum comparent
 ad suscipiendam Fidem, certissima
 esse vis, non solum summa *certi-*

(3) Biel. *tudine* humana sed absoluta, op-
 in 3. dis- ponimus tibi Gabrielem (3) Bie-
 put. 24. lem, qui ad Fidem comparandam
 act. 3. fatis
 dub. 1.

satis esse definit si *motiva credibilitatis* proponantur ut probabilia: Putasne vero pueros vix ratione præditos, barbaros homines, stolidos, imperitos, Fide tamen pol-
lentes, *motiva illa credibilitatis* a-
nimo clarissime firmissimeque per-
cipere? neutiquam sane; sed præ-
sto est gratia Dei, & interna lux,
per quam naturæ & Rationis fir-
matur imbecillitas. Quæ Theolo-
gorum est communis doctrina. At-
que has gratiæ divinæ suppetias,
non in rudibus solum hominibus,
sed in doctis quoque & acutis re-
quirit Ratio; quæ quantumlibet sit
perspicax, Fidem tamen divinam
conciliare non potest, nisi lux de
cælo intrinsecus affulgeat. Quippe,
ut dixi, Fides divina, utpote supe-
rioris ordinis, robur ducere non
potest a fide humana. Itaque se-
nipelagianos damnavit Ecclesia,
quod initia Fidei à nobis esse pu-
tarent, non a Deo. Hinc illud
Arauscani Concilii decretum: *Si* Concil.
quis per Naturæ vigorem bonum ali- Araus.
quod, quod ad salutem pertinet, co- C. 7.
gitare ut expedit, aut eligere, sive

K

præ-

prædicationi consentire posse contendat absque illuminatione & inspiratione Spiritus Sancti, hæretico fallitur spiritu. Par & illud Tridentini: Si quis dixerit sine præveniente Spiritus Sancti inspiratione atque ejus adjutorio, hominem credere sicut oportet, ut ei justificationis gratia conferatur, anathema sit. Par & illud Thomæ placitum: Lumen Fidei facit videre ea quæ creduntur. Item: Fideles eorum quæ sunt Fidei habent notitiam, non quasi demonstrative, sed in quantum per lumen Fidei videntur esse credenda.

Concil.
Trid. sess.
VI. Can.
3.

Thom. 2.
2. Q. 1.
2. 4. ad 3.
& 2. 5.
ad 1.

XVI.

Cur autem abjecta sit sententia Pyrrhonorum minime ex causis fuerunt quas suspicaris. Factum id putas ab Ethnicis, ne abjectæ jacerent disciplinæ: cum eas tamen a viris summis dubitandi artem secutis diligenter excultas fuisse ostenderim. Factum putas a Christianis, ne Fidei moribusque officeret: cum tamen Ciceronis ætate vel jam concidisset penitus, uti sæpius

pius ab eo traditum est; vel, quod verius est, ad paucos recidisset; quo tempore nihil a Scepticis vel religioni suæ vel moribus metuebant Christiani nondum exorti. Factum id potius ex innata homini superbia, qui cum hac opinione imbutus sit & inflatus à natura, ratione se præstare cæteris animantibus, participem esse se intelligentiæ, capacem disciplinæ, natum ad ratiocinandum, ad cognoscendum, ad sciendum, dolet eripi sibi præclaras hæc dotes, cogi se in ordinem, & ad perpetuas inscitiae tenebras damnari. Minime ergo patitur demi sibi gratissimum errorem mentis; gloriosamque & honorificam insaniam anteponit obscuræ & inopi sapientiæ: & ne ex avito illo scientiæ fundo, velut ex luculento aliquo patrimonio a natura sibi tradito, dejiciatur ab Academicis & Scepticis, mavult eos, sic tamquam extortores Rationis & scientiæ contortores vi armisque persequi, quam lege agere & ad interdictum venire: quippe si fecerit de insepulta sibi contra jus possessione.

videt esse decedendum. Jam igitur intelligis, opinor, quam leves sint & frivola contradictiones Dogmaticorum: quibus tamen permoverer fortasse, si secta ulla Philosophorum careret reprehensionibus; vel si disciplinam ullam probaret quisquam Philosophus præter suam. At illi quoniam perpetuo dissident inter se & continenter bellum gerunt, postulandum non est ut nobiscum pacem colant. Neque vero recusare ipsi possumus, si æqui esse volumus, quin nobis contradicant plurimi, qui omnibus contradicere solemus. Qui quoniam reprehensionibus nostris ab errore suo dimoveri se non sinunt, pati illos itidem æquum est objurgationibus suis minime nos perturbari. Erudita illa & doctrinis ad miraculum exaggerata secta Pythagoreorum, infinitis primum vexata calumniis & ludibriis, penitus tandem exolevit: five quod nobiliora ejus inventa suppilaverint Plato, Aristoteles, Speusippus & alii; ac recocta & interpolata in se transmoverint; quæ vero irrui opportuna

tuna erant, seposita collegerint, & velut materiam sectæ hujus exagitantæ cavillatoribus subministrarint, quæ (1) Porphyrii conjectura est: sive quod contemtionem ipsi pepererint adulterini quidam libelli, & infanda ac peregrina symbola factioni huic afficta, quemadmodum suspicatur Iamblichus. Neque hic tamen, neque alii complures aspernatione hac dejecti sunt ab instituto, fretosque se jactarunt Deorum præsidio, in quo vellent acquiescere. Quibus convitiis agitata est Epicuri doctrina ob sublatam Divinitatem, depravatos mores, extinctum pudorem, invec tam licentiam? vulgo certe habita est tam infamis ut recentiores Judæi arrogantia, impudicitia, & lupanari quoque de Epicuri nomine nomina fecerint. Nuper tamen existit Gassendus, instituto sacerdos, qui eam tot jam annos sepultam excitaret: plurimorumque & doctorum ac piorum hominum approbationem meritus est. Ne hac quidem reprehensione immunis fuit Cartesius, quamvis &

Porphyr.
Vit.
Pyth.

Iambl.
Vit. Pyth.
L. I. C. I.

Deum esse & animum distinctum esse a corpore demonstrare conatus sit: nec ea tamen calumnia absterri sunt ab ejus opinionibus persequendis viri omnium ordinum graves & eruditi.

Quæ cum ita sint, minime nobis speranda sunt æquiora inepti vulgi judicia: nec si adversis premimur suspicionibus & querelis ideo desistemus a proposito, quidquid probabile visum fuerit sequendi, quoad probabilius quippiam nos avocet & alliciat: nec id scire nos interim fatebimur quod nescimus: plurisque libertatem judicii nostri, quam vanorum hominum approbationem æstimabimus. Magnopere quidem me confirmaret & incitaret tua, amicissime vir (magna enim erat in egregio hoc viro verborum morumque comitas) quam utinam consequi possem. Et vero soluta hæc quam profiteris & libera philosophandi ratio, per omnes excurrentes disciplinas, neque ulli se alligari patiens, ad nostram te causam satis ostendit esse propensum, non multum certe aversum.

sum. Quod si alia tua sententia est, neque pugnabo tecum, neque postulabo, ut quam ego philosophandi licentiam tanto nisu tueor, eam tu projicias. Tum ego, scrupulum iniecisti, inquam, sed res habet deliberationem, & diligenter ac per otium considerata est. Me si alia deterrebunt ab hac doctrina, & si parum in Philosophia valere debet auctoritas; movebit tamen tua ac fortasse revocabit. Malim, inquit ille, id tribuas amicitiae; ne in magna vitæ ac studiorum consensione, hæc intercedat opinionum disjunctio. Hæc fuit apud me excellentis Philosophi disputatio; nec absurda si quid sapio, nec insuavis: quid enim dissimulem? in ea certe commotus sum.

FINIS.



522073



1871

52443



